



# ცისკარი

№ 4 // 2022

ლიცენზირებული –  
საზოგადოებრივი ჟურნალი

მთავარი რედაქტორი  
ამირან გომართელი

პასუხისმგებელი რედაქტორი  
თამარ გელიტაშვილი

კომპიუტერული უზრუნველყოფა  
მარინე სიყმაშვილი

დიზაინი  
ირაკლი უშვერიძე

---

ჟურნალი გამოდის  
საქართველოს კულტურის, სპორტისა და  
ახალგაზრდობის  
სამინისტროს სელშეწყობით



საქართველოს  
კულტურის, სპორტისა  
და ახალგაზრდობის  
სამინისტრო

ciskari1852@gmail.com  
<https://dspace.nplg.gov.ge/handle/1234/2>

# სარჩევი

<b>დავით ულდიაშვილი - 160</b>		<b>ბესიკ ლაგვილავა</b>	<b>53</b>
მაკა ჯოხაძე	3	შეხვედრა პიტერ პენტან	
შტრიხები პორტრეტისათვის		<b>ნაჯითხათ ჰაბარაზ</b>	
<b>ამირან გომართელი</b>	<b>5</b>	ნინია კაპანაძე	<b>56</b>
წინასწარმეტყველური პიესა		ლექსები	
<b>ლალი ავალიანი</b>	<b>10</b>	<b>ახალი თარგმანი</b>	
დიდი მწერლის		ფრენკ ო'კონორი	<b>60</b>
ფილიგრანული ხვეულები		ჩემი ოიდიპოსის კომპლექსი	
<b>პოეზია</b>		ინგლისურიდან თარგმნა	
ქეთევან ნათელაძე	19	<b>როსტომ წერეთელმა</b>	
ლევან გორვანელი	25	<b>ხსოვნა ისტორიისა</b>	
<b>პროზა</b>		ვახტანგ გურული	<b>69</b>
გიორგი სოსიაშვილი	29	არჩილ ჯორჯაძის ეროვნული	
დათა (მოთხრობა)		თანხმობის იდეა	
<b>ალექსანდრე კაკიაშვილი</b>	<b>35</b>		
ნოველები			

გარეჯანზე:

დავით ულდიაშვილი - ჯოტე მარჯანიშვილის ფოტო  
(დაცულია გიორგი ტეონიძის სახელობის  
ქართული ლიტერატურის სახელმწიფო მუზეუმში).

**ავტორთა საყურადღებოდ!**

რედაქციაში შემოსული მასალები ავტორებს არ უბრუნდებათ;  
გთხოვთ, მასალების ელვერსია გადმოგზავნოთ ვორდის ფაილით;  
ყურნალის ყოველი ნომრის ელვერსია მომდევნო ნომრის გამოსვლისთანავე  
განთავსდება საქართველოს პარლამენტის ეროვნული ბიბლიოთეკის ციფრულ  
ბიბლიოთეკა „ივერიელში“ – <https://dspace.nplg.gov.ge/handle/1234/2>

## მაკა ჯოხაძე



### შტრიხები ჰორტრეზისათვის

სერგო კლდიაშვილი იხსენებს:

„ერთ დღეს მამამ გამომიციხადა, რომ რუსეთში წასასვლელად გამოცდაზე უნდა წავყოლოდი. ყოველ წლობით მტავრობას მიჰყავდა თბილისის და ქუთაისის გუბერნიებიდან თავადაზრაურთა ორმოც-ორმოცი ბავშვი სამხედრო სასწავლებელში, კორპუსებში. მიჰყავდათ ისინი იმ მიზნით, რომ გაერუსებინათ და კიდევაც მიზანს აღწევდნენ ხოლმე, რადგან რუსეთში სამშობლოს მონყვეტილი ბავშვი ივიწყებდა ენას, ზნეს და ბრუნდებოდა ქართული გვარით, მაგრამ ერთიანად, თავიდან ფეხებამდე გარუსებული. თავადაზნაურობა დიდი ხალისით აძლევდა ბავშვებს მთავრობას, რადგან ის ზრდიდა თავის ხარჯზე და მშობლებს ანთავისუფლებდა ყოველი ხარჯისაგან შვილის აღსაზრდელად...“

ერთი გადარჩა კერკეტი კაკალივით. ეს გადარჩენილი და მშობლიურ ენადავინყებულნი ქაბუკობაში თავიდან ისწავლის ქართულს და შემდგომში ნამდვილ ლიტერატურულ გმირობებს ჩაიდენს.

„ – კიევში ვსწავლობდი და ახლა მოსკოვში მივიღივარ სამხედრო სასწავლებელში.

– გარუსების დასამთავრებლად? – მხიარული სიცილით ეკითხება უფროსი კაცი ბიჭს.

– არა, მე არ გავრუსდები... – პასუხობს ბიჭი...“

ეს კაცი აკაკი წერეთელია, ბიჭი – დავით კლდიაშვილი. ვაჟკაცურად შეასრულა დანაპირები. გარუსდა კი არა, გამორჩეულ ქართველად დარჩა.

მემუარული ჟანრის ლიტერატურა, ალბათ, ერთ-ერთი ყველაზე უფრო რთულად დასაძლევია ჟანრი. იქნებ პარადოქსულადაც უღერდეს, მაგრამ ასეა. რადგან ავტორს ბრწყინვალე მესხიერებასთან, ობიექტურობასთან, თხრობის კარგ უნართან, ეპოქის ზედმინევენით ცოდნასთან ერთად, ყველაზე დიდ ბარიერად მაინც საკუთარი თავი ელობება.

ამ ბარიერს, საკუთარ პერსონას, დავით კლდიაშვილი განსაკუთრებული სიიოლით უვლის გვერდს, ვითომ თვითონ არც არსებობს, არც ყოფილა, არც გაუფიქრია... და ყველაფერი ეს ხდება ისე, რომ არცერთ აზვაცში, არცერთ წინადადებაში არ ჟონავს და არ იჭყიტება ყალბი თავმდაბლობა.

იმას, რომ არ გარუსდა, დავით

კლდიაშვილი იმდროინდელი კიევის უნივერსიტეტის სტუდენტებს – ნიკოლოზოუს, პოლიკარპე ჩხიკვიშვილსა და ფარმაცევტ კონია ლორთქიფანიძეს მიაწერს.

იმას, რომ მუნდირში გადაცმულმა ოფიცერმა არ შეასრულა მეფის ბრძანება და, გიორგი ზდანევიჩის სიტყვებით რომ ვთქვათ, „ამ გმირის გუნდს არცერთი ტყვია არ გაუსროლია...“, ბედისწერას უმადლის დავით კლდიაშვილი. აკი ქებით აღენიღმა და შეცბუნებულმა ტაშის გრიალში გულწრფელად განაცხადა კიდევ:

„არავითარი გმირობა არ ჩამიდენია, ბედისწერისგან შებრალებული აღმოვჩნდი, ბედნიერი იმათთან შედარებით, რომლებიც უნებურად ხდებიან საშინელი დამნაშავენი ხალხის წინაშე...“.

ბრწყინვალე მოთხრობის – „სამანიშვილის დედინაცვლის“ გამარჯვებასაც კი თავის მეგობარს გადააბრალებს:

„ამ მოთხრობას ბედი ეწია ჩემი ძვირფასი მეგობრის ექიმ კონდრატი მხეიძის წყალობით“...

პიესების ტრიუმფალურ ზეიმს ლადო მესხიშვილსა და მსახიობებს უმადლის – „ძვირფასმა ლადომ მაჩუქა ეს დაუვინყარი წუთები...“ „დარისპანის გასაჭირიც“ ბედნიერი გახდა. დარისპანმა იპოვა თავისი მოსიყვარულე, განსხვავებულად მოსიყვარულე გამომსახველი – ვალერიან შალიკაშვილი...“

სხვისი ნიჭის აღფრთოვანების რა ღვთიური უნარიტაა დაჯილდოვებული ეს ლამაზი კაცი, პარტერიდან რომ შეუთვლის, კი არ შეუთვლის, შევედრება ევროპიდან ეს-ესაა დაბრუნებულ ახალგაზრდა მომხსენებელს – აწი მომავალი ლექციები რუსულის მაგიერ ქართულად წაუკითხე აუდიტორიასო... გრიგოლ რობაქიძეც უმალ შეუსრულებს თხოვნას მისი გზნებისა და ტალანტის დამფასებელ დავითს. სულ მალე ქართულად წაიკითხავს თავბრუდამხვევ ლექციებს „გველის მჭამელზე“, აკაკიზე...

რომელი ერთი უნდა ჩამოვთვალო, რომელი ერთი უნდა გავუხსენო ამ მომცრო ტანის ღირსეულ მოხუცს, მთელი სიცოცხლის განმავლობაში ფარად რომ ედგა თავისი ქვეყნის ღირსებას და მის დასაცავად დუელიც კი ჯილდოსავით გამოსტყუა გადამთიელებს...

ვერ ჩამოვთვლი, ვერ ამოვწურავ...

მარადიულია მისი ბეკინა, სოლომანი, კაროჟნა...

მარადიულია სოლომანის ჯორიც, მორჩილების, სათნოების, მიმტყვებლობის ფერი რომ დაადო დიდმა მწერალმა...

ეს ყველაფერი შეიქმნა და დარჩება სამარადუამოდ, მანამ, სანამ ქართული ენა იარსებებს, მანამ, სანამ იმერეთის ფერდობებზე ასკილი არ გადაშენდება.

და მაინც, ცოცხალი გინდა რომ გყავდეს ეს კერკეტა მოხუცი, აგერ აქვე, ხელისგანვდენაზე...

რადგან გასაჭირია ნამდვილი პიროვნების, ბატონო დავით!.. რადგან, ასე მგონია, ჩვენს ნიჰილისტებსა და დაბრმავებულებს ყველაზე უკეთ თქვენი სიყვარულიანი გულისა და ძლიერი გონების წყალობით, ისევ თქვენ თუ ეტყოდით: – არიან ბაბუ, როგორ არ არიან ნამდვილი კაცები, რა ვუყოთ მერე დუჟინობით თუ არ არიან. ეგენიც საკმარისი აღმოჩნდებიან, თუ თვალს გავახელთ, თუ გულებს გავხსნით, თუკი არ გავლანძღავთ, ნდობით, სიყვარულით წავაქეზებთ, შევაჩრდებით და ვეტყვით – ჩვენ გხედავთ, ჩვენ გვჯერა, ჩვენ ველოდებით თქვენს ერთად ყოფნას...

ნეტავი ცოცხალი იყოთ, ბატონო დავით, ნეტავი დღეს იყოთ, ამ აზიზიზიბულ, დაბნეულ, შეგინებულ საქართველოში.

ნეტავი მიმოდოდეთ როგორც ცოცხალი მხილება და რისხვა ლალატის, უზნეობის, გაუტანლობის...

**ნიგნიდან „ჩემი დავით კლდიაშვილი“, 1995 წელი**

## ამირან გომართელი



### წინასწარმეტყველური პიესა

მოგონებათა წიგნში „ცხოვრება დავით კლდიაშვილისა“ სერგო კლდიაშვილი გადმოგვცემს დავითის ნათქვამს: „მართალი უნდა გითხრა, სერგო, ლიტერატურულ სკოლებში არასოდეს მიფოთარებია... თუ ნაწარმოები განყენებულია, ის ჩემთვის არ არსებობს...“

მართალია, დავით კლდიაშვილი ლიტერატურულ სკოლებთან თუ მიმდინარეობებთან კავშირს უარყოფს, მაგრამ, როგორც ჩანს, ერთხელ მაინც წასძლია სულმა ჩვენს დიდ რეალისტს, მაინც გაუნია ანგარიში ლიტერატურულ მოდას. რეჟისორი მიხეილ თუმანიშვილი იხსენებს: „ერთხელ სერგოს უთქვამს მამისთვის: შენ რაღაც ძველმოდურად წერ... აი, ნახე, როგორ წერს მეტერლინკიო; ძალიან სწყენია დავითს. ერთი კვირა ჩაკეტილა, გარეთ არ გამოდიოდა თურმე... მერე გამოუტანია „უბედურება“ – ვითომდა, მეტერლინკისებურად წერდა... არადა, მაინც თავისებურად დაწერა...“ (ყურნალი „ლიტერატურა და სხვა“, №1, 1999 წ., გვ. 84). არსებითად იმავეს იხსენებს ლალი ავალიანიც: დავითის ორტომეულზე მუშაობისას სერგო კლდიაშვილს უთქვამს, „უბედურება“ მეტერლინკთან გამოჯავრებააო.

მიხეილ თუმანიშვილი კი ამბობს, მაინც თავისებურად დაწერაო, რაც, რა თქმა უნდა, სიმართლეა, მაგრამ არის „უბედურებაში“ რაღაც, რაც არსებითად უცხოა დავით კლდიაშვილის მკაფიო რეალიზმისათვის. ვგულისხმობ ნაწარმოების იდეის ქარაგმულად გამოსხატვას, რასაც პიესის მთელი სიუჟეტი, უპირველესად კი, მისი ინტრიგა ცხადყოფს. „სამანიშვილის დედინაცვლისა“ და „დარისპანის გასაჭირის“ ავტორმა ქარაგმას მიმართა. ეს პირველსავე ეპიზოდში ამკარავდება.

რძალ-დედამთილი – მაია და ტუფია – ისევე, როგორც მთელი სოფელი, დიდი მოწინებით ხვდება ვინმე ილიას. ამ მოწინებას თან გაოცებაც ახლავს იმის გამო, თუ რამ გამოიყვანა შინიდან მძიმედ სნეული კაცი (ფეხები აქვს მომტვრეული). თვითონ ილიაც ადასტურებს:

– არა მკითხავ, მაია, რამ გამომარონია ფეხებდამტვრეულ კაცს ამოდენა გზა?.. გული მინუხს მაია... გული მინუხს!..

მაია: – გული შენს მტერს შეუწუხდა, ჩემო ბატონო!.. რატომ, რატომ, ჩემო სინათლე?

ილია: – მა, რა იქნება, როცა ყოველი მხრიდან მარტო მწუხარება გესმის!.. ყველასგან მარტო ჩივილს თუ გაიგონებ თავის უსაშველობაზე, თავის გაჭირვებაზე... თავის გამწარებულ ცხოვრების ამბავს თუ მოგიყვება, თორემ მხიარულ სიტყვას იშვიათად თუ ვისმესაგან გაიგონებ... ყველა ნუხს, ყველა დაღონებულია, ბედის მომჩივანია... ასე მეჩვენება, თითქოს ქვეყანაზე მწუხარების მეტი არა იყოს რა... ყველაფერი უხალისო, უფერული, ჩამოხრელებული მესატება!..

მართალია, დავით კლდიაშვილი პიესაში, ერთი შეხედვით, სოფლის უკიდურესი გაჭირვების, დაძაბუნებისა და ზნეობრივი დაკნინების სურათს ხატავს, მაგრამ პერსონაჟის (ილიას) მძაფრი გულისტკივილი არა მხოლოდ კონკრეტული სოფლის, არამედ ქვეყნის გასაჭირზე ღრმად მოფიქრალი და ჭირისუფალი კაცის სიტყვებია. შეუძლებელია, ამან არ გაგვახსენოს ილიას „წრდილში“ ასახული მძიმე ვითარება („ვაი, ვაგლახი, ჭირნახულობა, თმენა, ცდა, სიმნენ და უძილობა...“) და გამუდმებული ჩივილი უბედობაზე („ვიმ, ჩემი ბრალი! რით შევძლებ შვილთა ჩემთ გამოკვებას“). ასე რომ, არც დავით კლდიაშვილი გარჯილა მხოლოდ ერთი, კონკრეტული სოფლის სატკივრისათვის და არც მისი პიესის გმირი.

ბუნებრივია, ეს ასეც უნდა ყოფილიყო, ვინაიდან პიესის პირველსავე ეპიზოდში პერსონაჟის მიღმა ის კაცი იგულისხმება, ვისთვისაც ქვეყნის სატკივარი უპირველესი იყო და, როცა ამ სატკივარს კონკრეტული სოფლის მაგალითზე აღწერდა, მკაფიოდ განმარტავდა კიდეც ამ პირობითობას „ოთარაანთ ქვრივის“ ავტორი: სოფლის სახელს რა მნიშვნელობა აქვს, თუნდაც „ნაბლიანს“ დავარქმევო.

ქვეყნის უკეთესი მერმისის ძიებაში დავით კლდიაშვილის პიესის პროტაგონისტსაც ისე მიუზღეს, როგორც

ჩვენს უპირველეს ერისკაცს. ამბობს კიდეც გულისტკივილით პიესის გმირი: – უკეთეს ცხოვრებას ვეძებდი და ეს შევიძინე (ყავარჯენზე უთითებს). თუ რა შეიძინა წინამურთან ქვეყნის უკეთესი მერმისის ძიებაში უპირველესმა ერისკაცმა, ყოველმა ჩვენგანმა იცის: „...მისი შუბლი, ნათელი, ტყვიით გაპობილია“ (გალაქტიონ ტაბიძე).

როცა პიესის მკითხველი თუ მაყურებელი ამ პარალელს გააცნობიერებს, აღარ გაუკვირდება, ქვეყნისა და ხალხის გასაჭირმა საწოლშიც რომ აღარ დააყენა კლდიაშვილის პიესის პერსონაჟი.

ილია: „...შეგნუხდი, ველარ გავძელი სახლში... ვიფიქრე, რაც რომ გამიჭირდეს, ეზოს გადაღმა გადავალ-მეთქი... ეგებ ჩემს ეზოს გადაღმა არც ისე უხალისო და შენუხებული მეჩვენოს ყველაფერი... ეგებ გული გამიხსნას ხალხის დანახვამ... ამან ამაღებინა ხელში ეს ყავარჯენები, გამომარონია ამხელა გზა...“

თითქოს საფლავშიც ვერ ისვენებს ქვეყნის უბედურებით გულშემძრული, წინამურგამოვლილი ჩვენი მარადიული ჭირისუფალი.

დავით კლდიაშვილის პიესის სიუჟეტი კი, როგორც მკითხველს ახსოვს, ასე ვითარდება: უკიდურესად დაძაბუნებული კაცი – ანტონა – იძულებულია, მანც ნავიდეს ყანაში სამუშაოდ. მისავათებული უცებ მოცელილივით დაეცემა და სიკვდილის პირას მყოფს მიუყვანენ სახლში ცოლ-შვილსა და მოხუცებულ დედას. თანასოფლელებიც დიდად განიცდიან ანტონას ოჯახის ტრაგედიას. გულზე მჯილის ცემით აცხადებენ, მზად არიან გვერდში ამოუდგნენ გასაჭირში მყოფთ, პირობას დებენ, ვუპატრონებთო დარჩენილთ, შევკავშირდებით, ურთიერთთანადგომა და ერთიანობა თუ გადაგვარჩენსო საერთო გასაჭირის ჟამს.

ერთ მუშტად შეკრულა თითქოს მთელი სოფელი. ერთიანობასა და თანად-

გომაზე ლაპარაკობს ყველა – პავლიაც, ლომონაც, ამირანაც, ვასილაც... – ერთმანეთს თუ გევიტანთ, თვარა, ისე, სხვებზე, ვერას გავხდებით (ლომინა).

– ერთმანეთს უნდა მივხედოთ და კიდევ მივხედავთ, კი, კი! (პავლია).

– სანამ ცოცხალი ვარ, ვერ ჩამოვშორდები ჩემს მეზობლებს ვერც ჭირში და ვერც ლხინში, ვერა, შენი ჭირი შემეყაროს, ვერ ჩამოვშორდები! (ამირანა)...

სამწუხაროდ, ორიოდ ნუთში ერთბაშად ქრება თანასოფლელთა წამიერი ერთიანობაცა და დანაქადებიც ურთიერთგატანასა და თანადგომაზე. მართლდება ილიას ეჭვი, ეგზალტირებულ თანასოფლელებს რომ გაუმჟღავნა: „ხშირად სიტყვა რჩება და საქმედ არა თუ არ იქცევა, სულ სხავნაირადაც მიიმართება“. უბედურებაც სწორედ ისაა, რომ ამ ხალხს სიტყვის საქმედ ქცევა მართლაც არ ძალუძს. არავის ეთმობა პირადული.

...ანტონა ჯერ კიდევ ცოცხალია, ჯერ კიდევ არსებობს იმედი სულთმობრძავის გადარჩენისა. ამისათვის უბრალო რამაა საჭირო – გადალოცვა და მომაკვდავის მეუღლე აპირებს, ეზოს გადაღმა გადაულოცოს ავსა და ფარსაგს, სხვა მხარეს მისცეს გეზი. მთავარია, მისი ოჯახი დატოვოს უბედურებამ და ვის შეეყრება, ეს რა მისი თავშისაცემია... მაგრამ სხვაც ასე ფიქრობს. იმ სხვასაც მხოლოდ საკუთარი თავი ადარდება. „ქვემოურები“ სასტიკი წინააღმდეგები არიან მისკენ გადალოცვისა. არც „ზემოურებს“ ეპიტნავენათ სხვისი გასაჭირის გაზიარება და სხვისი უბედურებით თავის შეწუხება. ჰოდა, ქვითა და კეპით დაერევიან ერთმანეთს „ზემოურები“ და „ქვემოურები“; ყოველი მხრიდან გაისმის: „დაჰკარით, დაჰკარით მაგ არანმინდება, დაჰკარით, დაჰკარით!..“

ვითომდა საერთო გასაჭირსა და სატკივარზე მოფიქრალი ხალხი ორიოდ ნუთში გავეშებულ და გონდაკარგულ

ბრბოდ გადაიქცა. პიესის მკითხველისათუ მაყურებლის გაოგნებას ისევ უკეთესი მერმისის ძიებაში დახეიბრებული პროტაგონისტ გამოხატავს.

ილია: „თქვე კაი კაცებო, ახლა არ იყო, თავს იკლავდით, შეწუხებული იყავით ამ კაცის მდგომარეობით, ყველა ერთად აცხადებდით, ოჯახის გაჭირვებას გავიზიარებთო... ახლა წინააღმდეგი უხდებით, გადასალოცად გზას უკრავთ, რა მოხდა ამისთანა, რა იქნა? თქვენი სიტყვა სადღაა?“

პიესაში, ილიას გარდა, კიდევ ერთი პერსონაჟია – ნიკო, რომელიც, მართალია, სულ ორიოდ რეპლიკას წარმოთქვამს, მაგრამ დატრიალებული ხოცვა-ჟლეტის ჟამს ხალხს ისიც გონიერებისაკენ მოუწოდებს. ასე რომ, მხოლოდ ერთეულები გრძნობენ და ხედავენ უბედურებას.

მთავრდება დავით კლდიაშვილის პიესა და ხედები, რომ მომაკვდავი კაცი – ანტონა – დრამატურგიული ინტრიგაა, რომლის მეშვეობით ქარაგმულად გამოიხატა ჩვენი საქვეყნო სატკივარი და უბედურება.

სწორედ ამ დრამატურგიული ინტრიგით ჰგავს „უბედურება“ მეტერლინკის პიესებს. სანიმუშოდ ერთი მათგანი გავიხსენოთ – „ბრმები“.

მოხუცებულმა მოძღვარმა, რომელსაც ბრმები გაუვალ ტყეზე მიჰყავდა, მოულოდნელად სული დალია. სხედან ახლა ბრმა ქალები და კაცები ერთმანეთის პირისპირ უკუნ ღამეში და არ იციან, რომ მეგზური მოკვდა; მისი უსიცოცხლო სხეული აქვია, მათ გვერდით, ხის ძირას ჩამუხლული. ასე რომ, ამოდ ელიან იმას, ვინც ამ უკუნეთიდან გაიყვანს შიმშილისაგან მისავათებულ, გათოშილ ადამიანებს. ნელ-ნელა ქრება გადარჩენის იმედი. ბოლოს კი ძალს მეგზურის გვამთან მიჰყავს ბრმები და საბოლოოდ რწმუნდებიან, რომ გადარჩენა შეუძლებელია.

მეტერლინკის პიესა სიმბოლური გა-



მონატვავა ადამიანური ყოფისა. ბრმები – მუდმივად წყვიდადში მოხეტიალე კაცობრიობაა. მომაკვდავი მეგზური – რელიგიური რწმენა, რომელიც კარგა ხანია დაკარგა ადამიანმა. რწმენადაკარგულ საზოგადოებაში კი სიკვდილს დაუსადგურებია, თუმც დაბრმავებულნი ამას ვერ ხედავენ. მხოლოდ მეძუძურმა ჩვილმა, ერთადერთმა თვალხილულმა ბრმათა შორის, იგრძნო სიკვდილის სიახლოვე და ატირდა. ის უცოდველია და წრფელი. სწორედ ამიტომაც ასე მგრძნობიარე, ასე რომ, აქაც მხოლოდ ერთეულები გრძნობენ თუ ხედავენ უბედურებას, მაგრამ, სამწუხაროდ, არაფრის შეცვლა არ ძალუძთ.

მეტერლინკის სხვა პიესებშიც დაუსადგურებია სიკვდილს უხილავი პერსონაჟის სახით. ამგვარი პარადიგმა ყველგან პიესის დედააზრის ქარაგმულ გამოხატვას ემსახურება.

დავით კლდიაშვილის პიესაშიც, მომაკვდავის სახით, ქარაგმულად, XX საუკუნის დასაწყისის ქართული ყოფა გამოიხატა. სწორედ ეს, სათქმელის ქარაგმულად გამოხატვის ხერხი, აქვს საერთო „უბედურებას“ მეტერლინკის პიესებთან. სხვა მხრივ მათ, რა თქმა უნდა, არაფერი აქვთ საერთო. „სამანიშვილის დედინაცვლის“ ავტორის სათქმელი და საფიქრალი „უბედურებაშიც“ ჩვენს საქვეყნო სატკივარს გამოხატავს.

დავით კლდიაშვილის პიესაში ანტონა სულთმობრძავი ქვეყნის სახეა, იმ ქვეყნისა, რომლის გადასარჩენად, მიუხედავად ქადილისა და გულზე ხელის ბაგუნისა, არამც თუ თავგანწირვა, არამედ თავის შენუხებაც კი არავის უნდა.

„უბედურების“ პერსონაჟთა ფიცი ერთიანობაზე ისევე არ განხორციელდა, როგორც პიესის პროტაგონისტის პროტოტიპის – ილია ჭავჭავაძის იმედი „ჩატეხილი ხიდის“ გამთლიანებაზე.

„უბედურება“ 1914 წელს დაინერა. ამ დროისათვის, სამწუხაროდ, ყოველი გონიერი კაცისთვის უკვე აშკარაა,

რომ არც ნოდებათა შორის „ჩატეხილი ხიდის“ გამთლიანების ილია ჭავჭავაძისეულ იდეას გაიზიარებს ვინმე და არც მისი სულიერი შთამომავლის, არჩილ ჯორჯაძის თვალსაზრისს – „საერთო ნიადაგის“ შესახებ. „საერთო ნიადაგზე“ დოგმა ეროვნული ინტერესებისათვის სოციალური შუღლის დაგინყებას, საზოგადოებრივის პირადულზე მაღლა დაყენებას მოითხოვდა. სამწუხაროდ, ქართველობის უდიდეს ნაწილს ეს უნარი არ აღმოაჩნდა. ამიტომაც განირეს უპირველესი ერისკაცი.

ჩვენი ქვეყნის სინამდვილეშიც ის მოხდა, რასაც დავით კლდიაშვილის პიესის მხატვრული სინამდვილე ასახავს. დავით კლდიაშვილის პიესის გმირსაც ისე მიუზღეს, როგორც მის რეალურ პროტოტიპს. ერის გამთლიანების სურვილი ოდენ სურვილად დარჩა. უსახლკარო კოსმოპოლიტებმა „ზემოურებისა“ და „ქვემოურების“ შუღლზე სამოქმედო პროგრამა ააგეს და, როცა ეფემერული თავისუფლება გვეღირსა, ჩვენი ბედოვლათობის წყალობით, ქვეყნის ბედი სწორედ იმ ადამიანებს ჩავაბარეთ, ვინც ამ დაპირისპირებას აღვივებდა. ამიტომაც გახდა შეუძლებელი ერის გამთლიანება. გულნამცეცა ეგოიზმითა და სოციალური შურით აღვისილებმა ერთმანეთს ქვა და კეტი დაუშინეს. სწორედ ეს იყო ჩვენი უბედურებისა და თითქმის მთელი საუკუნის მანძილზე უტოპიური სოციალიზმის პირობებში ჭაპანწყვეტის მიზეზი.

P.S. დავით კლდიაშვილის პიესა, XX საუკუნის დასაწყისში დაინერა, მაგრამ უბედურება ისაა, რომ ზუსტად ასე – ერთიანობასა და თანადგომაზე ქაქანი-თა და გულზე ხელის ბაგუნით, მერე კი ურთიერთნაკიდებითა და ერთმანეთზე მისევით – დამთავრდა ჩვენში საუკუნის ბოლო ათწლეულში მიმდინარე ეროვნული ალტკინება.

ყოველივე ამის გაცნობიერება კი ბუნებრივად ბადებს კითხვას, თუ „რა

გვჭირს ისეთი, რომ ჩვენს თვისება-ში არაფერი შეიცვალა? რატომ დარჩა ჩვენი ცხოვრება ერთ ადგილას გაყინული? მიუხედავად იმისა, რომ ამ ხნის მანძილზე კაცობრიობის ისტორიაში ძირეული ცვლილებები მოხდა. რა არ გადაიტანა მსოფლიომ და რა დასკვნა არ გააკეთა, მაგრამ ყველაფერმა ამან ჩვენს გვერდით ისე ჩაიარა, რომ არც კი შეგვიმჩნევია, თორემ სწავლა-გაგებას

ვილა ჩივის“ (აკაკი ბაქრაძე, „კარდუ“). ჩვენდა სამწუხაროდ, ამ კითხვის პასუხი ვერც დავით ქლდიაშვილის პიესის გამირის პროტოტიპმა იპოვა და ვერც „კარდუს“ ავტორმა – იმ კაცმა, რომელიც XX საუკუნის მეორე ნახევარში დაჟინებით ცდილობდა, გაეღვივებინა ჩვენში თავისუფლებისა და ერთიანობის წადილი.

## ოქორცი

### დავით ყაფიანიშვილის

შენში გაცოცხლდა იმერეთი თავის მაქრებით,  
მე ჯუმბერ, ჰინრო შარებს, შეშის ბოგირებს,  
აგერ ირინე მენკრიდმანის აცდენს ჯაჭრობით,  
მღვდელი ზოსიმე დამშეყდ ქორს მიაბოგინებს.

თავდა და ყაფო, გადესიდი ჩქარი ნამგადი,  
ლოშეში ღორი ყაფიანი ღრიადებს მწარედა  
და სოფომანი – გაცრეციდი მხნე მაქანყადი,  
ქიშქართან ყვირის: „მანძიდეო, გამოდი გარეთ!“

პაოლო იაშვილი



## ლალი აკლიანი

### დიდი მწერლის ფილიგრანული ხვეულები

ვილიე დე-ლილ ა'დანით გატაცებული „დეკადენტი“ შვილისათვის, „ცისფერყან-ნელ“ სერგო კლდიაშვილისათვის დავითს უთქვამს: „შენ სულ „გედების მკვლელზე“ ოცნებობ. მეც გეთანხმები, კარგია, მაგრამ ის მხოლოდ ლამაზი, პატარა სათამაშო ნივთია. აი, სწორედ ისეთი, ჩინელები რომ აკეთებენ ფაიფურებიდან. „გედების მკვლელის“ დამწერს ადამიანი არ უყვარს... ამიტომაც ნურას უკაცრავად მასთან, თუ მას სხვა მწერალი ვარჩიო, ისეთი მწერალი, რომელსაც კაცი უყვარს!“

ფრანგების მიერ „დაწყვეტილ პოეტად“ სახელდებული ვილიე დე ლილ ა'დანი სიმბოლისტთა აღიარებული მეტრი იყო, მათ შორის სტეფან მალარმესიც (ერთნაირი სათაურის ორი სონეტის „გედის“ ავტორი); რუსმა ფილოსოფოსმა და პოეტმა დმიტრი მერეჟკოვსკიმ ერთ-ერთი ესეის სათაურად „გედების მკვლელი“ შეურჩია; გალაკტიონმა თავის „არტისტულ ყვავილებს“ (1918 – „თავის ქალა არტისტული ყვავილებით“) ეპიგრაფებად ბოდლერის, ვილიე დე-ლილ ა'დანის, თეოფილ გოტიეს, პოლ ვერლენისა და არტურ რემბოს ფრანგული ციტატები მიუსადაგა; „ცისფერი ორდენის“ მომავალმა „დირიჟორმა“ პაოლო იაშვილმა, ჯერ კიდევ 1913 წელს

ჟურნალ „ოქროს ვერძში“ გამოაქვეყნა ვილიე დე-ლილ ა'დანის თარგმანი. თითქოს ა'დანზე ეთქვას მალარმეს: „ყოველგვარი ოსტატობა სიცივეს აფრქვევს“. „ხელოვნების დეჰუმანიზაციის“ (1925) ავტორს, ხოსე ორტეგა ი გასეტს მალარმეს ეს პარადოქსული გამონათქვამი მოდერნისტული ხელოვნების ადეპტთა საზრისის საილუსტრაციოდ ჰქონდა მოხმობილი: ესთეტიკური ტკბობა რაციონალური უნდა იყოს, მშვენიერების გამოხატულებამ ღიმილისა და სევდის საზღვარი არ უნდა გადალახოს, „ხელოვნება არ შეიძლება ფსიქიკურ განწყობაზე იყოს დაფუძნებული – ეს ინსტინქტური, არაცნობიერი ელემენტია, ხელოვნება კი სრული სიცხადე, გონიერების შუადღე უნდა იყოს“ (ბაჩანა ბრეგვაძის თარგმანი).

დავით კლდიაშვილის, როგორც პროზაიკოსისა თუ დრამატურგის შემოქმედება, შორსაა დეჰუმანიზაციის იდეისაგან და მისი ტოლუპოვარი ორიგინალურობა თუ ტალანტი, ცნობიერად თუ არაცნობიერად, ყოველთვის სითბოს აფრქვევს: „ღიმილისა და სევდის“ მიჯნაზე ამყოფებს მკითხველს. კიტა აბაშიძის მოხდენილი თქმით, დავით კლდიაშვილმა ერთი ხელით დაკოდილი მკითხველის გულს

მეორით მალამო წასცხო.

ლიმილისა და სევდის ზღვარზეა მწერლის უსაჩინოესი თვისებაც: დეტალების ოსტატური გამოკვეთა.

ჩემი შენიშვნები პროზის დიდოსტატის ზოგი ჯერაც დაუნახავი „წვრილმანის“ სამზეოზე გამოტანის ცდაა.

თეთრი – შავი,

დადებითი – უარყოფითი?

სამართლიანად არის აღნიშნული დიდი რუსი მწერლის, ჩეხოვის თაობაზე – წმინდანებსაც და ცოდვილებსაც იგი ერთნაირად „შემწყნარებლური“ ფუნჯით ხატავს, რადგან თავის თავს ინსტინქტურად მათ ადგილას აყენებსო (მაქსიმ გორკი).

დავით კლდიაშვილის ნაწერებში არ გვხვდება ბიბლიური ქამის თვალთ დახახული გმირები! რაც არ უნდა სცოდავდნენ ისინი, დიდი მწერლის მიმტყვებლობა და თანაღმობა გადასწონის ავტორს – მორალისტს.

დავით კლდიაშვილის საიუბილეო საღამოზე ერთმა ორატორმა (გარემოებისა და „პოლიტიკური კურსის“ შესაბამისად – 1930 წელი იყო) რიხით განაცხადა – მწერალი თავის მოთხრობებში დაუნდობლად დასცინოდა და ამათრახებდა ხელმოკლე აზნაურებსო.

„ამის გაგონებაზე დავითი ნერვიულად შეირხა, შუბლი მოჭმუნა და ვიდრე მისალმებები და მილოცვები დამთავრდებოდა, დაღვრემილი, თითქოს გულმოსული, იჯდა სავარძელში.

დამთავრდა ორატორების გამოსვლა. საბოლოო სიტყვა იუბილარს უნდა წარმოეთქვა. დავითს მღელვარება ემჩნეოდა, მაღლობა გადაუხადა დამსწრეთ და თქვა:

არა, მე არავინ არ გამიმათრახებია, არ დავცინოდი იმ უბედურ ადამიანებს. მე ისინი მეცოდებოდნენ; მებრალეობოდა ადამიანი, რომელიც მახინჯმა ცხოვრებამ გააუბედურა და სასაცილო მდგომარეობაში ჩააყენა. მე მიყვარდა ჩემი ხალხი, ცრემლებს ვღვრიდი, მის გამწარებულ ცხოვრებას რომ ვხედავდი და ამ გულის-

ტკივილით, მათდამი სიბრალულით სავსე ვწერდი. ასე რომ არ ყოფილიყო, მე ახლავე უარს ვიტყოდი ჩემს ნაწერზე. მთელი ჩემი ცხოვრების გზაზე წინ მიმიძლო და მხოლოდ ადამიანისადმი სიყვარული“ (სერგო კლდიაშვილი, „ორფეოსი“, თბილისი, 1969 წელი).

ზემოთქმული იმაზე როდი მიგვანიშნებს, რომ დიდი მწერალი ვარდისფერი სათვალთ იყო აღჭურვილი და ავსა და კარგს ვერ არჩევდა. პირიქით! დავით კლდიაშვილის მნიშვნელოვან თხზულებათა არცერთი პროტაგონისტი არ გამოგვადგება იდეალური გმირის მაგალითად. საერთოდ შეუძლებელია მის გმირთა სწორხაზოვანი, ტრადიციული დაყოფა დადებით და უარყოფით პერსონაჟებად. დიდი მწერალი ზედმინევენით ფლობს ნახევარტონებით, შუქ-ჩრდილებით ხატვის ხელოვნებას.

ღირსსაცნობია სერგო კლდიაშვილის ერთი დაკვირვება – ხანდახან დავითს უნდა მორალისტის როლში გამოვიდეს, მაგრამ უჩინარ ხელს ყოველთვის გამოჰყავს შესაძლებელი ხიფათისაგან; სად იმერეთი და სად მშრალი მორალიო!

ზემოთქმულის ნათელსაყოფად ორიოდე მაგალითიც საკმარისია: მორალისტი – ავტორი უთუოდ გამოააშკარავებდა მიქელა გიორგაძის არაადამიანურ დანაშაულს – შვილიშვილის თუნდაც უნებლიე მოკვდინებას („მიქელა“). მიქელას დანაშაულებრივი გულგრილობა და სიჯიუტე რომ არა, უბედურ დღეზე გაჩენილი სნეული სპიდონა ამგვარი საზარელი სიკვდილით არ მოკვდებოდა.

თუმცა შენიშნავს ავტორი – „მღვდელი ძლიერ შეუწყრა მიქელას შვილიშვილის დატანჯვისათვის და ემუქრებოდა პასუხისგებაში მიცემასო“ – იგი, მიქელა გიორგაძეც მაინც თავს დატეხილი უბედურების, ცრურწმენის მსხვერპლად მიიჩნევს და არა ჯალათად.

ასევე მსხვერპლად მიიჩნია მან ფეფენაც, რომლის მკაცრმა, უღმობელმა მოპყრობამ სულიან-ხორციანად დაასნე-

ულა და საბოლოოდ იმსხვერპლა კიდეც სიცოცხლისმოყვარული, ცქრიალა ახალგაზრდა ქალი („მსხვერპლი“). ეს დოკუმენტურადაც დასტურდება – დავითის ერთი პირადი წერილით. მწერალი განუმარტავს ადრესატს – მასწავლებელ მანდილოსანს; პატრიარქალური ოჯახის ნამუსის მოდარაჯე, ნიადაგ მუხლჩაუხრელად მშრომელი, სამართლის პირში მთქმელი მოხუცი ქვრივი, რომელსაც უგუნურმა სოფლელებმა კუდიანობა დასწამა – თვით არის მსხვერპლიო.

„დავით კლდიაშვილი სრულიად თავისუფალი იყო ეთიკური თვალსაზრისით უსიამოვნო თვისებისაგან, რადგან სხვის ნაკლთა მხილებით არც თვითონ ტკბებოდა და არც ჩვენ გვატკობდა“ (გრიგოლ კიკნაძე).

### „მორუსული“ ჰერონაჟები

გრიგოლ კიკნაძე, რომლის ნაშრომები კიბა აბაშიძის, გერონტი ქიქოძის, აკაკი განერელიას თხზულებათა დარად, დავით კლდიაშვილისადმი მიძღვნილ საუკეთესო გამოკვლევათა რიცხვს მიეკუთვნება, დიდი მწერლის თხზულებათა ენას საგანგებოდ არ ეხება; აღნიშნავს მხოლოდ, რომ მისმა შემოქმედებამ არ იცის რუსულის კალკი.

მართლაც, რომ ასეა და განსაცვიფრებელიც არის: კიევისა და მოსკოვის სამხედრო სასწავლებლებში შეგნებულად გარუსებულმა დავითმა, ოცი წლის ასაკში რომ დაბრუნდა საქართველოში, თავიდან შეისწავლა ქართული; უფრო ზუსტად თუ ვიტყვი – „დაიბრუნა“ მშობლიური ენის ცოდნა.

გერონტი ქიქოძე ამ ფენომენს შემდეგნაირად ხსნიდა: პატრიარქალურ ოჯახში გატარებული ბავშვობის პირველი წლები იყო განმსაზღვრელი იმისა, რომ გარუსებულმა ჭაბუკმა სულ მოკლე ხანში ბრწყინვალედ აღიდგინა ქართული: „იქ გაეცნო ის ქართულ ზღაპრებს, ანდაზებს, არაკებს, სიმღერებს და ჯანსაღი ხალხის გონებამახვილ დიალოგს; იქვე შე-

ისწავლა ის სადა, ძალდაუტანებელი ქართული ენა, რომელიც მას შემდეგ ვერ დაავინცა ვერც კიევის სამხედრო გიმნაზიამ და ვერც ბათუმის ყაზარმებმა“.

თუ რა ჩიქორთულად მეტყველებდა ბათუმში განწესებული ახალგაზრდა ოფიცერი, ამაზე თვით მწერალი მოგვითხრობს თავის მემუარებში: ბათუმის პოლიცემისტრის ცოლი ქეთევან ჟურული, რომლის ოჯახი ბათუმის ქართული საზოგადოების ნამდვილი საკრებულო იყო, ცდას არ აკლებდა, რათა ახალგაზრდა ოფიცერს მშობლიური ენა შეესწავლა, სცენისმოყვარეთა რეპეტიციებზე ათჯერ-თხუთმეტჯერ (!) ამეორებინებდა მას როლებს: ზოგჯერ კი, მოთმინება-დაკარგული შესძახებდა – „არ შეიძლება ასე, ყმანვილო, უნდა ისწავლო ქართული, ქართველი ხარო!“

ჩემი აზრით, დიდ მწერალს ერთგან მაინც „გაეპარა“ რუსული სპეციფიკური შორისდებული – „ხა, ხა, ხა, ხა, – გადაიხარხარა კირილემ, – ხა, ხა, ხა, ხა... აი და ბეკინა!.. აი და შენი ჭირიმე!“ („სამანიშვილის დედინაცვალი“), თუმცა, ვინ იცის, იქნებ ეს ცოდვა უფრო რედაქტორებს მოეკითხება, ვიდრე ავტორს.

„აი და“, რა თქმა უნდა, ქართული გეგონება, მაგრამ ამ კონტექსტში სრულიად უადგილოა. უეჭველია, რომ ეს რუსული სიტყვა – „Айда“.

ამიტომ შესაბამისად უნდა იწერებოდეს: „აიდა, ბეკინა, აიდა, შენი ჭირიმე!“ (როგორ არ გავიხსენო „ბორის გოდუნოვით“ კმაყოფილი ავტორის აღტაცებული შეძახილი საკუთარი თავისადმი: „Айда Пушкин, айда сукин сын!“).

საფიქრებელია, რომ დავითს კი არ „შეეშალა“, არამედ სწორედ რუსული სიტყვა ათქმევინა კირილეს; ის აკი რუსულად აძალებდა ცოლისძმას ღვინოს: „თუ გიყვარდე, ერთბაშად გამოცალე ეს ყანნი... შენი ჭირიმე, ბეზ კაპლი, ბეზ, ბეზ! – ხრიალებდა კირილე კიდეც დიდხანს“.

საერთოდ კი, დავით კლდიაშვილის გამიერების მიერ რუსული სიტყვების ხმა-

რება წმინდა წყლის სნობიზმია, პორფირი ბიაშვილი ხან „ურას“ იძახის, ხან ტრაბახობს – „ჩესტიანი ბიჭი ვარო“; ბეგლარ ჯინჭარაძე დისშვილის ნათლობაზე სოფელ ქალიშვილებთან „პოდრუჩკით“ დაიარება, „მაზურკა დოუკართო“ მოითხოვს და რუსულს რომ არ სჯერდება, „მერსი, მერსის“ ძახილით ფრანგულის „ცოდნასაც“ ამჟღავნებს („ქამუშადის გაჭირება“).

გამონაკლისია ამ მხრივ ვასილ ივანიჩისა და ალექსანდრეს საუბარი („ბაკულას ღორები“) ან მღვდელ ზოსიმესა და აზნაური ნესტორის რუსულად გადალაპარაკება („მრევლში“).

ერთ შემთხვევაში ვასილ ივანიჩმა ინიჩინჩი არ იცის ქართულად; ხოლო მღვდელ ზოსიმესა და ნესტორის რუსულ ენაზე ლაპარაკს კონკრეტული მიზანი აქვს – იქვე მყოფმა გლეხებმა არ უნდა გაიგონ მათი ნაუბარი.

დავით კლდიაშვილს არც იმის ჩვენება დავინყებია, რომ ქართულ სოფელში ყოველდღიურ მეტყველებაშიც კი დამკვიდრდა ზოგიერთი რუსული სიტყვა. ხშირად – სახეცვლილი, დამახინჯებული სახით: „ზაკუსკა“, „რუბამკა“, „სტაქანი“, „პრანკა“ („პაჭკა“ – როგორც დარისპან ქარსიძე ამბობს), „კარხმალი“, „პიჩოჩკა“ ან „პიჩესკა“ და სხვა; უფრო მეტიც – რუსული საკუთარი სახელები – სონია, ელენიჩკა, ნატალია...

არისტო ჭავჭავაძის სულიერი და მატერიალური „დოკლამი“.

ვინ არის არისტო ქვაშავიძე? „კეთილშობილი კაცი“, „ნამდვილი კეთილშობილებით“ აღვსილი, „სანდო კაცი“ – ეს თვითდახასიათებაა... ისე კი, არისტო ქვაშავიძე გარშემო მყოფთა მოთაფლვაში გამეცადინებული, სხაპასხუპით მოლაპარაკე, საკმაოდ მჭევრმეტყველი (კირილე მიმინოშვილის სათნო მამიდა სალომე მისი ენამზეობით გულაჩვილებულია), ნიჟადაგ მომღიმარი ახალგაზრდა აზნაურია („სამანიშვილის დედინაცვალი“).

ეს მისი, ასე ვთქვათ, „საგარეო“ სახეა.

გულისგულში კი ცბიერია, ეშმაკი, უღარდელი; მუდამ რაიმე გამორჩენის მოიმედო და მომლოდინე. ამასთან, სრულიად გულგრილი და დაუნდობელი სხვისადმი.

პიროვნული თვისებების გარდა, არისტოს ორსახიანობა, მისი გაორებული ბუნება განპირობებულია ობიექტური გარემოებითაც: ამ „ნარჩინებულ“ კაცს სახლი არა აქვს. „ძმები გაყოფილან, სულ ფიცარ-ფიცარ გაუტანიათ სახლი და ახლა ორივეს რომ მთელად აღარ აქვთ მასალა, ქე არიან ისრე უბინაოთ... დაყანყალობენ იქით-აქეთ“. სწორედ ამიტომ ეტანება არისტო „მასპინძელსა მხიარულსა“ და, რა თქმა უნდა, შეძლებულსაც: ასიამოვნებს მას მოთაფლული ენით, მოლხენით, მასხრობა-ოხუნჯობით. ხან ნათლიმამა გლეხთან ატარებს დროებას, ხან ჯიმპერ სალობერიძისთანა აზნაურებთან, რომელთაც რაღაც მანქანებით ჯერ კიდევ შერჩენიათ ქონება; ბოლოს კი მამიდამისის, ელენეს ახალ ოჯახში – ბეკინა სამანიშვილისას დაიდებს ბინას.

არისტოს თავგადაკლულ მცდელობას – შეართვევინოს ბეკინას ელენე, მამიდის სიყვარული კი არა, საკუთარი ზრახვა, საკუთარ სარგებელზე ზრუნვა უდევს საფანელად. აკი სრულიად დაუფარავად ამცნობს სალომეს – ბრეგაძეების დედინაცვალთან, მამიდაჩემთან ვერ მივიღვარ მათი სიღარიბის გამოო: „რარიგად მივიდე? მე შენ გეტყვი, მიღება შეუძლიათ, ბინა აქვთ, სახლი, კარი, სასმელი, საჭმელი... ჩემს სისხლ-ხორცთან ვერ მივიდე წელიწადში ერთხელ, ორხელ?! გაუგონია კაცს?!“ ვის, ვის, და ელენეს გათხოვებით არისტოს დიდად გაუმართლა ბედმა: ბეკინას „სული და გული შეიქმნა ეს კაცი, რომლის მოშორება მას ახლა სამძიმოდ დაურჩებოდა, თუმცა ღვთით, არისტოს მხრივ ამაზე შიში არ ეჭირებოდა – იგი ჯერჯერობით, როგორც ეტყობოდა, კიდევ კაიხანს არ აპირებდა ფეხის მოცვლას ამ ახალი ბინიდან“.

ღარიბია არისტო, მაგრამ მთლად უპოვარიც არ არის: ერთგან ვხედავთ,

რომ ლეკურითა და ხანჯლით შეიარაღებული დაიარება. უფრო „გადაუპრანჭავი“ და უპრეტენზიო აზნაური, მაგალითად, პლატონ სამანიშვილი, არისტოსა და კირილე მიმინოშვილისაგან განსხვავებით, ხმალ-ხანჯალს არ ატარებს. არისტო „ფრანტიც“ არის – ლამაზი, ახალი პატარა ბონონი ახურავს...

შემთხვევითია ეს დეტალები? არა მგონია: მუქთამჭამელ „კეთილშობილ“ აზნაურს არაფერი აბადია ტანსაცმლისა და ხმალ-ხანჯლის გარდა! ხოლო, რადგანაც სახლი საერთოდ არ გააჩნია, მთელი თავისი ქონება თან დააქვს!

### ანრიპინებული წინილა

ეკვირინესა და ოტიას თავმოსანონებელი და სასახელო, მათი „განმანათლებელი“ სტუმარი ეწვია – პორფირი ბიაშვილი („ქამუშაძის გაჭირვება“). ცბიერმა სტუმარმა გულუბრყვილო მასპინძლებს ჩააგონა – თქვენი დიდი ხათრი რომ არა, დასარჩენად სად მცალიაო – და დედამშვილიც თავს არ ზოგავს, სწრაფად რომ გაამზადოს „ზაკუსკა“.

„ანრიპინებულ წინილას ნისკარტში წაუჭირა ოტიამ ხელი, სანამ დანას მონახავდა; მერე უცბად გადაუსვა კისერზე დანა და გვერდზე მოისროლა. ოდნავ ყელწაჭრილმა წინილამ რბენა დაიწყო ოთახში და სისხლით მოთხვარა იატაკი, სანამ სისხლისაგან დაწვეტილი კერიასთან არ დაეცა“.

ვისაც ერთხელ მაინც უნახავს წინილის დაკვლა, გააოცებს დიდი მწერლის სიზუსტე.

აქ საცნაური და უჩვეულოა მხოლოდ ერთადერთი დეტალი – ოტიას მიერ ანრიპინებული წინილისათვის ნისკარტში ხელის ნაჭერა – თითქოსდა ზედმეტი და უადგილო.

მაგრამ დავით კლდიაშვილი რის დავით კლდიაშვილი იქნებოდა, ეს რომ არ ჰქონოდა წინასწარ „გათვლილი“: ეკვირინემ მეზობლის გოგოს მოუხმო მჭადების დასაცხოზად. ფუსუტიაც ცქვიტად

დატრიალდა და ფქვილის გაცრა დაიწყო: „თავმოძულებით დაუნყო საცრის გვერდებს პარტყაპურტყი“. ეკვირინემ იმნამსვე შენიშნა „ზედმეტი“ ხმაური: „–ნელა ფუსუტია, ნელა, შვილო!.. ნუ უპარტყუნებ მაგრე ძალუმად, ნუ გააგონებ!..“

აი, სად ყოფილა ძალის თავი დამარხული: „ნარჩინებულ“ სტუმარს არა მარტო სწრაფად უნდა გაუმასპინძლდე, არამედ არც უნდა გააგონო, რომ ახლალა შეუდექი საუზმის თადარიგს. თანაც ზედმეტი ხმაურითაც არ უნდა გადაუტვირთო ყურთასმენა. სწორედ ამიტომ წაუჭირა ოტიამ წინილას ნისკარტში ხელი.

თქმა არ უნდა, ანეკდოტური სიტუაციაა; მით უმეტეს, თუ გავითვალისწინებთ, რომ პორფირისათვის ეს საუზმე სულზე მისწრებაა, ისეა მოშიებული...

მაგრამ ასეთია იმერული სტუმარმასპინძლობის წესი, ამ შემთხვევაში სრულიად წრფელად და უანგაროდ გამოსატყული – სტუმარი არ უნდა შენუხდეს თუნდაც წინილის წრიპინით ან საცრის გვერდებზე ხელების ტყაპუნით, თანაც (ესეც ანგარიშგასანევი), უნდა შეიქმნას შთაბეჭდილება, რომ ოჯახს მუდამ ძალუმს ჯეროვანი გამასპინძლება!

ცხადია, შეძლებულ მასპინძელს ამგვარი სადარდებელი არ ექნებოდა...

### სიმბოლიქა – უნაბლიე თუ ნაბსითი

„სინამდვილის ფანატიკოსი“ დავით კლდიაშვილი, ვითარცა ყველა დიდი ხელოვანი, „აისბერგული სტილის“ მწერალია. პირუთენელი მემატიანე, ობიექტური მჭვრეტელი – იგი ყოფის სიღრმეში – მოვლენათა არსში ჩაგვახედებს; „მშრალი“ მორალიზებისა თუ ავტორისეული ტენდენციურობის გარეშეც ზოგადსაკაცობრიო ფასეულობებს, ზოგადდამიანურ ვნებებს გვაზიარებს – სიკვდილ-სიცოცხლეზე, სიყვარულსა და სიძულვილზე, ბოროტსა და კეთილზე ჩაგვაფიქრებს. ყოველივე ეს სადად და ძალდაუტანებლად ხდება, გენიოსური უბრალოებით.

მოჩვენებითი სიმარტივის მიღმა, მის

თხზულებებში დიდი ცხოვრებისეული სიბრძნეა დაუნჯებული. არც მინიშნებები, სიმბოლიკა თუ მისტიკაა უცხო მისთვის.

დავით კლდიაშვილის „მიქელა“ მეტად ღრმააზროვანი და მრავლისმეტყველი მოთხრობაა. ის საგანგებო ყურადღების ღირსია. ამჯერად კი მკითხველის ყურადღებას გავამახვილებ მხოლოდ ერთადერთ საკითხზე, რომელიც დღემდე შეუმჩნეველი დარჩენიათ მკვლევარებს.

ოცი წლის სპიდონა დასნეულდება და საიქიოს „მოვლასაც“ მოასწრებს. მიქელას მეორე შვილიშვილს, გვარის გაგრძელების ერთადერთ იმედს – ათი წლის ნესტორას დედამისი თავისიანებთან, მახლობელ სოფელში გახიზნავს.

სპიდონას მიმართ მიქელა საოცარ გულქვაობას გაამჟღავნებს, მთელ თავის სიყვარულსა და იმედს ნესტორას დაუკავშირებს.

ნესტორას მონატრება, მისი ნახვის სურვილი ერთხელ ისეთი სიმძაფრით შემოენტება მიქელას, რომ მოხუცებული დაუყოვნებლივ გასწევს მძახლებთან ბავშვის დასახედად. ბავშვის ნახვა მიქელას გულს დაუშოშმინებს, იგი უკან გამოგზავრებას დააპირებს, მაგრამ განგება ჩაერევა საქმეში და... სამუშაოდან დაბრუნებული მძახალი მოუსწრებს. მერე და რაო? საქმე ის გახლავთ, რომ სწორედ მძახლის რჩევამ უნებურად გადაწყვიტა სპიდონას ბედი: „გამოცდილი კაცი ხარ, თავად, მიქელა ჩემო, მაგრამ ერთ რამეს გეტყვი! ტყვილა მიატოვე შენი წინანდელი ნამოსახლარი... კარგად იყავით იქ!.. ამ ახალ სამოსახლოზე ბევრი უბედურება გეიარე... შეიძლება სახლის გადატანაზეც რამე მავნებლობა შეგეპარათ და დაბუდებული იყვეს შიგ... შენს ადგილზე სახლს გადავდგამდი...“

სწორედ მძახლის რჩევას დაჰყვა იმედმოცემული მიქელა: სახლის „განმენდა“ რომ წამოიწყო, უწინარესად სპიდონა გაასახლა და წნელის კარავში დააბინავა: უფრო სწორად – უპატრონოდ დააგდო. ცხადია, სწეული სპიდონა შემოდგომის

მოდლებულ სიცივეს ვერ გაუძლებდა და, წარღვნისებურ წყალდიდობას რომ არ ემსხვერპლა, მაინც მალე მოკვდებოდა.

ახლა მძახლის სახელი გავიხსენოთ – გაბრიელი.

ფაქტობრივად მიქელამ და გაბრიელამ (მიქელ-გაბრიელმა?) გამოუტანეს სასიკვდილო განაჩენი სვეგამწარებულ სპიდონას.

გავიხსენოთ ხალხური თქმა „მიქელ-გაბრიელი თავის წაადგა“ – რაც სიკვდილის, აღსრულების, გარდაცვალების სინონიმად იხმარება და ყველაფერი ცხადი გახდება.

ქართული ხალხური წარმოდგენა აქ რამდენადმე ეწინააღმდეგება ბიბლიას, რომელიც ორ მთავარანგელოზს მიქელს (მიქაელს) და გაბრიელს განასხვავებს ერთმანეთისაგან და მათ ფუნქციებსაც გამოიჯნავს; მთავარანგელოზი გაბრიელი – ღვთის ნების აღმასრულებელი, მისი მაცნეა; იგი ზაქარიას – იოანე ნათლისმცემლის, ხოლო წმინდა ქალწულ მარიამს – იესო ქრისტეს დაბადებას უწინასწარმეტყველებს. გაბრიელი ერთ-ერთია იმ შვიდ მთავარანგელოზთაგან, რომელნიც ადამიანთა ლოცვებს ღმერთს მიანვდენენ.

მთავარანგელოზი მიქაელი თავის ანგელოზებთან ერთად ებრძვის ურჩხულსა და მის ბოროტ ანგელოზებს და განდევნის მათ ზეციდან.

დავით კლდიაშვილის გმირების სახელების წყარო უთუოდ ხალხური ტრადიცია უნდა იყოს და არა ბიბლია.

ასევე, შემთხვევითად არ მიმაჩნია „სიბნელე“ – „სინათლის“ დაპირისპირება დავით კლდიაშვილის ზოგ მოთხრობაში.

დიდი მწერლის ყველაზე ტრაგიკული პერსონაჟები „ბნელში არიან“, როგორც პირდაპირი, ასევე გადატანითი მნიშვნელობით. ამჟამად მე ვგულისხმობ მოხუცებულ ანუსიას, რომელსაც ერთსა და იმავე დღეს მოუკვდება ახალგაზრდა ქალ-ვაჟი – ალექსი და ელიზია („მრეულში“).

ანუსიას ოჯახში დღისით-მზისით გა-



მეფეებული წყვდიადი შეიძლება სიმბოლურად გავიაზროთ.

„ამნაირ სიბნელებში შეიძლება ყოფნა?“ – შესძახებს ავადმყოფ ალექსის საზიარებლად მისული ზოსიმე, ახალგაზრდა, განათლებულ მღვდელს გულს უკლავს ის ბნელეთი, რომლითაც გარემოცულია მისი სამწყსო.

„ეს წყვდიადი, რომელიც ამ სახლში დამყარებულიყო... ამ ცხოვრებას ყოველსავე სინათლეს აკლებდა“. იმავე ღამესაც „მთელი სახლი ბნელში იყო გახვეული...“

საცნაურია, რომ ახალგათხოვილ სონიას გული ატკინა ოტია ქამუშაძის სახლში გამეფებულმა სიბნელებმა. ბნელა იმ სოფლის საყდარშიც და ამას საგანგებოდ აღნიშნავს ავტორი („ქამუშაძის გაჭირვება“).

ამ ბნელშიაც დიდი ადამიანური ვნებანი ბობოქრობენ. აქ მაღალი სულის ადამიანებიც გვხვდებიან.

„მწამს და მსურს სხვაც დავაჯერო, რომ მშვენიერება არსებობს საზოგადოების გაუბედურებულ, დამცირებულ და გასაცოდავებულ ფენებშიც, რომელთა შემხედვარე, ვერას იტყვი კაცი, თუ არ საღვთო წერილის უცნაურად და შემზარავად სახეცვლილ სიტყვებს: „თქვა ღმერთმა: იყოს ნათელი! და არ იქმნა ნათელი“.

თითქოს ანუსიას ოჯახზე ეთქვას ეს სიტყვები დიდ ინგლისელს ჩარლზ დიკენსს, მწერალს, რომელსაც ჯერ კიდევ გასულ საუკუნეში ადარებდნენ დავით კლდიაშვილს.

„შეცდომა“

ბევრ დიდ მწერალს მოსვლია უნებლიე შეცდომა.

მეცნიერებს სკრუპულოზურად აქვთ აღნუსხული კლასიკოსთა ნაირგვარი შეცდომები, რაც მათ ნაწერებში გვხვდება (მაგალითისათვის პუშკინი და დოსტოევსკიც იკმარებს). ქართველ მკვლევარებსაც შეუნიშნავთ მწერალთა უნებლიე ცდომილებანი, რომლებიც ზოგჯერ საკამათოა და საგანგებო მსჯელობის საგანია (მაგალითად, ვაჟა-ფშაველას ზოგიერთ თხზულებ-

აში), ზოგჯერ კი – ეჭვმიუტანელი.

დავით კლდიაშვილის ნაწერებს ამ თვალსაზრისით, ვგონებ, არავინ შეხვებია. ვფიქრობ, რომ მკითხველისათვის საინტერესო იქნება ერთი ლაფსუსის გაცნობა.

„დარისპანის გასაჭირის“ პოტენციური სასიძო ოსიკო ხარაბაძე, გასათხოვარი ქალიშვილების განბილებული პატრონების თქმით – „გლახაკი“ და „მუნჯი ბიჭი“ – მართლაც ერთობ სიტყვაძუნნი პერსონაჟია. „კი, ბატონო“, „არა, ბატონო“ ამბობს მხოლოდ და, რაც მთავარია, კითხულობს – „აქვთ რამე“ საპატარძლოებსო?

ოსიკოს სახე, დავით კლდიაშვილის მიერ საოცარი ლაკონიზმით შექმნილი, გვაოცებს თავისი სრულყოფილებით. სწორედ ამ გმირს უკავშირდება დავითის უნებლიე შეცდომა. პიესის დასაწყისში დედამისი ერთი სახელით მოიხსენიება, სხვა შემთხვევაში კი მეორეთი – „ედუკია“ – „ივლიტა“...

მართას სიტყვებია: „ამ საღამოს მესტუმრება ონისიმე მათარაძის ბიძაშვილის ედუკიას – ხარაბაძეს რომ ჰყავს, – შვილი“ („გამოსვლა პირველი“). იგივე მართა, ოსიკოს გაცნობისთანავე დედამისს გაიხსენებს: „რა ბედნიერი ქალია ჩემი ივლიტა, ხომ კარგადაა შენ გენაცვალე?“ („გამოსვლა მეშვიდე“); შემდეგ, როცა უკვე მაშვლობას შეუდგება, ოსიკოს არწმუნებს: „დედაშვილობამ, ჩემი ივლიტეს სიყვარულობა მაღაპარაკებსო“ („გამოსვლა მეცამეტე“).

ამ სახის შეცდომა – ნაკლებ მნიშვნელოვანი პერსონაჟების სახელის დავინწყება – ძალზე გავრცელებულია. როგორც წესი, გამომცემელნი შემდგომში უცვლელად ტოვებენ კლასიკოსთა ცდომილებებს, მხოლოდ აკადემიურ გამოცემათა კომენტარებში მიუთითებენ ამის თაობაზე.

საშინაო – საბარაო

დავით კლდიაშვილის გმირებს მკვეთრად აქვთ გამიჯნული ორი ცნება – „სა-

შინაო“ და „საგარეო“.

უპირველესად, ისევე როგორც ყველას, მათაც აქვს საშინაო და საგარეო ტანსაცმელი. დავით კლდიაშვილი, რომელიც არასდროს არ ქმნის პერსონაჟის ტრადიციულ პორტრეტს – მისი სახისა თუ აღნაგობის გამოწვლილვით მხედველობით ხატს და მხოლოდ ორიოდ დამახასიათებელი შტრიხით გამოკვეთს მათ გარეგნობას – დიდ ყურადღებას აქცევს გმირთა ჩაცმულობას.

ცხადია, ეს უმიზნოდ არ ხდება. კონტრასტი აზნაურ ოტია ქამუშაძის საშინაო და საგარეო სამოსს შორის მიგვანიშნებს მისი სილარიბზეც და მომჭირნეობაზეც („ქამუშაძის გაჭირვება“). პირველი გამოჩენისთანავე ოტია, თავზე ხელსახოც-ნაკრული, ფეხშიშველა მუშაობს თავის ეზოში, როცა ღობეზე მოადგება „ვერო-პულად ჩაცმული ცხენოსანი“. იგი დიდ უხერხულობას იგრძნობს: თავიდან უმაღლ მოიგლეჯს ჩითის ნაგლეჯს, ფეხებს ქუსლებჩათელილ წაღებში გაუყრის და ახალუხსაც წამოიცვამს სასწრაფოდ.

ოტიას ქალაქელ ცოლს თავმოყვარეობა ელახება ზამთრის სიცივეში „განუნული, ტალახში ამოთითხნილი, ქუდის მაგივრად ძველი ყაბალახით ყურებიანად თავშეხვეული“ ქმრის დანახვაზე. ასევეა გაზაფხულზეც, როცა ოტია ყანას ხნავს პერანგისა და მისი ამხანაგის ამარა, წვივებტიტველი.

„გლეხი, ყაზახი სახით, გარეგნობით, შეხედულებით, საქციელით, მოქმედებით და შეძლებით“ – ასეთია სონიას თვალით დანახული ქმარი.

სულ სხვაგვარია საცოლის სანახავად საგარეოდ გამოწყობილი ოტია – ყავისფერ ჩოხაში, სატინის წითელწინკლებიანი ახალუხით; ან, ახალშერთულ ცოლთან ერთად წირვაზე მიმავალი – თეთრ ჩოხაში, სატინის ახალუხით, ახალი წულამესტებითა და დაბალი კვარაჭინა ქუდით შემოსილს „რიგიანი შეხედულება“ აქვს...

დავით კლდიაშვილის გმირები საგარეო სამოსს დიდად უფრთხილდებიან. –

ქალაქში, სახლში დაბრუნებული სონია საჩქაროდ გამოიცვლის კაბას. ქმრის სახლშიც, წირვიდან ახლადდაბრუნებულს, დედამთილი ეუბნება – „გირჩევნია მაგ კაბა გაიხადო, დროზე სადილი ვჭამოთ“.

ლამაზ ნინო ქველიძეს, ორი არშინი ნაჭრის დაკლების გამო მოდური კაბა ვერ შეუკერავს.

ყველა ეს დეტალი, პირდაპირ თუ გადაკრულად, პერსონაჟთა უსახსრობას მიგვანიშნებს; ზოგჯერ კი დავით კლდიაშვილი ზედმინევენითი სიზუსტით გვიხატავს ღარიბ-ღატაკი კაცის ჩაცმულობას.

„აზნაურ ლევან ქამუშაძეს ახალუხზე ყვითელი თასმის ქამარი ერტყა და ზემოდან გაშლილი, რამდენიმე ადგილას დაკრებული ჩოხა ეცვა; ახალუხის შეხსნილ საყელოსთან უჩანდა ჭუჭყისაგან ძალზე გაშავებული პერანგი“.

ქამუშაძეების სიდუხჭირის ნათელსაყოფად ისიც კმარა, რომ ოჯახში სკამებიც კი არა აქვთ საკმარისი. სკამიც „საგარეო“ ნივთადაა ქცეული: ოტია აივანზე ასულ სტუმარს – პორფირი ბიაშვილს სკამს გამოუტანს, დიასახლისი ეკვირინე კი იქვე მოიკეცავს ბოძთან იატაკზე...

იმის მიხედვით, თუ როგორ იკვებებიან დავით კლდიაშვილის გმირები, შეიძლება მათი სიმდიდრისა თუ სიღარიბის დადგენა. დიდი მწერლის მიერ თითქმის ყოველ თხზულებაში აღწერილია იმერელი კაცის ყოველდღიური „მენიუ“: შინაურობაში – ლობიო, მჭადი, ზოგჯერ – ცარიელა ცივი მჭადი და ხმელა პურიც კი, სტუმრისათვის – წინილა, ყველი, იშვიათად – გოჭი, ცხვარი, ინდაური და კარგი ღვინო...

ისე, ოტია ქამუშაძის ჩვეულებრივი „საშინაო“ საჭმელია – მჭადი, ლობიო (ხშირად უმწვანილო), წყალ-მაჭარა... „საგარეო“ (პორფირი ბიაშვილის გამასპინძლებისას) – შემწვარი წინილა, დათლილი ყველი, მწვანილი და ცხელი მჭადები. ქორწილი და ნათლობა ხომ განსაკუთრებულ, დიდ ხარჯს მოითხოვს და წელში წყვეტს ღარიბ ოჯახს.

ბრეგაძეების ღატაკი ოჯახიც კი, სა-

დაც სამწყემსურიდან დაბრუნებულ, მოშიებულ პატარა ბიჭს ძლივს აღირსებენ ცივი მჭადის ნატეხს, წინილას კლავს არასასურველი, მოულოდნელი სტუმრების არისტო ქვაშავიძისა და პლატონ სამანიშვილის გასამასპინძლებლად („სამანიშვილის დედინაცვალი“).

დავით კლდიაშვილმა ცოლ-ქმრისა და მახლის ძუნწი დიალოგით გადმოსცა იმერული სტუმარმასპინძლობის დაუნერეელი კანონი:

„– ვახშამი გვჭირია აგერ...“

– რაც მაქვს ის ჭამონ, იმასაც კარგად გაიხლებიან!.. არა, მაგათ სიცოცხლემ, ძროხას დაეუკლავ ახლავე!

– ჰო, ხმელა ჭადი და ლობიო მოუტანეთ!.. იმ უცხო კაცის მაინც უნდა მოირიდოთ, თქვე დალოცვილებო. წადი, ბატონო – მიუბრუნდა სერაპიონს ნუჩია – წადი... ყმანვილო, და ერთი ქათამი, რავარცხა იქნას, მონახე და დამიჭირე... არ შეიძლება ასე!..

– სად მოვნახო ახლა ამ ჩამობნელებულში... საცხა ორიოდე წინილია...“

ასეა: ორიოდე წინილა ჰყავთ და სტუმრისათვის ერთს დაკლავენ, ღვინო არ აქვთ და ერთი დოქი ღვინისათვის მეზობელ მალაქიასთან აფრენენ ბიჭს...

დავით კლდიაშვილს, „წვრილმანების“ დიდ მოყვარულს, არც ის გამორჩენია მხედველობიდან, რომ ქალაქში და სოფლის „გამოსულ“ ოჯახებში მურაბიან ჩაის მთავრად სტუმრებს ნავახშმევს ან ნასადილევს; სოფლისაგან განსხვავებით, ქალაქში სუფსაც შეექცევინან („სამანიშვილის დედინაცვალი“, „ქამუშაძის გაჭირვება“, „დარისპანის გასაჭირი“).

თითქოს ორგვარია დიდი მწერლის პერსონაჟების მეტყველებაც – სამინაო და საგარეო. საზოგადოდ, თუ განსაკუთრებულ აფექტში არ იმყოფებიან დავით კლდიაშვილის გმირები, არ ინყევილებიან, არ ჩხუბობენ, არ ილანძლებიან – ასე თუ

ისე ზრდილად მეტყველებენ, ე. ი. ზედმინენით „აკონტროლებენ“ თავიანთ სიტყვა-პასუხს.

პატიოსან მოხუცებულ პლატონს, რომელიც მორიდებულად სთხოვს ვალის გასტუმრებას სოლომან მორბელაძეს, ეს უკანასკნელი თავგადაკლული ეპატიყება ვახშამზე, მაშინ, როცა სახლში საჭმელი არ ეგულება... პლატონის წასვლისთანავე იგი აუგად მოიხსენიებს სტუმარს – „არ მომკლა უხეირომ თავისი გაუთავებელი ხვეწნით! სული ამომართვა კინალამ ოჯახდაქცეულმა!“ („სოლომან მორბელაძე“).

ასეა სხვაგანაც: დავითის პერსონაჟთა უმრავლესობა პირში „საგარეო“ ენით მიმართავს მოსაუბრეს, ზურგს უკან – „სამინაოთი“ მოიხსენიებს.

განსაკუთრებული თვალსაჩინოებით გამოიკვეთება „საგარეო“ მეტყველება, როცა გმირები ერთმანეთს ელაპარაკებიან უცხოების თანდასწრებით.

ოტია ქამუშაძე პორფირის გასაგონად განსაკუთრებული თავაზით მიმართავს დედამისს: „დედა, შემობრძანდიო“, ხოლო სამზადში შესულს, უმალ შინაურულად მიახლის – „უჩქარე, დედა... დიდხანს აღარც კი მოიცდისო!“ („ქამუშაძის გაჭირვება“).

დათია ბრეგაძის ცოლი ნუჩია, უცხო სტუმრების თანდასწრებით, მოწინებთ მოიხსენიებს ქმრის დედინაცვალს ელენეს: „ბატონი ძალიან გემდუროდათ, რომ არ ნახულობთ“ („სამანიშვილის დედინაცვალი“), თუმცა „ბატონს“ მათგან გაძალღებული აქვს ცხოვრება, ამ ოჯახში „ცეცხლსა და გეენიაშია“.

ყოველივე ზემოაღნიშნულს ერთადერთი საფანელი აქვს – უცხოთან საკუთარი ღირსების წარმოჩენა, ზოგჯერ – თვალში ნაცრის შეყრა...

P. S. ყოველივე ზემოთქმული ნაწილია იმისა, რასაც ამჩნევს მხოლოდ დიდოსტატის მახვილი თვალით.

## ქეთევან ნათელაძე



### ბაყრა

ცხოვრება ერთი საოცარი ყოფილა დრამა,  
 და შენ რომ იგი გააშარჟო, რა უნდა მოხდეს...  
 მე გავეყრები შენზე ფიქრის ყოველგვარ სამანს,  
 და გავეყრები შენი ნასვლით გაჩენილ ბოდვებს.  
 მე გავეყრები შემოდგომის თაფლისფერ თითებს,  
 და ყოველივეს, უანგაროდ რაც მომცა ბედმა,  
 მე გავეყრები თავს დატეხილ სტროფებს და რითმებს,  
 პურის მარცვლებად გადავუყრი ბელურებს სევდას.  
 მე გავეყრები ერთ ყველაზე მტკივნეულ „არას“,  
 მირაჟად ქცეულ ჩემს ბავშვობას და ჩემს სიბერეს,  
 მე გავეყრები ბიჭს, რომელმაც ვერ შემეყვარა,  
 და გავეყრები ქმარს, რომელიც ვერ შემეფერებს.  
 ...დარდიან მხრებზე ჩამონვება ბურუსი-მაცნე,  
 მაცნე იმის, რომ დღეს ფუჭია ჩემი ლოცვები,  
 მე გავეყრები ღმერთს, რომელიც ჯვარზე არ აცვეს,  
 გამიკვირდება, შევიცხადებ და გავოცდები.  
 მე გავეყრები მეგობრების ათასფერ ლალატს,  
 ზღაპრად გაგონილ სასწაულებს გრძნეულ მისნების,  
 მე გავეყრები ამ სამყაროს, ასობით ქალაქს,  
 და ვარსკვლავეთში შორ პლანეტებს მივეთვისები.  
 შენც გაგეყრები, გაგეყრები, ხომ იცი ბოლოს,  
 ჩემს ნაფეხურებს აეკვრება გამთბარი ბინდი,  
 მე გავეყრები ყოფითობის ტკივილებს მხოლოდ,  
 მაშასადამე გავეყრები გრძნობებთან ჭიდილს.  
 და როცა სხეულს გავეყრები მსუბუქი შვებით,  
 როცა დაკარგავს თავის ძალას ყველა მისნობა,  
 ჩემში შემოვა სიამაყით გაშლილი მხრებით,  
 ჩემგან მარადჟამს გაუყრელი მარადისობა!

## ველური მსხლის ხე

როგორც მცენარეს დღეებმა სევდის  
 ყინულზე ცივი წვიმები მისხეს,  
 ზაფხული იდგა, სოფლიდან გწერდი,  
 და სოფლის ბოლოს ველური მსხლის ხე

ყველაზე წმინდა რამ იყო სოფლად.  
 გული კი მხოლოდ წვიმებზე მწყდება,  
 ვის სჭირდებოდა ამგვარი ყოფა,  
 ჩანასახშივე ქცეული წყლებად.

როგორც ჯარისკაცს საესე აქვს გული,  
 ომში უდროოდ სიკვდილის ვნებით,  
 ჩვენ სიყვარულის ნავედით ომში,  
 ჩვენც აგვიყოლა სიკვდილის ვნებამ.

გული კი მხოლოდ წვიმებზე მწყდება,  
 ცა რომ ბროლივით მემსხვრევა თავზე,  
 შენი კოცნებით დაფარულ ტანზე,  
 სხვა დროებითი კოცონი ჩნდება.

სხვა დროებითი ავდრები მკლავენ,  
 უსახოდ მდგარნი გაღებულ კართან,  
 შენი კოცნებით დაფარულ მკლავებს,  
 ვაგებებ სახლში შემოსულ ზამთარს.

ირჩევს გონება გარდასულ ნახატს,  
 და თავს სევდიან ფიქრისგან იზღვევს,  
 როგორ ნაბილწეს ღორებმა მსხლის ხე,  
 ტალახიანი, ბინძური დინგით.

და შემზარავი სიჩუმე ირგვლივ,  
 ყველაზე დახშულ სმენასაც სწვდება,  
 ვინ დაიჯერებს სულელის მეტი,  
 რომ გული მხოლოდ წვიმებზე მწყდება...  
 ვინ დაიჯერებს, სულელის მეტი...



ვიდრე ნაპირზე თევზებივით გამომრიყავდა,  
 მე მას შორეულ ვარსკვლავებზე ფიქრით ვავსებდი,  
 იქნებ ეს წამი უკვე იყო, უკვე მიყვარდა,  
 იქნებ ამ წყალში დიდი ხნის წინ უკვე დავსველდი.

და ამიტომაც აღარ მაკრთობს მისი სიცივე,  
 აღარ მიზიდავს ღრუბლებივით, მასზე ოცნება,

იქნებ ამ ფიქრით და ამ სევდით უკვე ვიცხოვრე,  
იქნებ ფანჯრებში უკვე ჩანდა ეს ფოთოლცვენა,

დარიჩინისფრად შეღებილი და მომაკვდავი.  
იქნებ ამიტომ ველარ ვხედავ მასთან მსგავსებას,  
რომ ერთხელ უკვე დავემგვანე მის მკვდარ სიყვითლეს,  
და მერე დიდხანს ყველა ცხადზე ცხადად მახსოვდა...

ხომ დგება წუთი, არაფერი რომ არ გაკვირვებს,  
დღეები უშნოდ მიკერებულს რომ ჰგავს საყელოს,  
იქნებ მე უკვე სიყვარულზე მითხრეს ყოველი  
და აღარაფერს შეუძლია, რომ ამაღელვოს.

ჩაივლის ეს დროც, საკუთარ თავს ვეტყვი – არ ღირდა,  
რეკდა უთქმელი სინანულის ხან ხმა, ხან ზარი...  
იქნებ ეს ცეცხლი ერთხელ უკვე ისე გაღვივდა,  
რომ ახლა უკვე ველარ ჩნდება მისგან ხანძარი!

და ახლა ერთ დროს გადახდენილ დღეთა „დეჟავუ“,  
თავის თავს გამხმარ ნოემბერში ცოცხლად იმარხავს,  
რომ ის, რაც ხდება, დიდი ხნის წინ უკვე მომხდარა,  
და რასაც ვხედავ, დიდი ხნის წინ უკვე მინახავს...



მარტო შევდივარ მდინარეში, აღარ გაკავებ,  
ამომეწურა გადარჩენის ყველა ვერსია,  
დააადგებოდეს ვიდრე ვინმე ჩვენს ცხელ ნაკვალევს  
და ვიდრე ყნოსვით მოგვაგნებდნენ, ვიდრე გვესვრიან..  
უნდა გახსოვდეს, არ გაჩერდე, არ მოიხედო,  
ჩემს სიბნელეში მეტი შუქი აღარ იქნება,  
ჩემს სიბნელეში მეტი თოვლი აღარ იქნება,  
ჩემს სიბნელეში, შესაძლოა, მეც არ ვიქნები.  
შემორჩა ბილიკს მონამლული კვალი ისრების,  
რაც არ ყოფილა, უკვე გაჩნდა ყველა ის ბზარი,  
რაც სიყვარულით აღარასდროს ამოივსება,  
უკვე ყველა ხემ იშრიალა ჩვენი სიზმარი.  
უკვე ყველა დღე ჩვენი ყოფნის მწუხრით დაღამდა,  
ყველა ღრუბელმა ჩამოუშვა ფრთები მიწამდე,  
ეს არის რასაც ვაცოცხლებდი, რასაც ვმარხავდი,  
ჩემს სიბნელეში არ იქნება მეტი სიცხადე.  
და შენ ერთ დღესაც დაიჯერებ, ჩათვლი, ყალბია,  
აქ რაც იხილე – ეს ხეები, ეს ტყის სულები,  
სხვადასხვა მხარეს გავიქცევით, როგორც გარბიან,  
შეყვარებული მაქციები და ურჩხულები.  
ვეძებ მკვდარ სიტყვებს, რას იტყვიან მკვდარი სიტყვები,  
გონების თვალთ დანახული ღამის ჩრდილები,

რომ სიყვარული ბოროტებით არ დაიღალა,  
 ეს საშინელი სიყვარული, ეს საშინელი.  
 რომ ილუზიას დაემგვანა მისი მიგნება,  
 ან შეიძლება ჩვენ დავკარგეთ ნიჭი მიგნების;  
 ჩემს სიბნელეში მეტი შუქი აღარ იქნება,  
 ჩემს სიბნელეში მეტი ცეცხლი აღარ იქნება,  
 ჩემს სიბნელეში მეც სიბნელედ გარდავიქმნები.

## ნანგრევები

არ გიფიქრია? ნანგრევების იდუმალ ხიბლზე...  
 რა ნამდვილია მათი ყოფა, როგორი მტკიცე,  
 რამდენი უნდა აიტანო, რამდენი შეძლო,  
 რამდენი უნდა იტვირთო, რომ ნანგრევად იქცე...  
 დადგება დღე და ძველებურად ვერაფერს იგრძნობ,  
 უყურებ ცას და თვალს უკუნეთ სიბნელეს აჩვევ,  
 რამდენჯერ უნდა გატკინონ, რომ დაიწყო დაშლა,  
 რამდენად უნდა გიყვარდეს, რომ ნანგრევი დარჩე.  
 და აღარასდროს არ აშენდე, არასდროს აღარ,  
 რადგან იცოდე ნგრევის ფასი და არა მხოლოდ...  
 იდგე საკუთარ ნანგრევების დიდებულ ჩრდილში,  
 და იმ ჩრდილშივე მზის შუქივით კვდებოდე ბოლოს.  
 ვიდრე წაგვლეკავს მარადმყოფი დინება ჟამის,  
 ვიდრე დაგვკარგავს საკუთარი სიმციროს კვალი,  
 სულ ერთი წამით, მხოლოდ ერთი წუთით თუ წამით,  
 რა ლამაზია ნანგრევები – შეავლე თვალი.

## ვიღრე ეს ქარი...

ღიაა მისთვის ჩარაზული აქამდე კარი,  
 აღარ ისურვებ, მისგან თავის დაღწევა შეძლო,  
 ის მუდამ ქროდა – შენი ქარი, სხვაგვარი ქარი,  
 ისე ძლიერად, მისი ქროლვა რომ სხვებსაც ეგრძნოთ.  
 და ამის შემდეგ წასულიყვნენ ქარივით სულაც,  
 რომ გაჰქცეოდნენ შენს სიყვარულს, შენდამი სურვილს,  
 რადგანაც ამ ქარს შემოჰქონდა ხიფათის სუნი,  
 რადგანაც ამ ქარს შემოჰქონდა სიკვდილის სუნი...  
 ხოლო ერთ დღესაც, სხვა ცხელი მზე აღულდა თავში,  
 რაღაც დიდი და უწონადო მოვიდა განცდა,  
 რომ შენ სიკვდილთან მეტად გრძნობდი ინტიმურ კავშირს,  
 მთელი ზაფხული რომ გიყვარდა, ვიდრე იმ კაცთან.  
 და შენი ქარი შენს უსიზმრო ღამეებს ჰგავდა,  
 ქროდა ხეებში უხსოვარი და როგორც ზარებს  
 რეკავდა ღრუბლებს და ფერადი ჩიტების გარდა,

მან მოიტანა მარტოობა – მზის ბნელი მხარე.  
 ქრის შენი ქარი, სხვა ქართათვის უცნობი რისხვით,  
 თან დაატარებს უკუნისფერ სიკვდილის აჩრდილს  
 (სააბაზანო არ გაივსო არცერთხელ სისხლით,) მხოლოდ  
 თვალეში სევდის თეთრი ლაქები გაჩნდა.  
 მხოლოდ ნისლეები ჩამოაძნა ჰორიზონტს მხრებზე,  
 ამოიჩემე სიყვარული, ფილმივით უხმო,  
 ცა მიატოვეს ღმერთებმა და ქრის შენი ქარი,  
 ორპირი ქარი ტყეებიდან ურჩხულებს უხმობს!  
 უსმინე, ეს ხმა საშიშია, საფლავებს ბზარავს,  
 ძნელია მიხვდე, იქ სიცოცხლის მარცვალი თუ ჩანს,  
 ვიდრე ეს ქარი, შენი ქარი, შეცვლილი ქარი,  
 სამარადისო ფოთოლცვენას ნააყრის ქუჩას.



არავინ ცხოვრობს. ამ სახლების კედლებიც ძველი  
 დაბზარა ელვამ და სამყარო ნელ ცეცხლზე ცხვება,  
 სოფლის ტაძარში აღარ დადის მოხუცი მღვდელი,  
 იქ შორიახლოს მობალახე შედიან ცხვრები.  
 ჩათესე შენი სიყვარული ჩემში, რომ იმ წამს  
 მოვიდეს წვიმა, დიდი წვიმა, სიცოცხლის წვიმა,  
 რომ ბალახები სიტყვებით წამოსცდეს მიწას,  
 და მზის ნაყოფი გამოეზას ლიმონის ხეებს.  
 ტკივილის წყლებმა სიყვარულის წაგვართვა ჩვევა,  
 გამოვიტანე ტკივილიდან სიმლაშე ზღვების,  
 შენს თვალეში კი გადარჩენის იმედი მრჩება,  
 ახლა სიკვდილის ფრინველები მინდვრებში ფრენენ.  
 ჩათესე შენი სიყვარული. დრო იყო, როცა  
 ნამდვილ სიცოცხლის მესვეურთა აქ იდგა რიგი,  
 და მერე გაქრნენ იქით, სადაც სულს მარხავს ხორცი,  
 დასასრულია, არაფერი არ ხდება იქით.  
 სევდით ჰაერი ცოტავდება, არ იძვრის ქარი,  
 სათქმელს კი, როგორც პურის ნატეხს, ედება ობი...  
 ჩათესე შენი სიყვარული, რომ ვიყო ქალი,  
 რომ სასწაული მოვავლინო და ღმერთი ვშობო.

## ჩვენ დავწვიით სახლი

შემოდგომას რომ არ დაეშვა ყვითელი ფრთები,  
 არ შესჩვეოდა ყინვა, როგორც ერთგული ძაღლი,  
 რომ ვერცერთ გამვლელს ვერ ეპოვნა მის შიგნით შვება,  
 ჩვენ ჩავიდინეთ ბოროტება და დავწვიით სახლი.  
 ჩამოდიოდა შავ ნამსხვრევეად გრძნობები მინის,  
 და ყაყანებდნენ ბაყაყები გუბურის ახლოს,  
 ინვოდა სახლი. შეპყრობილნი სადისტურ ჟინით



ვურბენდით ირგვლივ და ვყვიროდით – „დაინვი, სახლო!“  
 დაინვი, სახლო! შენ არასდროს დარჩები უბრად,  
 არც მარტოობის ხავსიანი მონყენა გელის,  
 არაფერია მიტოვებულ სახლებზე უფრო,  
 უიმედო და შემზარავად არაფრის მთქმელი.  
 იქ დარჩა მანვნის თეთრი ქილა, ყვავილი ბალბის,  
 და ტელეშოუ, იატაკზე ხეების ლანდი,  
 სიზმრის მდინარე – სარეცელი, კანაფის ბოლი,  
 და სიყვარულის ნარჩენები, რომელსაც ვწვავდით.  
 როგორც დაწვავდით დაძველებულ კომპოსტოს ფოთლებს,  
 აღწევდა ალი ღრუბლებამდე და უფრო მაღლა,  
 რომ დაბრუნების შევეცდინეთ არასდროს სურვილს,  
 და არასოდეს დაგვხვედროდა გამოცვლილ სახლად  
 (ჩვენ დაწვით სახლი... შევიშალეთ ამგვარად როდის?)  
 ძირს ეშვებოდა ბუდეები სხვენიდან მერცხლის,  
 ჭერსა და სკამებს, ღია ფანჯრებს, თუკი რამ გვქონდა,  
 გაუმაძღარი აღტკინებით ლეჭავდა ცეცხლი.  
 იწვოდა დიდხანს, იშვიათი, ისე ვით განძი  
 და ბოლოს გამქრალ მირაჟით ჩამოწვა დაღმა,  
 რა დიდი იყო, რა მაღალი და თან რა გამძლე,  
 ცეცხლმოდებულმა დაგვანახა ბოლოსღა სახლმა.  
 რომ შემოდგომას არ დაეშვა ყვითელი ფრთები,  
 არ შესჩვეოდა ყინვა, როგორც ერთგული ძაღლი,  
 რომ სხვას ვერავის ვერ ეპოვნა მის შიგნით შვება,  
 ჩვენ დაწვით სახლი;  
 ჩვენ დაწვით სახლი.



## ლევან გორვანელი



### შენ და გაზაფხული

ა.წ.

ფიქრებმა მითხრეს, რომ შენა ხარ ქალღმერთი წვიმების.  
ხნულეებში ამოზრდილ ციმციმა ვარსკვლავებს დავეძებ  
და როცა არსებულ უდაბნოს ცხელებით ვინვები,  
მოდიხარ ნიაღვრად, არ მაძლევ უფლებას, დავეცე.

ცა შენი სახლია, მე მიწის შვილი ვარ ნამდვილი.  
ჩვენ მუდამ შევხვდებით მთის მაღლა, მერმისის განედზე.  
ხომ ხედავ, ხომ იცი, ერთურთში ვიპოვეთ ადგილი,!  
მე ისევ დაგიცდი. გრძნობების გამხელა გაბედე!

როს თვალებს დავხუჭავ, შენ თვალებს გაახელ, შემრისხავ.  
მიდიან დღეები, სევდათა მარწუხებს ვეთმოები.  
მზის გულზე ამოზრდილ ღრუბელთა ჩრდილებსაც ვერ ვიტან.  
სიცოცხლით ნამზირალ სიკვდილსაც სრულებით ვენდობი.

შენ ჩემი მუზა ხარ! ვნებათა სიშმაგე მაგიჟებს.  
ფერსავსე ბუნება სხეულთა შეხვედრას მოელის.  
თანდათან მოვიწევ, არეულს მოვყვები ნაბიჯებს.  
ყოველი დღის შემდეგ იმედი მახარებს მომავლის.

მინდა, რომ შეგიგრძნო, წარუშლელ სახებად გხედავდე.  
ისეთი ქალი ხარ, კაცთა გულს გრძნობები ატყვევებს.  
ღვივდება ნაყოფი; გაზაფხულს მოჰყევი ჩემამდე!  
სურნელი შენი სდით ავარდნილ ალუბლებს და ტყემლებს.

## ჰორიზონტი სინათლეში

ა.გ.

მუსიკისათვის ჟღერადობა ერთი ნოტია,  
 პირველსაწყისი, სუბსტანცია, დავარქვათ – ვნება.  
 შენი თვალები უსასრულო ჰორიზონტია,  
 რომლის გარეშეც ეს სამყარო ალბათ გაქრება.  
 შენი არსება სამყაროსთვის მონვეულია  
 ღვთაების მიერ, რომლის ძალაც ბუნებას კვებავს.  
 შენი ტუჩები ის მგზნებარე ბრონეულია,  
 რომლის სათუთი მთლიანობაც ბზარებად სკდება.  
 მზის სხივებს მალლა შენ ანათებ, ჩემო ძვირფასო,  
 შენი ღიმილი ღმერთსა და ღრუბლებს შორის დგას...  
 ერთხელ შეგრძნება ამ ღიმილის სიცოცხლედ ფასობს...  
 მარიამი რომ იღიმოდა ქრისტეს შობისას.  
 ხარ საოცარი! როგორ ახსნას უნდა ვეცადო,  
 როცა ვერ აგხსნი, მშვენიერო, ღმერთი-პოეტიც...  
 არ დაქორწინდე შენს საქმროზე, არ გამეცალო,  
 თორემ გაქრება სიყვარულიც და ეს მომენტიც.

## ამანდა

წამებასავით გადაიქეც ჩემთვის, მილედი,  
 ვნებააშლილი შეხვედრები წარსულს ჩაბარდა.  
 წახვედი ჩემგან, აღარა მაქვს ღმერთის იმედი...  
 ქმარი შეირთე და დამტოვე, ჩემო ამანდა.  
 იცი, ძვირფასო, მე კვლავ ვნატრობ შენს ლამაზ თვალებს,  
 მიდიხარ შენთვის, უკაცრიელ ალუბლებიან  
 ხეივანში და გზას გინათებს მდუმარე მთვარე...  
 მე დაგინახავ და ფიქრებიც ადუღდებიან.  
 მაგრამ ეს როდის?.. ალბათ, როცა ტყვიას დავიხლი  
 და ჩემი სული უგზო-უკვლოდ დაიწყებს ძრწოლას.  
 შენ რომ, ლამაზო, იმ თოვლისფერ კაბას გაიხდი,  
 ჩემი სული კი ვერ დაგიშლის ქმართან დანოლას.  
 რომ ვთქვათ, იქნება ეს უგულო შენგან ღალატი?  
 ვფიქრობ და ჩემს თავს გამოფუტან მარტივ განაჩენს:  
 ჩემი ბრალია, ჩემო კარგო, ვერ დაგაფასე,  
 ერთადერთი ხარ, ეს ცხოვრებაც მეტყვის დანარჩენს...  
 მეტყვის, რომ თურმე მოღალატე მე ვარ პირველი,  
 შენ კი ღალატით გამოწვეულ დამწუხრებიდან,  
 ქალი, სულ მარტო, ჩავარდნილი დიდ განსაცდელში,  
 შენი ქმარი კი გამომყვანი მარწუხებიდან.  
 მეტყვის, რომ შენი სიყვარული შენს ქმარს ეკუთვნის,  
 მე კი ხეტიალს მომასწავებს ისევ თავიდან;  
 კვლავაც დამტანჯავს შენი ცქერის ახლო სიშორით

და გადამაქცევს შენს მეხოტბედ, დროთა ნაწილად.  
 იმ დროთა, რომლის დროულობა ზოგჯერ ფანდია,  
 მარადისობას უერთდება მათი ჟამთასვლა.  
 ჩემკენ მოდიხარ, ალისფერი კაბა გაცვია,  
 მე გეგებები, გულში გიკრავ და დროც გადასცდა  
 ყოველგვარ წყენას, გაბრაზებას, წუხილს, ვაი-ვიშს...  
 მე შენთა თვალთა ჰორიზონტი მზერას მიზომავს;  
 მშვიდი სამყარო ეგზოტიკურ ფარჩას გაგვიშლის...  
 მე და შენ, მხოლოდ, ვუერთდებით მარადისობას!

## ტალღები

ბ.ღ.

ღიმილმორეულს როცა გიყურებ, გრძნობები ჩემში იბადებიან.  
 გინდა გამექცე, განმერიდო.  
 წარსულ განწყობებს ველარ ვითვისებთ, არ ბრუნდებიან;  
 მინდა დარჩე და განმეორდე.

შენ გამოგყვები, ვენდობი ქარებს ვნებების ამშლელს.  
 როგორც მთვარე, ვირეკლავ სხივებს.  
 ვიდრე ბუნების ენერგია ჩემს ყოფნას ნაშლის,  
 მიმიღე შენში, იყავი სხვისიც!

ოკეანე ხარ ბობოქარი, ტალღებით სავსე – სიცოცხლისათვის...  
 კუნძულებს იტევ, თანაზიარობ.  
 მე შენში ვინცებ დასახლებას, პოვნას სიცხადის;  
 ბუნების ტალღებს ვეაზროვნები.

მსურს, მიწიერი ჩემი სახე შთაინთქას მასში,  
 იმ ოკეანის ტალღებს მივცე მიწის სურნელი  
 ან ოკეანის მღელვარება დაცხრეს ჩემს არსში...  
 შექმნილ ხმელეთზე მღელვარების იყოს სურვილი.

## ყამარი

ბ.ღ.

შენ მზეთა სხივებს შეესიტყვე, გრძნობებს აჰყევი,  
 არ შეიფერე მცხუნვარება იმ ცეცხლთა შინა,  
 რადგანაც ქარებს მიაკუთვნე თავი ამ ქვეყნად...  
 მაგრამ არსებულ ქარიშხალებს ვერაფერს შევლი.


შენ ცეცხლად გახვედ, გაგიტაცეს ყოფნის სანყისად,  
 სხივები შენი განეფინა სულიერთ მოდგმას.  
 მთის წიაღიდან, გარიყული მიიღე მწყემსი;

მადლიერებით შემოგხარის, სხეულით მდგომი.

ბუნების ხელქმნით დაიმორცხვე, სხივს განერიდე,  
თან შეიგრძენი მიწიერი სურნელი ვარდთა.  
ბორკილდებული სილუეტი შენთან მოვიდა  
და გითხრა: „ნადი!.. დაივინყე სინაზე მკვდართა“!

შენ კი ადამის მოდგმის ვნებებს სულ ვერ ითვისებ,  
სულ არ ეცემი, სულ არ გტკივა, სულ არ განიცდი  
და უმნიშვნელო ნიაჭშია ც კარგავ თილისმებს,  
რომელ წვრილმანთა ყოფიერი ფასიც არ იცი!

თვალს გაახელ და გარდასახვის დაკარგავ უნარს,  
ეს თვალხილული სინამდვილე გექცევა ჩვევად.  
იტყვი ქალღმერთად დაბრუნებას – მიიღებ უარს  
და არსებული რეალობა უცვლელი რჩება.



## გიორგი სოსიაშვილი



### ღათა

მინას შეახო ხელი და ჟრუანტელმა დაუარა გაძვალტყავებულ სხეულში. დედა რო თავზე ხელს გადაუსვამდა ხოლმე რვა ათეული წლის წინ, ისეთი ნეტარება იგრძნო. თითქო ამ შეგრძნებამ ბავშვობაში დააბრუნა. შემთბარიყო მინა, გაზაფხული შემოპარულიყო და ხსენჩამდგარი ჯიქანივით იყო გაჭექილი ნაზამთრალი მინა. ხმელი ბალახი მოფხორტნა ჯონჯოლის ძირში, სველი, ტინტყლი მინა ცხვირთან მიიტანა, დაყნოსა და ცრემლები წამოუვიდა. სიბნელე იყო, აქა-იქ უღიმღამოდ ბუუტავდნენ ვარსკვლავები. გაღეული ბებერი მთვარე, რომელსაც, დათასავით, საამქვეყნოდ ორიოდ ამომთქნარებალა დარჩენოდა, კენჭიან გორაკზე მთავარანგელოზის მიტოვებული ტაძრის ეზოში დაგორებულიყო.

– დათა! – ხმა მოესმა.

ჯონჯოლის ქვეშ გაიყურსა.

– დათა! – სონას ხმა იყო, სხვა ვინ იქნებოდა.

წამოდგა, აქეთ-იქით მიიხედ-მოიხედა, იტყოდი, ვილაც უთვალთვალეზდა.

– რა იქენი, კაცო!

– მოვალ ეხლავე! – ცოლს გასძახა, პაპიროსს მოუკიდა და ამირეჯიბების ნავენახარის მალლა, ვეება ლამპიონე-

ბით გაჩახჩახებულ რუსების ბაზას გახედა. ისე ახლოს მოჩანდა, იტყოდი, ათიოდე ნაბიჯს გადადგამდი თუ არა, იქ აღმოჩნდებოდი. ის კი არა, ფშანებიდან წამოსულ გაზაფხულის პირველ ამონასუნთქ ნიავს რუსი ჯარისკაცების საუბარი ნაწყვეტ-ნაწყვეტ მოჰქონდა. ბერიკაცი ისე იღრიჯებოდა, თითქო ვილაცა გამეტებით მათრახს ურტყამდა შიშველ, დამჭკნარ სხეულზე. სეტყვასავით აყრიდა ფშანებიდან წამოსული თელხი მოყაყანე რუსების გაბნეულ ბგერებს.

– მოდიხარ, კაცო? – ისევ გამოსძახა სონამ.

– მოვდივარ-მეთქი, ხო გითხარი.

ღათა სახლს შეაცქერდა. ცალთვალა დევივით მოჩანდა სიბნელეში მისი ორსართულიანი საცხოვრებელი, მხოლოდ ერთი სარკმლიდან, დათას და სონას ოთახის სარკმლიდან იღვრებოდა შუქი, იტყოდი, რო დაბერებულ, უმწეო მთვარეს ეშველებოდა ამ ჩაყრუებული არემარის განათებაში.

– სულ რო გვითვალთვალეზენ ეგენი, ხო იცი, – თითქო რაღაც დანაშაულზე წაასწრო ქმარს, სონა ისეთი თვალებით უყურებდა, თან ჩაბნელებული ეზო მოათვალმზერა.

ბებერი მსხლის ძირში ძაღლის ცარიელი ბუნაგი ისე მოეჩვენა, გეგონებოდა, ვილაც იჯდა ჩაკუზული და ბებრების საცხოვრებელს მისჩერებოდა. ორი კვირის წინ დამარხეს სახლის უკან დათას ბიჭის მოყვანილი ჩალისფერი ქოფაკი, რომელიც სიბერიით მოკვდა, თუმცა ყველაზე კარგად დათამ იცოდა ძაღლის სიკვდილის მიზეზი. რაც დათას ბიჭი ვანიკო აქედან ნავიდა, ბასარა თავის დაყათზე ვერ იყო. თითქო ყველას სადარდებელს ის ძაღლი დარდობდა. ეფერებოდნენ სონა და დათა ბებერ ქოფაკს, რომელსაც პატრონების ერთგულებასა და სიყვარულში გაეტარებინა თავისი წილი წუთისოფელი. თავიდან, რაც ძალი და ღონე ჰქონდა, უყუფდა ფორმიან რუსებს, ბოძები რო ჩაარჭვეს და მავთულხლართის შიგნით მოაქციეს დათას არემარე. ძაღლი არ მომიკლათო, – რუს ჯარისკაცებს სთხოვა დათამ.

– ნუ გეშინია, არავინ ერჩის შენს ძაღლსო, – დააიმედა ახალგაზრდა ოფიცერმა, რომელიც ხშირად მოდიოდა ხოლმე.

ამან უფრო გააცოფა ბებერი ქოფაკი. რუსებზე ხო მოსდიოდა გული, მაგრამ პატრონზეც ბრაზდებოდა, სამადლოდ რო აჩუქებინეს ქოსა ჯარისკაცებს ძაღლის სიცოცხლე, არადა, ზედა ვარდებოდა წელს ზემოთ გატიტვლებულ გადამთიელებს, დათას ეზოს გასწვრივ ბოძებს რო აბეტონებდნენ. ის კი არა, სადილობისას ძეხვის ნაჭერიც კი გადმოუგდეს დათას ძაღლს, მაგრამ პირს როგორ დააკარებდა? ეგრე გამომცდელად მიმტერებოდნენ რუსები, აინტერესებდათ, აბა, რას იზამდა. იმათ ეგონათ, რუსული ძეხვის ნაჭერზე გადაირეოდა ძაღლი და რუსებს წკმუტუნ-წკმუტუნითა და კუდის ქიციანით გაუგორდებოდა. ძაღლს სიცილი არ შეეძლო, თორე დასცილებდა.

გავიდა დღეები, ესმოდა ბასარას, როგორ ეხვეწებოდა პატრონი ფორმი-

ან ჯარისკაცებს, რო ეკლიანი მავთულები სახლის უკანა მხარეს გაებათ და დათას სახლი, რომელიც ისედაც განაპირა უბანში, ფერდობის ძირში იდგა, სოფლისთვის არ ჩამოეშორებინათ, მაგრამ ქვა ააგდეს და თავი შეუშვირეს. აქეთ დარჩნენ დათა და სონა, იქით – ისინი. გაავლეს ეკლიანი მავთულები, თან როგორი ეკლები ჰქონდა, ერთი-ორჯერ სოფლის ნახირი გამოატარეს და რამდენიმე ფურმა ლამის ფაშვი აქ დატოვა, ფერდები დაეფატრათ. არა ქნეს რუსებმა. დათამ ფულიც კი შესთავაზა, სახლის იქით გაავლებთ ღობეს, თუ სახლის აქეთ, თქვენთვის რა მნიშვნელობა აქვსო, მაგრამ ერთი რო შეჯდნენ ვირზე, მორჩა.

ეგრე მოექცა დათას სახლ-კარი „საზღვარს“ იქით და დარჩა მარტო ბებერი ცოლ-ქმარი. ვანიკო რამდენჯერმე მოვიდა, ეხვეწა, ემუდარა მშობლებს. იცოდა, რო წყლის ნაყვა იყო დათასთან ამაზე საუბარი, მაგრამ მაინც თავისას ცდილობდა. სონა კიდე, ლამის ბავშვობიდან ერთად მოდიოდნენ და აბა, ქმრის გარეშე სად იყო წამსვლელი. მთავრობის წარმომადგენლები, ჟურნალისტები დათას სახლთან ათენ-ალამებდნენ, მსოფლიოს უნდა გავაგებინოთ, როგორი მაგარი კაცი ცხოვრობს აქაო.

ჩართავდა ტელევიზორს საღამოთი დათა და თავის თავს უყურებდა.

– რა ცოტა რამე უნდა, ხო ხედავ, გმირობასა, – სონას შესცინებდა, – აჰა, სახლში ვართ, ჩხირი-ჩხირზე არ დაგვიდვია და გმირები გავხდით. ვაი, ჩვენს პატრონს! სანყალმა მამაჩემმა კიდე, აიქ ჩაყარა ძვლები, ქერჩში და გამპატიოსნებელიც არა ჰყავდა. იმის გმირობაზე არავინ არაფერს ამბობს და მე გამხადეს გმირი.

საჭმელ-სასმელს ეკლიანი მავთულხლართებიდან გადმოაწოდებდნენ ხოლმე ან დათა რისი მჭამელი იყო, ან სონა, იკიკნებოდნენ ეგრე საცოდავად. დათა თავის დანურულ წითელ ღვინს

ჩამოასხამდა და სონაღა ჰყავდა ჭიქის მიმჭახუნებელი, რომელსაც მალ-მალე ეტყოდა:

– როგორ გაბრაზებდი ხოლმე ჯიელობაში და ამას რა მომაფიქრებდა, ცოლიც შენ იქნებოდი, ძმაკაციცა და მეზობელიცა.

სონა შეხედავდა და თავს გააქნევდა.

– რაც შენ ნერვები მინენე, რაც შენ სიმნარე მაჩვენე, სხვა რო ჩემ ადგილზე იყოს, ნავიდოდა და მარტოდმარტოს დაგტოვებდა, მაგრამ გული რო არა მაქვს ეგეთი...

ბასარამ ერთ დღეს საჭმელს პირი არ დააკარა. ვანიკოს გარეშე ეს ძალე ერთი დღე ვერ ძლებდა და მიხვდა ბოლოს, რო ამ გადაღობილ არემარეზე ყოფნა დროებითი ამბავი არ იყო, სულ ასე მოუნევდა ცხოვრება, თავისი ძალღური სიბერე ამ დადარდიანებული პატრონებისა და იმ ქოსა ჯარისკაცების ცქერაში უნდა გაეგარებინა. ადგა და დაიჩქარა სიკვდილი. ინვა და ქასქასებდა უჭმელ-უსმელი. რა გაეკეთებინა დათას, აღარ იცოდა, ეფერებოდა ბებერ ქოფაკს, ერთი-ორჯერ ძალათ გააღებინა პირი, იქნება როგორმე ლუკმა გავაღეჭინოო, მაგრამ ბასარას სიცოცხლე აღარ უნდოდა.

ერთად ტიროდნენ მომაკვდავი ბასარა, დათა და მისი ცოლი. რად უნდოდადა ძალღს რამის თქმა? თვალებით ეუბნებოდა ყველაფერს.

სახღის უკან დამარხა დათამ ქოფაკი და იტყოდი, რო გარდაცვლილ ოჯახის ნევრს დასტიროდა, შენდობის ჭიქაც კი ნაუქცია, გააპატიოსნა.

ბებერი მსხღის ქვეშ ბასარას ცარიელი ბუნაგი დარჩა. მიჩვეული როგორც იყო, დღით მივიდოდა ხოლმე დათა, ეგონა, რო ღამენათევი ძალღი „ფანერკით“ შეკრულ ბუნაგში დახვდებოდა. ეს სიცარიელე ეკლებს ურჭობდა სულში. დათას ეზოში ძალღი აღარ ყეფდა და გული უკვდებოდა. ერთი-ორჯერ ბუნაგის აღება გადაწყვიტა, მაგრამ თითქო

ვილაც გადაუდგა წინ, გადაიფიქრა. იმ სიცარიელესაც მიეჩვია თანდათან და ხვდებოდა, რო ყველაფერი მისი ცხოვრების ნანიღი იყო. ვერაფრით იჯერებდა, რო ცარიელ ბუნაგს შეეჩვია თვალღი და პირველმა ტკივიღმა, თავიდან რო სული დაუკანრა, სადღაც მიიძინა. არ უნდოდა დაეჯერებინა, რო ამ ეკღიან ღობესაც ეგრე შეეჩვეოდა. გავიდოდა დრო და ჩვეუღებრივ ამბად იქცეოდა, ის კი არა, უმავთუღხღართო არემარის გახსენება უფრო გაუჭირდებოდა. საკუთარი თავის შიში გაუჩნდა, ვაითუ მართღა შეჩვეოდა ამ ყველაფერს და ისე დადიოდა თავის ეზოში, ისე სხღავდა და ბარავდა, რო იმ ეკღიან მავთუღების თითქო ვერცა ხედავდა. უნდოდა, ყველაფერი ისევე ისე ყოფიღყო დათას მახსოვრობაში, უნდოდა რო ეკღიანი მავთუღებით შემოუღობავ არემარეზე ეცხოვრა.

შევიდა და თავჩაღუნული იდგა ცოღის წინ, იტყოდი, რაღაც აღსარებასავით აპირებდა სონასთვის, მაგრამ ვერ გაებედა. ხო უთხრა ერთხელ, ცოღიც შენა ხარ, ძმაკაციც, ჭიქის მიმჭახუნებელიცა და მეზობელიცაო. მგონი, ის დრო იყო, აღსარებაც ცოღისთვის ჩაებარებინა და პურ-ღვინითაც სონა აზირებდა.

„უცნაური კი არა, უცნაურზე უცნაური ყოფიღა ცხოვრება. სად დაინყებ და სად დაამთავრებ შენი წუთისოფღის წღებს ან კიდევ კარგი, არ იცი, ჯეღობაში წინ რა გეღოდება, თორემ ერთი ბედნიერი წუთიც არ დაგრჩებოდა, ეგრე დასაპურებელი სულით უღიმღამოდ გაატარებდი შენთვის ნასესხებ წღებს“, – ფიქრობდა დათა და თვალწინ უდგა ჯეღობის წღები, როგორ დაინყო საძირკვღის გაჭრა, სახღის აშენება, როგორ შეაღია მთელი თავისი ჯანი და ღონე აქაურობას. ახღა კი... გრძნობდა, როგორ უახღოდებოდა სიკვდიღი, საამქვეყნო დღეები დათვღიღი ჰქონდა. შეიძღება არაფე-



რი გჭირდეს, შეიძლება კენჭივით იყო, მაგრამ მაინც გრძნობ, როგორ ახლოს არის ცად წასვლის წუთები... იმათთან სიახლოვეს გრძნობდა, ვინც უკვე გამჩენთან იყვნენ და სიკვდილის მოლოდინი აღარ ჰქონდათ.

ერთადერთი გამპატიოსნებელი დარჩენოდა დათას, მთელი ცხოვრება რო მასთან ერთად მოათრევდა მძიმე უღელს. მარტოდმარტო უნდა ეცხოვრა სონას, სანამ მისი დღეების კრიალოსანიც არ ჩამოიმარცვლებოდა... არ უნდოდა რუსების სამადლოდ გაჭრილ საფლავში წოლა. წარმოიდგინა, სონა რო შეეხვეწებოდა ქოსა გადამთიელებს და ისინიც, ტურების სათრევი რო არ გამხდარიყო დათას ცხედარი, მუხლამდე ამოუჩიქნიდნენ სამარეს. უნდოდა, რო სონა ამ ამბისთვის შეემზადებინა, ეთქვა, რო მისი აქედან გასვლის ჟამი ახლოს იყო, მაგრამ ეცოდებოდა ქალი.

– რა დაგემართა, კაცო, რა ოროსანივით ჩაგიღუნია თავი. შენ ვერ ხარ ეს დღეები კარგა.

დათამ არაფერი შეიტყო. ტახტზე ჩამოჯდა.

– რა შემატყე, რო ვერა ვარ?

– რა ვიცი აბა, ეგ შენ თავს უნდა ჰკითხო.

– ჩემ თავს რაღა ვკითხო, – მწარედ ჩაელიმა დათას, – რაც საკითხავი მქონდა ვკითხე უკვე...

– რაო მერე, რა გითხრა? – სონასაც გაელიმა.

– მაგარი ცოლი გყამ და ეგ რო არ იყვეს, შაურის ფასი იქნებო.

– ოიი! – თავი გააქნია სონამ.

დათას უნდოდა, სანამ მიქელ-გაბრიელი თავს წამოადგებოდა და გაფრენის მზადებაში მყოფი სული შემკრთალი მტრედევით შეფრთხილდებოდა, ცოლი გაემხნეებინა, მაგრამ ვერა ბედავდა. ეცოდებოდა სონა, თან ფიქრობდა, სიმხდალეში არ ჩამითვალოს, სიკვდილზე რო ლაპარაკი დაეუწყო. პატარა საღვინით შევიდა მარანში,

ათი-თხუთმეტი წუთის შემდეგ ღვინო გამოიტანა.

– ბევრი აღარ დალიო! – უთხრა სონამ.

– ბევრს როდისა ვსვამ? – უსაყვედურასავით დათამ.

სამი ჭიქა დალია, ენერგიულად გაღეჭა ლუკმა.

„სიკვდილის ნაბიჯებს რო გრძნობ, ფასი არა აქვს მერე... ღვინოც სიცოცხლეს უხდება და პურ-მარილიც“ – ფიქრობდა დათა და ეგრე მდუმარედ იჯდა.

სონა უყურებდა და მალ-მალე ეტყოდა:

– ვანიკოს დაეურეკავ, ამოვა ბიჭი, ვეტყვი მაგ ოხრებსა და გავყვეთ ქალაქში, ექიმი გინდა შენა, ხო გატყობ, ისევე ამოვიდეთ მერე...

– მაგათაც ეგ უნდათ... – თქვა დათამ და საღვინე გვერდით მისწია, – წასული კი მინახავს, მაგრამ მობრუნებული აღარავინა.

– ეგენიც ხო ადამიანები არიან, მაგათაც ხო ჰყავთ მოხუცები, ვეტყვი იქნება...

– ეჰ, სონა, – თვალეები წამომღვრა დათას, – ხო არა გძინავს შენა. მგლის თვზე სახარების კითხვისა... აზრი მითხარი აბა, არ იქნება ეგ ამბავი... საექიმოც არაფერი მჭირს.



იტყოდი, რო სხეული აღარ ემორჩილებოდა. მძინარე სონას გადახედა, ძალა მოიკრიბა, მოფხიზლდა და წამოდგა.

ახალი გამოკვერილი ცელივით ლაპლაპებდა მთვარე.

„ამ მთვარის დაბერებას ვეღარ მოვესწრები“ – გაიფიქრა დათამ, ფრთხილად ჩაიცვა, კარი უხმაუროდ გააღო. გასვლის წინ სონას კიდევ ერთხელ დახედა და ნელ-ნელა, უჩუმრისპირად გავიდა.

შუალამე ახალი გადასული იყო. გაზაფხული შემოპარულიყო, მაგრამ მა-

ინც სუსხი ჰქონდა. ეკლიანი მავთულე-ბის იქით სიჩუმეში ჩაძირული სოფლის სუნთქვა დათას სახლამდე მაინც აღწევდა. აქა-იქ ძაღლები წამოიყვებოდნენ და სულსწრაფი მამლების ყვილზე ისეთ ნეტარებას გრძნობდა მოხუცი, თითქო ესლა დაიბადა და მთელი ცხოვრება წინ ჰქონდა.

ფარდულში შევიდა, ბარი აიღო, სახლს შემოუარა. ისე შესცქეროდა კედლებს, გეგონებოდა მლოცველივით კუთხეებს დაუკოცნიდა, ბოლოს დაღმართზე დაეშვა.

მთვარემ თითქო შუქი მიუმარჯვა. მიდიოდა დათა დღესავით განათებულ ქალაში და იმაზე ედარებოდა, რო სონას არ გაღვიძებოდა და თავზე არ წამოსდგომოდა. ფშანებთან ტურები ნადავლს ვერ იყოფდნენ, თუ ერთმანეთს ძიძგნიდნენ, საზარელი ჩხავილი მოისმოდა და მოხუცს ტანში გააჟრჟოლა. ისეთი შეგრძნება ჰქონდა, თითქო დათას დამარხული ცხედარი ამოეთხარათ ტურებს, ეგრე დაათრევდნენ ფშანებთან და ერთმანეთში ვერ იყოფდნენ.

მთვარიან ღამეებში რამდენი უბარია დათას, სონა გაუბრაზდებოდა ხოლმე.

– შე ოჯახაშენებულო, ხვალაც ამ თვისა არ არი? რა თავს იკლავ, თან კი არავინ გამოგყვება, ვინც ერდო მოხნა, ისიც ხო მოკვდაო.

ზამთარში, რაც ერთი ყამირი ადგილი ჰქონდა დასაბარი, მთვარიან ღამეებში გადაატრიალებდა ხოლმე. დღის სულზე, როგორც თვითონ უყვარდა გამოთქმა, ვერ მოსცდებოდა, საქმე იმდენი ეყარა თავზე, მთელ სოფელს ეყოფოდა, სანამყნი თუ გასასხლავი, სათოხნი თუ სანიდნი – დათას ხელი არა ჩერდებოდა.

ბალის ბოლოში დიდი ხეჭეჭური ედგა. დათას მამას დარგული ბებერი მსხალი აღარ ისხამდა, ისიც დათასავით დღეებს ითვლიდა. ლივლივებდა, მაგრამ დათამ ვერ გაიმეტა, მსხალს დარჩენილი დღეებით ტკბობა აცალა.

– სულ რო ჩირივით ბებერი იყვე, ძალა აღარ გერჩოდეს, სიცოცხლე მაინც ტკბილიაო, – იტყოდა ხოლმე, მაგრამ თავის ნათქვამი რო ახსენებოდა, ხვდებოდა, რო დიდი განსხვავება იყო ხეჭეჭურის ბოლო დღეებსა და მისი სიცოცხლის მიმწუხრს შორის.

– დათა! – თითქო სონას ხმა მოესმა, შეკრთა.

– ხო არ გაიღვიძა? – სახლისკენ გაიხედა. მერე დაასკვნა, რო მოეჩვენა და ხეჭეჭურის ქვეშ ადგილი მოზომა, შეათვალიერა, მერე ფშანებისკენ გაიხედა. მთვარის შუქი იქით უფრო სუსტად აღწევდა, ტურები აღარ ჩხუბობდნენ, აქა-იქ მხოლოდ უცნაურ ხმებს გამოსცემდნენ.

„ნადავლი გაიყვეს და ჭამენ ეტყობა“, – გაიფიქრა დათამ.

ყამირის თხრა დაიწყო. გეგონებოდა, ნაბარი ადგილი იყო, ადვილად ჩავიდა მინაში ბარი, ადვილად ჩაძვრა. ორიოდე საათი იმუშავა, რაც ჯანი ჰქონდა დახარჯა, გაიხვითა და მირკანის სუსხზე ზედ აშრებოდა ოფლი. ეს მუშაობა მაშინდელს არ ჰგავდა, როცა ახალ მთვარეზე ყამირის გასატეხად ბარს გაღესავდა ხოლმე. მუხლამდე რო ჩავიდა მინაში, მუშაობა შეწყვიტა. იდგა ბარის ტარზე ჩამოყრდნობილი და სანახევროდ გაჭრილ სამარეს ჩასცქეროდა. ეს იყო მისი ნატანჯი სიცოცხლის უცნაური წერტილი. რა მოაფიქრებდა, რო ოდესღაც მშობლების გვერდით კი არ მოუზომავდნენ უკანასკნელ ალაგს, არამედ იმ ხის ძირში მიებარებოდა მამისეულ მინას, მთელი ცხოვრება რო შეჭხაროდა, სიცოცხლის ბოლო დღეებამდე რო ცული არ დააკარა.

მთვარემ თითქო ანიშნა, გეყოფაო და სახლისკენ მძიმე ნაბიჯებით ამოუყვა გზას.

სამი ღამე გრძელდებოდა ეს ამბავი. ადგებოდა შუალამისას, უჩუმრის პირად გაიხურავდა კარს და ბაღში დაეშვებოდა. სონას ვითომ ეძინა. დათა „მძინა-

რე“ ცოლს დაჰხედავდა, ბარს მხარზე გაიდებდა და მთვარით განათებულ ბილიკს გაუყვებოდა.

„უცნაური ბედი მქონდა, უცნაური. მეგონა, ჩვეულებრივი ცხოვრებით ვცხოვრობდი, როგორც სხვები, როგორც ჩემი მეზობლები, მაგრამ თურმე არა ყოფილა ეგრე. რა მომადიქრებდა, თუ საკუთარი თავის მესაფლავე ვიქნებოდი. რამდენჯერ უთხოვიათ თანასოფლელებს, მესაფლავედ გავყოლოდი, მაგრამ ბარი მხოლოდ ყამირის გასატეხად და საბოსტნის დასაბარად გამომიყენებია. ჩემი საფლავი მე უნდა გამეჭრა თურმე. ეგეც იმის ნებაა, ვინც ამქვეყნად მომიყვანა და სული ჩამიდგა, იმის ნებაა, ვინც ეკლიანი მავთულებით დაგესაჯა. მინის სიყვარულს გადავეჩვიეთ და იმიტომ დაგვემართა ეგრე. ხალხი რო ცოდვას სჩადის ან დათა დაისჯება მერე, ან პეტრე და ან პავლე. იქნებ სხვისი ცოდვების გამო მე ვიქეცი საკუთარ მესაფლავედ“ – ფიქრობდა ხეჭეჭურის გვერდით გათხრილ ორმოში მყოფი დათა. როცა ცოლის ხმა მიქელ-გაბრიელის ხმად ჩაესმა, შეკრთა.

გახვითქულ ქმარს დაჰყურებდა სონა და თვალებს არ უჯერებდა.

– რა დღეში ყოფილხარ შენა, თურმე... ნეტა მოვკვდე და არ ვიყო ცოცხალი!

დათა ოფლს იწმენდდა, ხან ცოლს ახედავდა, ხან – ხეჭეჭურის გალოპრილ ტოტებში კალმახით გახლართულ მთვარეს. მცირე ხნის შემდეგ ორმოს კუთხეში საფეხურებად დალაგებულ ბელტებზე ამობობდა და სონას შეხედა.

– მითვალთვალებდი არა?

სონამ თავი გააქნია, ცრემლები მოინმინდა და სახლისკენ გაბრუნდა.

●

რაღაც უცნაური ხმები ჩაესმოდა. ეს არც ტურების ჩხავილს ჰგავდა, არც ჭოტის კივილს, არც ფშანებიდან ამოქროლილ ქარს, არც ძილგამფრთხალი ძაღლების ყეფა-ყავყავს. სხვანაირი ხმა იყო და ხვდებოდა დათა, რო მის სახლთან ახლოს იყო სიკვდილი.

წამოდგა, გათენებას აღარაფერი უკლდა, ცაზე მირკანის დილა იფოთქებოდა. სონამ დათას წამოდგომა გაიგო.

– სად მიხვალ, ადამიანო? – ნამძინარევი, მიკნავლებული ხმით ჰკითხა.

– მოვალ ეხლავე, – თქვა დათამ, ბუშლატა ჩაიცვა, უხმაუროდ გავიდა ოთახიდან.

ჯერ ახალი გათენებული იყო, როცა ხალათიანი სონა თავზე დაადგა ეკლიანი მავთულების ღობის ძირში ჩამუხლულ ქმარს. თავიდან ეგონა, მეჩვენებო, მაგრამ ახლოს რო მივიდა, ფეხები ლამის მოეკვება.

– რა გიქნია, კაცო, ეს რა გიქნია?!

დათას გასისხლიანებულ, დაკოჭრილ ხელებში ფარდულში ნაპოვნი ძველისძველი რკინის საჭრელი ეპყრა და ცოლს უდიმოდა.

– ვისაც უნდა შემოვიდეს ეხლა!

●

წივილ-კივილი არ დაიწყო. მოსახდენი უნდა მოხდეს, ვილაცას შეიძლება უბედური ვეგონო, მაგრამ არ არი ეგრე... ისე მივდივარ, რო არაფერი დამიკარგავს.

სონა მომაკვდავ ქმარს თავზე ადგა, ცრემლები ჩამოსდიოდა და ვერაფრით იჯერებდა, რო მის დათას დათვლილი ჰქონდა საამქვეყნო წუთები.

ფართხალებდა ბერიკაცის სული, თავისუფლება უნდოდა...

21 მირკანი,  
2021 წელი  
დიცი

## ალექსანდრე კაკიაშვილი



### ჯაზი და ცობაოდენი ვისაი

1898 წელი...

ამერიკა...

აფრიკელი მონების მიგრაციის ფაზა პიკს იყო მომდგარი. გაუსაძლის ცხოვრებას, მონათმფლობელურ წეს-ჩვეულებებს თუ უბრალოდ თავისუფლებისთვის გამოქცეულ, სიცოცხლის რისკით გადარჩენილ შავკანიან აფრიკელეთა „მექა“ სწორედ რომ ქალაქი ნიუ-ორლეანი გახლდათ. სიცრუე იქნება თუკი გეტყვით, რომ ამერიკელ თეთრკანიანთა გულები იმ დროისთვის აღსავსე გახლდათ ჰუმანურობის მთელი დიდებულებით. ხშირად მათი მხრიდან გამუდმებული დაცინვის, ზნეობრივი თუ ფიზიკური გარიყვის ობიექტად მიიჩნეოდნენ, მხოლოდ კანის ფერით განსხვავებული და მუდამდღე სიდუხჭირეში მყოფი ღვთის შვილნი.

ამიტომ ამ დროისთვის ქ. ნიუ-ორლეანში გაჩნდა აფრიკული დასახლება, სახელად „სტორვილი“.

სწორედ აქ, ამ დასახლებაში იშვა ყოველწლიური „მადრიგრას ფესტივალი“. საღამოობით შეკრებილნი წარმოუდგენელ სანახაობას აწყობდნენ, საოცარი ჰანგების ფონზე, მთელი დღის დარდს სახელდახელოდ დანთებულ კოცონთან ჯაზის ღვთიური ჟღერადობით

იქარვებდნენ...

რატომ „ჯაზი“?

კარგი, გეტყვით... სტორვილის უბანში მცხოვრები აფრიკელები უბადლო მუსიკალური ნიჭით დაჯილდოვებულნი გახლდათ. უსამშობლოდ, ულუკმაპუროდ დარჩენილთ ორადორი არჩევანი ჰქონდათ: ან ისევ თეთრკანიანთა მონად სიკვდილს უქადდათ ბედი, ან ნიუ-ორლეანის საროსკიპოში მუსიკოსად მუშაობას. ასე რომ, მათი უმეტესობა საროსკიპოს კედლებში აჟღერებდა ზეციდან ნაბოძებ ღვთიურ ჰანგებს. მაშინ ყველა მეძავი ჟასმინის სუნამოს იპყურებდა, რათა ერთგულ სტუმართა ლიბიდო შეხებამდე აღეგზნოთ და, ვნების ქარცეცხლში გახვეულთ, ნეტარებით გული ეჯერეთ.

არ შეიძლებოდა, საროსკიპოს სიახლოვეს არ ჩაგველოთ და იქიდან ჟასმინის სურნელით გაჯერებულ მუსიკას, ანუ ჟაზს თქვენი გონება არ დაებინდა. აი, აქედან იშვა ამ არამინიერ ჰანგთა სახელწოდება – „ჯაზი“.

სტორვილის დასახლებაში კი ყოველდღიურად ეწყობოდა სტუმართა გასართობი საღამოები... უკრავდნენ ამ ყველასთვის საყვარელ, სახალხოდ ქცეულ, უამბიციო, თავისუფლებისკენ

მსწრაფ მუსიკას და, სიდუხჭირის მიუხედავად, ბედნიერობდნენ...

სულ მალე თავისუფლების დაუოკებელი წყურვილით განმსჭვალულმა, ჯაზის საოცარმა ჟღერადობამ და სტილიმა ქალაქ ნიუ-ორლეანის საზღვრები გაარღვია და მთელი სამყარო მოიცვა. უკვე ყველა ბისტროსა თუ ბარში შეგედლოთ ამ საოცარი ჰანგებით ტკბობა, მაგრამ სტორვილის „მადრიგრას ფესტივალი“ უდავოდ დედამიწაზე აღმოცენებული პანანინა სამოთხე გახლდათ...

თუკი გსურდათ, რომ სამოთხის მთელი სისპეტაკე შეგეგრძნოთ, აუცილებლად ამ ფესტივალს უნდა სწვევოდით... უბნის ყველა კუთხე-კუნჭულში, კოცონთან შეკრებლებილთ, ვისკის ტონებით, ჟასმინის სურნელით გაჯერებული ჯაზის მაცოცხლებელ მელოდიას თქვენი სულის თავისუფლებისკენ აღმაფრენა შეეძლო.

ამ ამბავმა ცაზე გავარდნილი მეხივით იქუხა ნიუ-იორკის ბარებში და რის სისხლჩაქროლებული იანკი ვიქნებოდი, რომ ნიუ-ორლეანში, სტორვილის დასახლებაში, „მადრიგრას ფესტივალს“ არ ვწვეოდი...

უმალვე გავეშურე. ქალაქში ჩასულმა სულ რაღაც რვა დოლარად მოკრძალებული სასტუმრო შევარჩიე, ისიც იმიტომ, რომ სასტუმროს დიადმა მუპატრონემ ამკარად არ უნყოდა, რაში მდგომარეობდა დამლაგებლის არსი! ოთახში შესვლისთანავე, მოკლე ექსკურსის შემდგომ, რომელიც სააბაზანოსა და ტუალეტის ლაბირინთულ გზამკვლევს მოიცავდა, ცოცხი და აქანდაზი შემაჩერა.

– ძვირფასო, თუ სუფთად ნოლა გსურს, შეგიძლია საკუთარი სიმარჯვის იმედად დარჩე...

სხვა რა გზა მქონდა, ოთახის დალაგებას უღიმღამოდ შევუდექი, მტვრის ოდენებობა ისეთი გახლდათ, თვით ფარაონს გაუჩნდებოდა სურვილი, საუკუნო სამყოფლისთვის პირამიდის აღ-

მართვა ებრძანებინა. როგორც იქნა, დავასრულე ბრძოლა და მტვრით სავსე ვარცლი სასტუმროს მუპატრონეს, აქანდაზის და ცოცხის თანხლებით, ცერემონიულად, მთელი ზარ-ზეიმით გადავულოცე.

უკვე საღამო ახლოვდებოდა და გეზი სტორვილის უბნისკენ ავიღე. გზადაგზა უცნაური შეგრძნება მეუფლებოდა. სული რატომღაც არაამქვეყნიურის მოლოდინში ნაბიჯ-ნაბიჯ ბედნიერების უხილავი ტონებით იმოსებოდა. საოცარ სიმსუბუქეს ვგრძნობდი, აი, ისეთს, ზამთარში, დილაუთენია, თბილი ოთახიდან გამოსულს ხარბად ჩასუნთქული ყინვით გაჯერებული ჰაერი ფილტვებს რომ შეგიჭირხლავს და სხეულს ერთიანად აგიცახცახებს...

რაც უფრო ვუახლოვდებოდი, მით უფრო მკვეთრად ისმოდა დაუვინყარი ჰანგები... ვხვდებოდი, რომ ჩემი შინაგანი მე სხეულიდან გამოსვლას ლამობდა და, თავისუფლების უშრეტი წყურვილით შეპყრობილი, მზად იყო, ამ ღამით გალილეოს კოცონზე სწვეოდა!

თვალთუნახავი სანახაობა გადამლილიყო ირგვლივ. უკლებლივ ყველა – ქალი თუ ბავშვი – მხიარულებას მისცემოდა... გეგონებოდათ, არც ერთ მათგანს ამქვეყნად, ბედნიერების გარდა, არა დარჩენოდა რა... ცეკვავენ, ხალისობდნენ – ფუშფუშა, უცნაური კაბებით, თავზე საბურველმოსხმულნი, შუბლზე ნაკოჭები ბოლოებით და ირგვლივ ყოველივეს ბედნიერების სპეტაკ სხივს ჰფენდნენ. მამაკაცები ჯგუფ-ჯგუფად, შორი-შორს მდგარნი, კოცონთან საოცარ მელოდიას უკრავდნენ, ჟასმინის სურნელითა და ვისკის ტონებით დაბინდულ გონებას მხოლოდ საროსკიპოს სარეცელს მიწოლა და სიძვის მორევში ვნებალრეული გადამკვებალა ეწადა...

იქვე, ერთ-ერთ კოცონთან შევჩერდი, ადგილიც დავისაკუთრე, ვისკის ბოთლი მოვიმარჯვე და თავი გან-

ცხრომას მივეცი... საოცარი ოსტატობით უკრავდნენ და მღეროდნენ ღვთიურ ჰანგებს...

ახლაც გუშინდელი დღესავით ჩამესმის იმ ღამის ჯადოსნური სიმღერა: „The Whole World Smile's With You“.

მონუსხული ვიჯექი და ერთადერთი, რაზეც მეფიქრებოდა და მენანებოდა, ჩემი უქმად გაფლანგული ცხოვრება გახლდათ. მაშინ მივხვდი, რომ ამ საუცხოო ჰანგების გარეშე ჩემი ყოველდღიურობა უბრალოდ მოსაწყენი მოცემულობა იყო, ლოგიკურ დასასრულამდე, სამოთხის ჯერ შეუცნობელი ტკბილხმინანობის გარეშე განვლილი... გული მწყდებოდა და თეთრი შურითაც კი მშურდა იმ მესაყვირის, იმ საქსაფონისტის, ასე აღტკინებით, ასე ამადლევებლად და ასე ოსტატურად ზეცამდე რომ ადიდებულბდნენ ღვთიურ მელოდias. სამყარო ჯერ არნახული შეგრძნებებით ივსებოდა და ზეციდან – ცამდე, ციდან – მიწამდე, მიწიდან – სხეულში თავისუფლების ჩირაღდნად მიგიზგიზდებოდა...

– ჰაი! – დამისხამ?

იმდენად გართული ვიყავი ამ ნეტარებით, რომ გვერდით მჯდომი შავკანიანი გოგონას ხმამ შემაცბუნა. თანხმობის ნიშნად გავუღიმე და ვისკით ჭიქა შევუვსე.

– მოგნონს?

– დიდებულია! ღვთიური!

რიჟრაჟმა ისე მოიწია, ვერც კი გავიგე. იმდენად აღტკინებული გახლდით ამ დიდებული ფესტივალისგან ბოძებული შეგრძნებათა სიუხვით... ნელ-ნელა ხალხი იშლებოდა, მთელი ღამის ნათენები, ბედნიერებით განმსჭვალული, ცხოვრების რუტინისკენ მსწრაფი, სახლებისკენ ეშურებოდნენ. მეც ავდექი და ჩემი რვა დოლარიანი „აპარტამენტისკენ“ ავიღე გეზი.

– გაგაცილო?

– შეენ?

გამეღიმა, ახალგაზრდა სიცოცხ-

ლით სავსე იანკს გაცილებას შავკანიანი, უსაზღვროდ ღამაში მანდილოსანი მთავაზობდა...

– დიახ, მე.

– მგონი მჭირდება, გზად რომ რაიმე შარს გადავეყარო. შენ შემხედვარეს, ყველას შეეშინდება და გვარიან ცემისა ც გადავურჩები.

– სწორედაც, რომ შეეშინდებათ ანდა, მოკლედ... თუ განუხებ, მე წავედი...

– მოიცადე, კარგი გამაცილე, ოღონდ ერთი პირობით.

– ქორწილამდე არ გააკოცებ!

თავი ვერ შევიკავე და გულიანად გადავიხარხარე...

– რა გაცინებს? უშნო ვარ?

– არა, პირიქით.

– აბა? ააა, ფიქრობ, რომ ჩემს შავკანს თეთრი საპატარძლო კაბა არ მოუხდება? ოხ, შე რასისტო!!!

– მოუხდება... უბრალოდ.

– უბრალოდ, თავისუფლება გირჩევენია.

– მართალი ხარ...

– ისე, მგონია, რომ მარტოობასა და თავისუფლებას შორის განსხვება არ არსებობს, ორივე გამოუვალი მოცემულობით გადადგმული ის ნაბიჯია, რომლის გამოც მზად ხარ, საკუთარი სიცოცხლეც კი გაილო. აი, მაგალითად: მარტოობა ავილოთ... თუკი მარტოობისთვის იღვნი, მაშინ გაცნობიერებული გაქვს, რომ ადამიანთა სიახლოვე მხოლოდ ტკივილს გაყენებს, ამიტომ მზად ხარ, რომ ყველაფერი გაილო, რათა ამ ტკივილისგან თავი დააღწიო... და თუკი თავისუფლებისკენ იღვნი, მაშინ ყველას და ყველაფრის მიმართ დაუოკებელი პროტესტის განცდით იმსჭვალები, ვინც ან რაც შენ მიერ, შენივე წარმოსახვაში შეთხზულ სტერეოტიპებს ეწინააღმდეგება, ამის გამო კი მზად ხარ, ყველას და ყველაფერს ეომო, რათა სასურველ სანადელს – თავისუფლებას მიაღწიო, მაგრამ არ

მგონია, რომ იცოდე, რას ნიშნავს იყო თავისუფალი.

– იქნებ მითხრა?

– აი, ხომ გითხარი გაგაცილებ-მეთქი, ესე იგი ვიცოდი, რომ გჭირდებოდა. კარგი გეტყვი: თავისუფლება არა ვინმესგან ან რამისგან თავის დაღწევის სურვილია, არამედ ბრძოლა საკუთარ შინაგან სამყაროსთან. თავისუფალი მხოლოდ მაშინ ხარ, როდესაც საკუთარ თავზე უფლებას ჰპოვებ, შეიმეცნებ და მოუსმენ საკუთარი სულის სიმცირეს, მასზე კონტროლს ისწავლი და თავს ნებას მისცემ, საკუთრივი ბედნიერებისკენ დაუღალავად იბრძოლო. აი, ესაა თავისუფლება და არა როგორც მამას ჰგონია – ბამბის პლანტაციებიდან უკანმოუხედავად გაქცევა...

– უცნაური გოგონა ხარ, ჭკვიანი და....

– და ჩემი კანის ფერის გათვალისწინებით, ეს სიჭკვიანე უცნაურად მოგეჩვენა.

– აი, ახლა შენ ხარ რასისტი!

– კარგი. გავჩუმდი.

– ჯაზზე მიაძებე.

– ააა, თქვენ მას ჯაზს ეძახით, ჩვენთვის კი ღვთის ის საჩუქარია, რომელიც ჩვენში იშვა და ყოველდღიურობით განამებულ სულს მალამოდ გვედება. მასშია ახსნილი და გადმოცემული ჩვენი ერის ტკივილი და ბედნიერება... თქვენ კი უბრალოდ ჯაზი შეარქვით. იცი, რომ ეს ღმერთის სიმღერაა? ჩვენი პასტორი ამბობს, რომ, თუ ქადაგების სასრულს ჯაზის მელოდით სულ არ გაიჯერებ, სამოთხის ტკბილხმოვანობას ვერასოდეს შეისმენო...

აი, როცა ბავშვი იბადება, ჯაზს ვმღერით; თუ ქორწილია, ჯაზს ვმღერით; მაშინაც კი ჯაზს ვმღერით, როცა ამ ქვეყნად ადამიანი მიიცვლება...

– გინდა თქვა, რომ დაკრძალვაზეც?

– კი. რა იყო?

– რატომ?

– როდესაც ადამიანი კვდება და სუ-

ლი სხეულს ტოვებს, მაშინ საუფლოს გამგზავრებულ სულს ჯაზის ჰანგებით ვაცილებთ, რათა სამოთხის ტკბილხმოვანება სულის სამშვენისად იქცეს, ადგილი დაიმკვიდროს უფლის ნიაღში და სამოთხის შუაგულში, ბამბის პლანტაციის შუაგულში, კვლავ ჯაზის საოცარი ჰანგი ესმოდეს...

მგონი, მოვედით... აი, შენი სასტუმროც... ნახვამდის უცნობო...

– ნახვამდის.

დიდხანს გამეხებულები და გარინდული ვუყურებდი ამ შავკანიანი ანგელოსის ნაბიჯთა სიშორეს...

ახლა უკვე ვიცი, რაც არ უნდა მოხდეს ცხოვრებაში, არასოდეს ჩემი მეხსიერებიდან არ ამოვა ეს დღე...

ამ ღამით პირველად ვეზიარე ჯაზის მთელ სიდიადეს და ალიონს კი, ანგელოსის ფრთის ქვეშ მადლმოსილმა, რვა დოლარიან სასტუმრომდე მოვალნიე...

იციტ რა მინდა?... ბევრი არაფერი...

მაშინ, როცა მივიცვლები

მოუსმინეთ ჯაზს,

ვისკის ბოთლით შეზარხომდით

და უცქირეთ ცას,

თუ კი ჟსამინს, სურნელოვანს

გამოატანთ ქარს

მაშინ, სადღაც სამოთხეში

მეც მოვუსმენ ჯაზს....

## Bohémiens

– ჰე, ჰეიიიი!!! ბიჭებოო!!!! ჰე, ჰე-იიიიიი!!!! ქალაქს ბოშათა ბანაკი მოსდგომია!!! ჰე, ჰეიიიიიი!!!! ორთაქალის ბაღში გაჩერებულან და კარავი დაუდგამთ!!!!

– რას გაჰყვირი ამ დილაუთენია, შე უდღეურო!!!

– კარავი, დეიდა ნატოო, კარავი, სულ ფაფარდანიული ცხენებით და ფერად-ფერადი კაბებით გადაუგსიათ ორთაქალის ბაღები...

– რას იძახი, ამბაკო?!  
– მერმე? რაო? რა უთქვამს ქალაქის თავსა?

– რაო და ტიფლისის კიდევ უხეირონი აკლდა და ეგენიც მოგვდგომიანო!

– ჰეიიი!!! ბიჭებოო!!! ჩქარა, ჩქარა, ყველანი წამოდით!!! ჰეიი... ცისფერთვალისაო ძილისგუდავ, შენ რა? კიდევ გძინავს?! ჩქარა, ჩქარა გამომყევ, ისეთი ულაყები უნდა გაჩვენო, ჩემმა მზემ, თვით ქარვასლის სოვდაგრებსაც კი თვალეები დაურჩეთ...

– დამელოდე, ამბაკო!

– ღმერთმა მაგ თვალეების მაგივრად კიდევ ორი ფეხი რად არ გარგუნა? მარდად მაინც ირბენდი ცისფერთვალისაო...

ჟივილ-ხივილით და ჟრიაშულით დავუყევით ქვაფენილს, გეზი ორთაჭალის ბალისკენ ავიღეთ. გზადაგზა, ამბაკოს აყოლილნი, ქუჩა-ქუჩა, უბან-უბან, დილის მაცნეებივით, ყველას ვუამბობდით, ქალაქს მომდგარი ბოშათა ბანაკის ამბავს... ასე, ერთ მუჭად შეკრული უსაქმურთა ამალით მივუყვებოდით მტკვრის სანაპიროს, სარდლად კი, წვივებამდე აკაპინებული შარვლით, ქალამანგამოხეული ამბაკო მიგვიძლოდა.

დიდი ოინბაზი იყო ჩვენი ამბაკო. არ ვიცი, საიდან, როგორ, მაგრამ პირველად ახალი ამბავი სწორედ რომ მისგან უნდა მოგესმინა. ჩვეული სიშლეგით ჩამოურბენდა ხოლმე უბანს და ცნობის ფურცლებად აგვიფრიალებდა ცხელცხელ ამბებს...

ამბობდნენ, ამბაკო ქურთი იყოო, მაგრამ ეგ რომ მისთვის გეთქვათ, რიგინად მოგაძახებდათ:

– ბემურაზოო! ჩემი მამაი, იმის მამაი, იმის, იმის მამაი და კიდევ სამი იმის მერე მამაი ტიფლისელები იყვნენ!

მერე გულმოსული, კოპებშეკრული განმარტოვდებოდა და სანამ ძმობის ფიცს არ დაჰპირდებოდი, არას დიდებით არ მოგხედავდა. როგორც კი ძმადნაფიცად შეიყრებოდი, ამბაკოს

თვალს ცრემლი მოადგებოდა, გული-ანად გაგილიმებდა და ისე ჩაგეხუტებოდა ატირებული – „ჩემო ძმობილოს“ ძახილით, რომ, მერნმუნე, შენც კარგა გვარიან ქვითინს მოგვგრიდა...

მარტო ბიჭი იყო ამბაკო, უპოვარი, უგვარიშვილო და ობოლი... არა ებადა რა, გარდა კეთილი გულისა და იმ ძირგავარდნილი ქალამნისა. უბან-უბან დაძრნოდა, ლუკმაპურისთვის ხან რომელ უსტაბაშს ეხმარებოდა და, ხანაც რომელსა; სისხამ დილას, ტოროლასავით ალიონზე აფრენილი, ხოლმე მტკვრის ნაპირს დაუყვებოდა და მეზადურებს საზიდრის ზიდვაში ეხმარებოდა.

ზოგი თევზსა სჩუქნიდა, ზოგი – გროშსა, მერმე ხაბაზ ფრიდონიკას სათონიდან პურს გამოსძალავდა და არხეინად გეახლებოდათ. ძმაბიჭობაში ტოლი არა ჰყამდა. კაი მუშტი-კრივიც იცოდა და ბოლოს მომრიგებლობაც გამოსდიოდა... უბრად არ დაგირჩებოდა არას გზით და რა უნდა მომხდარიყო, ამბაკოს ძმადნაფიცობის გარდაუვალობას ასცდენოდი...

ასეთი იყო ჩვენი ამბაკო... ჩემი ძმადნაფიცი! ქურთის ბიჭი ამბაკო, რომელსაც ჩემი სახელი ვერ დაემასხოვრებინა და სულ ცისფერთვალას მეძახდა...

როგორც იქნა, მივალწიეთ ორთაჭალის ბალებს დაა...

მაშინ პირველად აღვიქვი, თუ რას ნიშნავდა ბედნიერება და ამ ბედნიერებით გამოწვეული გაზაფხული!

ირგვლივ ნაირ-ნაირი ფერით შეფერილი კაბებით გაზაფხულობდნენ ქალები... თითქოსდა ამ მწვანე მოლზე ყვავილებად აღმოცენებულიყვნენ და მზეს გულლიაობით სხივსა ჰპარავდნენ. კაცნი? – მეტად ფრანციცულად ჩაცმულნი გახლდნენ და საოცარად, გრაციოზულად ეპყრობოდნენ თავიანთ მანდილოსნებს. წარმოუდგენლად დიდებული სანახაობა გადაშლილიყო ჩემ თვალწინ. არემარე თავდავინყებულ



მხიარულებას მისცემოდა... კაცნი ოსტატურად უკრავდნენ გიტარაზე, აი, თითქოსდა მათ მოუგონიათ ეს საკრავიო, უზადოდ ფლობდნენ და იმდაგვარი ეშხით მღერდნენ ბოშურ სიმღერებს, რომ თვით იეთიმსაც შეშურდებოდა...

მღერას აყოლილი ქალი თუ ბავშვი საცეკვაოდ შეკრებილიყო.

მე ეგეთი კინტოური არსად მენახა... ამ ყვავილების ველზედ აყვავებულთ, ცეკვა-ცეკვითა და კაბის შრიალ-ფრიალით გახელებულთ, აშკარა იყო, რომ არა ადარდებდათ რა.

მათ გარშემო კი აურაცხელ ცნობისმოყვარეთა ჯარად შეკრული ტიფლისელები გარს ერტყათ და გაცეკვულნი შესცქეროდნენ ამ თავისუფალი შეგრძნებების მიწად დიდებულებას...

აქა-იქ მაინც გაიგონებდით ქართველ დედაკაცთა ქილიკს...

– ნახე, ქააა, რარიგ ურცხვობენ?!  
– დაიქცა შენი ქალობა!

– ნელა აიქნიე ეგ კაბაი, ეგრემც უნებურად ბაღჩა არ გამოგიჩნდებოდეს და არა ვჩივი რაღა.

– უიი ქააა... ნახე, ნახეეე როგორ ქაჩამენ პაპიროსსა...

– შეგირცხვით ვაჟობა, ეგრემც ყველას თვალნი ქალსა რარიგ ატანცავებთ.

აბა, კაცნი რას იტყოდნენ?! წვერულვამის წვალებით გართულნი შესცქეროდნენ და ერთი ფიქრილა ჰქონდათ. იქნებ და ისე აფრიალებოდათ კაბა, რომ მუხლს სითეთრე დასტყობოდათ... მხოლოდ ჩვენი ტაკიმასხარა, გულგახელებული კინტო თუ შეუვარდებოდა კინტოურის ცეკვა-ცეკვით და იმ მწვანე მოლზე მოცეკვავე ყვავილთა შორის, უნიათოდ მხოხავ ხოჭოსა ჰგამდა...

ჩემი ყურადღება ამ ყვავილნარში ერთმა ახლად გაგოკრილმა ვარდმა მიიპყრო... გამჩენს ვფიცამ... ვერ აგისნით მის სილამაზესა. თვით თავადის ქალ მარიამსაც კი სჯაბნიდა სილამა-

ზითა. გრძელი, ხვეული და უბურველი დალალეები უმშვენებდა ხორცისფერ მხრებს, თვალნი? – თვალნი მისნი ზარხომისგან გაავებულ სიშლეგეს გფენდა სულში და მზად იყავ, თუნდაც უკანასკნელი მუხამბაზი გემღერა შაითნებთან... ტანი? – სააღდგომოდ მეტეხს ჩამოსხმულ კელებტარსა ჰგამდა, სინატიფით და მოხდენილობით რომ გიხელებდა ფიქრსა და ოცნებებით მტკვრის პირს ღამ-ღამობით ტივზე ფიალით ხელში ლოცვას გათქმევინებდა...

მყისვე დამატყვევა მისმა სილამაზემ და მისთვის მლოცველ ქადაგად მაქცია. დღე არ გავიდოდა, რომ ჩემი დილის ნამით დაცვარული, ახლად აკოკრებული ვარდისკენ თავქუდმოგლეჯილი არ გავქცეულიყავ, იმის იმედად, რომ თვალი მაინც მომეკრა...

ერთ დილას, უთენია, აი, როცა მზის ახლად ამონვერილი შარავანდედი დედამინას კოცნად სხივებს უძღვნიდა, ჩვეულად დავუყევე ფილაქანს ორთაჭალის ბალისკენ...

როგორც კი მივუახლოვდი, იქვე, ხეს მივეყრდენ და ველოდი, ჩემი ქორფა კოკორი როდის ამიყვავილებდებოდა და სულში როდის იგაზაფხულებდა...

ჩვეული რიტმით მიედინებოდა ყოველივე – კაცნი თავიანთ ცხენებს კაზმავდნენ, ქალნი კი სარეცხს ვარცლში ჰყრიდნენ, რომ მტკვრის პირს ერეცხნათ, ამ ვარცლებს სახელდახელოდ უმაგრებდნენ ცხენებს და შემკული საპალნით მიეშურებოდნენ ხოლმე დილაობით მტკვრის პირას...

კარვად კი უხუცესნი, ბავშვები და ერთი-ორი ახალგაზრდა ქალილა თუ დარჩებოდა, ისინიც იმიტომ, რომ ბავშვებისთვის მიეხედნათ. აბა, უხუცესთ რაღა მიხედვის თავი ჰქონდათ? გამუდმებით ბანქოს ჩასჩერებოდნენ და ყალიონსაც გვარიანად აბოლებდნენ...

ბავშვების ჟრიაშულით გაივსო ორთაჭალის ბაღი, სიცელქით და ბავშვური ხალისით აღსავსენი, ციბრუტივით

დახტოდნენ და ათასგვარ რამეს თამაშობდნენ, მათ კი თვალს ჩემი დილის ნამი და ჩემი ვარდად აკოკრილი ქალი ადევნებდა...

ქალიო... ისე ვიძახი, თითქოსდა მეც დარბაისელი კაცი ვიყავ... ისიც ჩემსავით ახალგაზრდა გახლდათ, სადღაც, არ მეტი, არც ნაკლები – ჩვიდმეტი წლის თუ იქნებოდა...

რადგან სახელი არ ვიცოდი, რა უნდა მექნა? ისევ ამბაკოს ნასწავლ ხერხს მივმართე, გამახსენდა, რომ მეუბნებოდა:

– ჰეი ბემურაზო, მაგას რა უნდა ცისფერთვალა? ჩაუსტვინე და მოვაო...

თითქოსდა ქალზე კი არა, არაბულ ბედაურზედ ამბობდა, მაგრამ რალა მექნა? მეც ავდექ და ჩავუსტვინე... არადა, რა უწყოდა ამბაკომ, რომ ჩვენს სტუმართ ქართულიც სცოდნიათ....

ქალმა აღმაცერად გამომხედა, მერმე პირი ჩემკენ იბრუნა და კის-კის-კისკისით ჩემ წინაშე ვარდად გაიფურჩქნა... აი, მაშინ ვინანე, ნეტავ არ დამეძახნა, არ მოსულიყო და არ შეეცხებულებოდა ერთ ალაგს. მონუსხულმა ძლივსლა ამოვილულე...

– დილა მშვიდობისა.

– შენ მშვიდობისა. რა გინდა, ლამაზი ბიჭო?

– იცი? ძალიან მომწონხარ. როგორც კი ტიფლისს მოაშურეთ, მაშინვე თქვენკენ გამოვეშურე... აი, ჩემმა მზემ, მას მერე ყოველ ალიონს შენ გელი... დღესა კიდენა დაგიმარტოხელე და საბაასოდაც გიხმე.

– ლამაზი ბიჭო, შენ გული ცეცხლია?

– ცეცხლი კი არაა, მადათოვზე დანთებულ კოცონად მექეც, ჩემო კოკორო.

– შენი ლამაზი თვალები ბიჭო, სახელი რა არი?

– შენთვის ყველაფერიც მქვიან, აი, რაც შენს გულს გაუხარდება.

– მაშინ შენ ჩემი ჰანზი იქნება?

– ხო, იქნება... იქნება... და... ჰანზი? რას ნიშნავს?

– ჰანზი... ჩვენი ღმერთი კეთილიო.

– შენ? შენ რა გქვიან?

– რუზანა... აი, შენი ენა ლამაზი გოგო.

– მართლაც, რომ სახელიც შესაფერისი გრქმევია...

– მე უნდა წავიდე ჰანზი. ბავშვები მარტო არის. მოდი კიდევ, მე აქ არის ჰანზი...

– უსიკვდილოდ. ყოველ ალიონს გენვევი და ჩვეულად, ამ დროს, ამ ხესთან დაგელოდები...

– ჰანზიი.

– რაო ყვავილო?

– შენი თვალები, ჩემი ცა გაქვს ჰანზიი?

– ჰო... მაქვს... მაქვს.

ისევ ისე, ჩვეული უდარდებლობით და კისკისით გარბოდა ჩემი კოკორ-ვარდი ჩემგან. გულანთებული და გრძნობით შეფერილი გავიქეცე შინისკენ. მთელი დღე ისე შემომალამდა, რომ, ფიქრს მიცემულმა, ვერა გავიგე რა. მთელი ღამე რუზანაზე ფიქრში განვლე. რა არ წარმოვიდგინე, რა არ ვიოცნებე, ფიქრები გავახელე, გრძნობად ავალეღვე, გულს ვნება მივგვარე და სიმღერად ავამღერე...

ყოველ დღე რუზანასთან ერთად ვატარებდი, ამბაკო სულ მენუნუნებოდა:

– ძმა-ბიჭები აღარა გინდა, არაა?! სულ ორთაჭალას მირბიხარ და შენს რუზანას დასდემ თოხარიკი ცხენითა. ფრთხილად, ბიჭო, ემანდ შენც ფრანციცულად არ ჩაგაცვას რუზანამა და გიტარაზე მღერა არ დაგანყებინოს, რალა...

ბოლოს ხელს ჩაიქნევადა, ერთს მომაცხებდა: შააყარე კედელს ცერცვიო და თავს მანებებდა, მე კი კვლავ რუზანასთან გავრბოდი და მთელი დღე სიხარულსა და უშრეტ ბედნიერებაში იძირებოდა ჩემი სხეული...

ასე, ნელ-ნელა, ორთაჭალის ბალ-

ში ირწეოდა ჩვენი სიყვარულის აკვანი. გრძნობებს შეგრძნებები ამშვენებდა და სულიც სხეულში მარადიულად გაზაფხულობდა, თუმცა მარადიული მხოლოდ ღმერთი ყოფილა ამ დუნიანზე...

შემოდგომის სასრულს დილით კვლავ ამბაკოს ხმამ გააბრუა მთელი უბანი.

– ჰე, ჰეიიიი!!! ჰეი, ბიჭებოოო!!! ბოშებს კარავი აუყრიათ და ქალაქს გაშორებულაან. ჰეიიიიიი!!! ცისფერთვალააა!!! რა ძილქუშმა გყო პირი?! ადექ, გაიღვიძე ბიჭოოო!!!! ადექ, შენი რუზანა გაგშორებიააა!!!

გველნაკბენივით წამოვხტი საწოლიდან, თითქოსდა ჩემი სიცოცხლე იმ წამს უკანასკნელ წუთს ასრულებდა ამ ცხოვრების ციფერბლატზე და საუკუნო კვდომას მიქადდა. ვკარგავდი იმ საწუკვარ ბედნიერებას, რასაც სახელად რუზანა ერქვა. შეშლილივით გამოვვარდი ქუჩაში და ამბაკოს ავედეგნე.

– ჩქარააა, ჩქარაა, იქნებ მიუსწრო მცხეთასა. ბიჭოოოო, მარდად! მარდად! მეფაიტონე ანდროსა ვთხოვონ, რომ ცხენი შეჰკაზმოს. შენ აქ დამიდექ! ჰეიიიიი მდევარიიი!!!! მდევარი ჩქარააა!!!

არც მეფაიტონე ანდროს დაუზოგავს ძალა, გამეტებით ურტყამდა მათრახსა ხათრით მორბენალ ფაშატს, მაგრამ ვერას გზით ვერ დავენიეთ ბოშათა ბანაკს...

ქალაქს რომ მოვბრუნდით, უნებურად, ორთაჭალას გავეშურე. გულს ტკივილი ლოდზე ლოდად ემატებოდა და გრძნობაწართმეულ გულისფიცარს შეუპოვრობით მიმტვრევდა... იქვე, ჩვენს ჩვეულ ალაგს, ხის ძირში ჩავჯექ და მდუმარებას მივეცი...

ვისხენებდი გარდასულ დღეთა სიდიადეს, უმანკოებით აღსავსე მწვანე

მოლზე როგორ მედიდურად დიდებულობდა ორთაჭალის ბალის უმშვენირესი კოკორი... ამ ფიქრსა და გოდებაში მყოფს ნაცნობი ხმა მესმა:

– შენი თვალები, ჩემი ცა გაქვს ჰანზიი?

– რუზანააა!

ყველა გრძნობა, შეგრძნება ერთურთ ვიხმე გულში და გახარებული წამოვვარდი ფეხზე. რუზანას მივვარდი, მკლავებში მოვიქციე და მთელი სახე, ხელები ბედნიერებით აღვსილმა დავუკოცნე.

– შენ?! შენ არ ნაჰყევ?!

– ჰანზეე, ლამაზი ბიჭო... ჩემი ცა, შენ ვერ დატოვა ბიჭო.

მეორე დღეს მეტეხს მივაშურეთ, დეიდა ნატო რუზანას ნათლია გახდა და ჩემი ძმადნაფიცი ამბაკო კი – ჩემი მეჯვარე...

აი, ასე შევეუღლდი ორთაჭალის ბალის თვალწარმტაც კოკორზე...

დრო გადიოდა, სიყვარული დღით დღე გვემატებოდა და მთელ ქალაქს ამბად დადიოდა ტიფლისელი ჰანზესი და ბოშა ქალის, რუზანას სიყვარულის ამბავი...

მას მერმე არც ერთხელ არ გამოჩენილა ჩვენს ქალაქში ბოშათა ბანაკი. რუზანა ამაზე მუდამ წუხდა ხოლმე და გულისწყრომით, ჩემს მხარზედ თავმოყრდნობილი, მხოლოდ ბოშურ სიმღერად თუ დაამღერებდა საღამოხანს...

ახლა დროა ეს ამბავიც

დასასრულად ვაქციოთ

სიყვარულის აკვანში კი

ბოშა ქალი ვარწიოთ....

– ჰე.... ჰეიიიიიი!!!! ჰე, ჰეიიიი!!!! ჰამზეეეე!!!! რუზანაააა!!!! ქალაქსა ბოშათა ბანაკი მოადგა!!!!

– დამიცა ამბაკო!!!!

– ჰამზე ბიჭო... შენა მე ბებერი არის... დამიცათ ბიჭებოო!!!!

## ანაბელი

ზაფხულის ცხელი დარი იდგა, აუტანელი სიცხით გაჯერებულიყო დედამინა. ირგვლივ ყოველივე სიცხით შეწუხებული და ღონმიხდილი გახლდათ, თითქოსდა არემარეს მცხუნვარე მზის ქვეშ მორჩილად ჩასძინებოდა... სადღაც, შორით ნანარსულეებ გაზაფხულს სიოც გაჰყოლოდა და სულშეხუთული ხვათისთვის დაეთმო წელიწადის სამოცდლიანი, აუტანლობით და გულწასულობით გაჯერებული ასპარეზი. მხოლოდ ახლად ამოწვერილ ალიონზე თუ შეიგრძნობით დედამინის ღრმა, ძლიერ ჩასუნთქვას მაშინ, როცა ზეცად შობილი სიგრილე მიწად დაიარებოდა, ალაგ-ალაგ, კუთხე-კუნჭულ და მთელი დღის ნასიცხ-ნანამებ კალთებს სასოებით ელამუნებოდა. მერე? მერე კვლავ ჩნდებოდა ჰორიზონტზე ამოგოგმანებული ცის მაცოცხლებელი ვეებერთალა, გიზგიზა, ყვითლად შეფერილი მწველი მნათობი და მცხუნვარე გულში იკრავდა მთვარისაგან შეგრილებულ არემარეს... დროდადრო თუ გამოჩნდებოდნენ სიცხის აუტანლობასთან მეზრძოლი ერთგული კავალერიის წარჩინებული მოიერიშენი და მთელ ეზოში, საგანგებოდ მოწყობილ ბრძოლის ველზე, იმართებოდა ბავშვური ანცობის სიდიადე. მეც, რალა თქმა უნდა, ამ კავალერიის ერთ-ერთი ცხენოსანი, ჩემი შეიარაღებით, რომელიც წყლით სავსე ბოთლს მოიცავდა, გაშლეგებული, მკვირცხლი ხასიათით, ვეკვეთებოდი მტერს და დაუზოგავად ვწუნავდი მომხვედურებს...

მორიგი ბრძოლა იყო გაჩაღებული, როდესაც ჩვენს ეზოში ხმაურით, გუგუნ-გუგუნით და ფრუტუნ-ფრუტუნით შემოვიდა სატვირთო ავტომობილი... საინტერესო და ყურადსაღები ის გახლდათ, რომ ამ სატვირთოზე მიჯრით მიეწყობოდა ავეჯი და აშკარა იყო, რომ

სტუმრები ახალსახლობისთვის მოსულიყვნენ. ნუ, რა თქმა უნდა, კავალერიის რიგებს დაუყოვნებლივ გამოვეყავი, იქვე მდგარ ალუბლის ხეზე ავძვერი და მთელი ინტერესით ვუცქერდი ამ სანახაობას. სატვირთოს მსუბუქი ავტომობილი მოჰყვა... ალბათ, ესენი სწორედ ჩვენი ახალმოსახლენი გახლდნენ. როგორც კი მანქანის კარი გაიღო, იქიდან შურდულივით გადმოხტა პატარა, თმაზე ცეცხლწაკიდებული, გაჩინკული, კაპარჩხანა ეშმაკის ფეხი და მოუსვენრად, სიხარულით აღტყინებული დახტოდა... ისეთი სასაცილო და ისეთი საყვარელი იყო, როგორ გაგზედავდი და შევარცხვენდი ჩემს ღვანლმოსილ კავალერისტის მუნდირს, რომ მისთვის ხეზე მჯდომს ალუბლები არ დამეკრიფა და არ მიმერთმია. სწრაფად დავკრიფე და ფაციფუცით ჩამოვხტი. ხელები სულ წითელი მქონდა, ხოდა რა მექნა, სამოსზე შევიწმინდე ალუბლის სინითლე და კაპარჩხანას წინაშე რაინდული სულისკვეთებით ხელგანვდილი – ახლად დაკრეფილი ალუბლებით წარვსდექი...

- აჰა, აილე!
  - მადლობა!
  - აქ უნდა იცხოვრო?
  - კი, კი, კიიი!
  - ჰო, მეც აქ ვცხოვრობ. მოგეწონა?
  - რა?
  - ალუბლები.
  - მჟავა.
  - არაუშავს, მოგიხდება.
  - რა გქვია?
  - ჟანი, შენ?
  - არ გეტყვი!
  - კარგი რაა, მე ხომ ალუბლები გაქამე.
  - კარგი ჰო, მე, მე...
- ანაბელი.
- ანაბეველ, სადა ხარ? მოდი აქ, შეეშაკუნა, მოდი მომეხმარე!
  - უნდა წავიდე, დედა მიძახის.
  - ეზოში ხომ ჩამოხვალ? იცი, მე

ცუგო მყავს, პიერო ჰქვია, გაგაცნობ...

– პიერო? ჟან, რა სასაცილო ხარ. გავიცნობ პიეროს... გავიცნობ. დროებით, ჟან!

– დროებით, ანაბელ!

საოცრად ლამაზი გახლდათ ანაბელი. გრძელი, ჟღალი თმით და სახელდახელოდ დაწნული კიკინებით დათარეშობდა ხოლმე ჩვენს უბანში. სულ მოუსვენარი და გამუდმებით მოჩხუბარი ეშმაკისფეხი იყო. ღმერთო, რამდენჯერ მომხვედრია მის გამო. დაამავებდა რამეს და უნამუსოდ, საოცარი ოსტატობით ატირებული, თითს ჩემკენ იშვერდა... მე კი სულელი, თავჩალუნული მორჩილად ვიბრალედი ანაბელი-სეულ გმირულ საქციელს და სასჯელსაც საკადრისს ვიღებდი.

ჩვენს მეზობლად მოხუცი ქალი ცხოვრობდა. ყოველ დილას აივანზე, სუფთა ჰაერზე გადმოდგებოდა ხოლმე და სიგარეტის კვამლის ბურუსში ძირავდა ფიქრებს... ნიკოტინისგან დაკოჟრილი თითები სულ მთლად გაყვითლებოდა. ეს ყოველივე კი, რაღა თქმა უნდა, ანაბელს არ გამოჰპარვია... მოკლედ, ეს ჩვენი მწველი „მელანო“ ხშირად გვაგზავნიდა სიგარეტის საყიდლად. მორიგ წასვლაზე ეს მისია ანაბელს დააკისრა, მე კი, რაღა თქმა უნდა, მორჩილი პაჟივით ამკიდეს ანაბელს.

– ჟან, ნუ ბუზღუნებ. ნამოდი, თან რაღაც მოვიფიქრე და გეტყვი.

– არ მინდა, ვიცი მე შენი მოფიქრებული, ბოლოს ისე იზამ, რომ მაინც მე მომხვედება.

– ჟან, რა გოგოსავით იქცევი, ჩქარა გამოადგი ფეხი!

– მოვდივარ... და გოგო შენ ხარ!

– ოჰ, ახალი ამბავი!. დიდი ხანია შეამჩნიე, ჟან, რომ გოგო ვარ?

– ნუ დამცინი და იარე რა!

– სულელი!...

– სულელი შენ ხარ!

– კარგი, ვიყო, მაგრამ შენ უფრო,

უფრო სულელი ხარ. აი პიერო გჯობია, ნახე... პიერო პიეროო, მოდი მოგეფეროო... პიერო, ჟანი ხომ სულელია? (კი.. კი) აი, ხომ ხედავ? თავს აქნევს. ესე იგი ხარ!

– გაგებუტე.

– კარგი რა, ჟან, ვიხუმრე, ჟან, იცი რა მოვიფიქრე?

– ოღონდ ეგ არა ღმერთოო, შენ რას ნაღვლობ? მე მხვდება ხოლმე ის როზგი და საერთოდაც მტკივნეულია!

– ნუ გეშინია, ვიტყვი, რომ მე ვაკეთე.

– კარგი, რა მოიფიქრე?

– მოდი, სიგარეტის ღერებში ასანთის ღერი ჩუმად ჩავუნყოთ, ისე, რომ ვერ დაინახოს და რომ მოუკიდებს, ცეცხლი მოედება და იმ ბებრუხუნულ სახეს დაინვაგს.

– გიჟი ხარ შენ, გიჟიი.

– რა გაცინებს? მოგეწონა ხომ? ჰმ... მოეწონა ბიჭს...

– კი, მაგრამ მერე სიგარეტის კოლოფს გახსნილს თუ მიუტანთ, მიგვიხვედება.

– ღმერთო... პიერო, ჟანი ვინ არის?

სულელი... აბა, თქვი სულელი... როგორ და, სულელების მეფე ბატონო, კოლოფს ისე გავხსნი და დავანებებ, რომ ვერაფერს მიხვდეს. ჟან, დედა თხილს გაჭმევს ხოლმე?

– არა. მიმაღავს... ეგ რა შუაშია?

– უთხარი, არ დაგიმალოს, ტვინი გამოგლავებია და გჭირდება, იქნებ რამე გეშველოს!

– ანაბელ! იცოდე ხმას აღარ გაგცემ!

– კარგი, კარგი, ბოდიში!...

ანაბელმა საოცარი ოსტატობითა და ეშმაკური მოხერხებულობით გახსნა კოლოფი, სიგარეტში დიდი სიფრთხილით მოათავსა ასანთის ღერები და ისე შენიღბა და შეანება, წუნს ვერ უპოვადით, მერე კი მკვირცხლად მიურბენინა ბებერ „მელანოს“ და შორიასხლოს ჩამოჟდა სანახაობის მოლოდინში. თვა-

ლებში ჭინკები ჭიაკოკონობის ღამის კოცონზე დახტოდნენ, ნეტავ გენახათ, როგორ გაფაციცებით და ანთებული თვალებით ელოდა, როდის გაუკიდებდა ჩვენი „მელანო“ სიგარეტს...

– ჟან. ჩქარა! ჩქარა! გახსნა, უკიდებს...

და „მელანომაც“ არ დააყოვნა...

– ვაიმეეეე დედა, მიშველეთ დავინვი!.. ოხ, თქვე საზიზღრებო!!!

მთელ სახეზე და ჭალარად შევერცხლილ თმაზე „მელანოს“ ცეცხლის ალი უგიზგიზებდა, ანაბელი კი გიჟით გაიქცა და თან სიცილით იგუდებოდა...

– ჟან, გამოიქეცი! მალეეე!

– ანაბელ, რომ მეცინება, ვერ დავრბივარ.

– ჩქარა, თორემ მაგ სიცილს ტირილად შეგიცვლიან, თუ დაგიჭირეს.

ატყდა ჩოჩქოლი და ერთი ვაი-ვიში, მთელი სამეზობლო ვერცხლისფერ ჭალარას წყლით აქრობდა...

– მიშველეთ ქალებო, იმ საზიზღრებმა მომიწყეს ოინი... დედა, დედა, როგორ მენვის.

– დამშვიდდი დეიდა... მალამო მაქვს ისეთი და ისე გიამებს, რომ ქორწილამდე დაგავინყდება.

– უი შე მატრაბაზო, შენ არ მოესწარი ჩემს ქორწილს.

– ვეცდები, როგორმე.

– ღმერთო, შენ მისხენი ამ თითისტოლა ეშმაკებისგან. არა, არ გამიმწარეს სიბერე? ხალხო, გამიგონია ასე? ოჯახში ზრდით ამ შეჩვენებულებს თუ ჯოჯოხეთიდან გამოგყავთ გამოსამზეურებლად!

– არა, ისე ქალბატონო, რას ერჩი მაგ ბავშვებს? მთელი ცხოვრებაა, სიგარეტს შენ წვავ და ერთხელ რომ მაგანაც დაგწვას, რა გასაკვირია!

– უი, შენ დაგწვა მამაზეციერმა, ხოო... ყველაფერზე რომ ენა წაგიგდია, ილრიჯები, შე სასიკვდილე.

– ჰოო, კი ჩანდა, ვინ იყო სასიკ-

ვდილე, აღმოდებული კოცონით მე ვგიზგიზებდი თუ შენ?

– მომშორდი, თორემ ცეცხლს წაგიკიდებ!

– შენ, რომ გეკიდა, რა ხეირი?

– ხალხო, გამარიდეთ ეს იმათზე მეტი მაჯლაჯუნა, თორემ შემომაკვდება!

– კარგი, ბიჭო, რა დაგემართა, ცოლო ქალი!

– ცოლო ეგ კი არა, ბავშვები არიან, ბატონო. იხუმრეს ბავშვური სიანცით და თქვენ კი ქალმოტაცებული მდეურებივით დაედევნეთ გასალახად. იცოდეთ, თითი არ დააკაროთ!

სულელებივით ვიცინოდით და თან გავრბოდით, მაგრამ რას გავხდებოდით? ანდა როდემდე ვირბენდით ასე დაუსრულებლად, მდევარიც უმალ მოგვეწია და გზადაგზა ყურებანეული და ტყეპა-ტყეპით წარვსდექით სამსჯავროზე...

– რომელმა მოიფიქრეთ?!

– არაფერი მოგვიფიქრებია ჩვენ, ამან გაგვაგზავნა და მოვუტანეთ, რა ჩვენი ბრალია.

– ანაბელ! სიმართლე თქვით ეხლავე, თორემ ორივეს მაგრად მოგხვდებათ!

– ორივეს?

– დიახ! ორივეს!

ავის მომასწავლებლად დაფიქრდა ანაბელი, ისევ ისე აუცეკვდნენ ჭინკები თვალში და ეშმაკური ღიმილიც დასთამაშებდა მის ჭორფლიან, თოვლივით ფითქინა სახეს...

– ჟანი იყო... ასე მითხრა, ვერავინ გაიგებსო და კიდევ ასე თქვა, შენ ნუ გეშინია, არ დაგაბრალებო.

იმ ღამეს მუცელზე ვინექი, ცემატყეებისგან შენითლებული დუნდულეზი ზამთრად ანთებული ბუხარით გიზგიზებდა, მთელი ღამე თვალი ვერ მოვხუჭე და ერთადერთი, რაც იყო, ის მსურდა, რომ ანაბელის თავზე ღერაღერა დამეწინებოდა ის ჟღალი კიკინები. ტირილით და ტკივილით ღონემიხდილს

გამთენიისას ჩამეძინა, ერთთვიან სასჯელად კი სახლში გამომწყვდევა მომი-საჯეს. მხოლოდ აივნიდან ვადევნებდი თვალს, როგორ მობობდა ჩვენი ეზოს ბოთლებით შეიარაღებული კავალერია და ჩემს ადგილს როგორ მოსკუპებუ-ლიყო ის კაპარჩხანა, ჟღალი, გაჩხინ-კული ეშმაკისფეხი, სახელად – ანაბე-ლი.

მაშინ, როცა ჩემი სასჯელის ვადა უკანასკნელ დღეებს ითვლიდა, ერთ მორიგ, სიცხით შეღონებულ დილას კარზე ზარი გაისმა...

- გამარჯობათ.
- გამარჯობათ. შინ შემობრძანდით.
- არა არა, გმადლობთ. შეიძლება რაღაც გთხოვოთ?
- კი რა თქმა უნდა! ბრძანეთ.
- თუ კი შეგიძლიათ, ანაბელს რომ მიმიხედოთ. იცით, მე და მეუღლეს გა-დაუდებელი საქმე გვაქვს, ვერსად ვერ ვტოვებთ და ვიფიქრეთ, ჟანთან ერთად გაერთობა. სალამოს დავბრუნდებით... შეიძლება, დაგიტოვოთ ანაბელი?
- კი გენაცვალე, სიამოვნებით.
- მადლობა. სალამომდე!
- სალამომდე!
- ჟან, გომოდი, სტუმარი გვყავს!
- ანაბელ?
- ბოდიში, ჟან... მაპატიე!
- ბოდიში, ხო... იცი, კი როგორ მცე-მეს?
- მაპატიე... რა მექნა, ასე თქვეს, მოგხვდებათ ორივესო და... შენ ხომ არ გინდოდა, მეც მომხვედროდა?
- არა...
- ხოდა, გამოდის, რომ შენზე ვიზ-რუნე.
- კარგად კი იზრუნე, სულ დამი-წითლეს.
- რაა, ჟან?
- ოოო... შემეშვი.
- გთხოვ, გთხოვ, მითხარიი.
- რა და... ისა...
- ჰმ. თქვი!
- დუნდულები!

– ვაიმეეე, ჟან!.. ეხლა ვეტყვი დე-დაშენს, რომ ცუდი სიტყვა იხმარე და ნახე, რა გიყოს!

– ანაბეეეე!

– კარგი, კარგი... რა სულელი ხარ ჟან. ჩემი სულელი ჟანი...

მთელი დღე თამაშში მიილია, ეს იმ სასჯელად მიღებული თვის ერთადერ-თი საუკეთესო, მარგალიტად ქცეული დღე იყო ჩემი ბავშვობის მოგონებიდან, ეს როგორი სიალალით და სისუფთა-ვით სავსენი ვიყავით. ხშირად მახსენ-დება ხოლმე ბავშვობის წლები და გუ-ლი მწყდება, ასე უგზო-უკვლოდ რომ ნელდება ადამიანებში ის სიალალე, რა-საც ბავშვობის სისპეტაკე ჰქვია...

შებინდებულს ჩვენი სადარბაზო, ეზო და სამყარო მწუხრმა მოიცვა. მა-შუქებით მოციმციმე, ორი მანქანით შემოასვენეს ანაბელის მშობლების გვა-მები, ტირილსა და გოდებას წაელეკა ირგვლივ ყველაფერი, ანაბელი კი... მოღრუბლული შუბლითა და ფითქინა სახით, მდუმარედ იჯდა დედას კალთა-ში და უცრემლოდ ტოროდა...

თქვენ არ იცით ან რა იცით? ანაბე-ლი ასეთი არავის, არასდროს არ უნ-ახავს. ეს სიცოცხლით სავსე ონავარი, ჟღალი, გაჩხინკული, კაპარჩხანა, ეშმა-კისფეხი ციდან მოფრენილი, შეციებუ-ლი ანგელოსივით, მდუმარედ იჯდა და ბედის სიმუხთლისგან იტანჯებოდა....

დასრულდა ბავშვობა, დასრულდა ჩემი ცისატყელას შვიდ ფერად ცის კიდეზე შეხიდება, წარსულმა წაიყვა-ნა ყველა იმ სიხარულის მარცვალი და ის ალუბლის ხეც კი შეხმა თვალსა და ხელს შუა, რომელიც ბავშვობის ვეე-ბერთელა ტილოზე ცხოვრების წლებს მიფერადებდა...

წაიყვანეს ჩემი კაპარჩხანა, ჩემი ანა-ბელი... გაქრა ისიც და საგზლად ჩე-მი ბავშვობაც თან გაიყოლა. ღმერთო, რამდენჯერ სიზმრად მივლია მთა-მთა და მიძებნია ჩემი ჟღალი ოცნება. ყო-ველ გამოღვიძებაზე ვცდილობდი, ძა-

ლად დამეძინა და ისევ მის საძიებლად გავდგომოდი შარაგზებს...

ასე გადიოდა წლები, დრო თავისი შეუვალობით წარსულს აბარებდა მოგონებებს. მხოლოდ მაშინღა თუ გავისხენებდი ანაბელს, როცა საოჯახო ალბომში წამის მარადიულობად ნაქცევ კადრს შევავლებდი ხოლმე თვალს და გული დამიმძიმებოდა...

მალე სიჭაბუკის დიდებული ხანაც დადგა... ჰორმონების სხეულში შეგრძნებებედ აფეთქებამ თავისი გაიტანა, ჰო და მეც, როგორ ყველა ნორჩმა მემარჯვენე, პროფესიული განვითარებისთვის, შანზ-ელიზზე გავეშურე და საიქიოში მდებარე ელისეის მინდვრებთან, სადაც სათნო სულები ბინადრობენ, ერთ-ერთ საროსკიპოს მივაკითხე.

მაშინ სექს მუშაკის სარგო სულ რაღაც ოცდაათი (უნინ ვერცხლს და ან უკვე) ევროს შეადგენდა. განკუთვნილ ოთახში შესვლისთანავე ზურგით მდგარ ქალს მივუახლოვდი, რომლის სილამაზისგან დაბნეული მონუსხული ვიდექ და გონს ვერ მოვსულიყავი, შემდგომ რა უნდა მექნა. ალბათ, ჩემი არაპროფესიულობით შენუხებულმა ველარ მოითმინა და შემოტრიალდა... ღმერთო ჩემო!.. თვით აფროდიტე იდგა ჩემ წინაშე, ზღვის ქაფიდან შობილი.

შავი გრძელი პენუარი უმშვენებდა სითეთრით შეფერილ სხეულს, მოკლე ფრანგული კოლგოტები კი წარმოუდგენელ სექსუალურობას მატებდა და გონს ნებისმიერ მამრს დააკარგინებდა. პარიზული მაქმანებით შეკერილი საცვალი კი სინაზით დასდებოდა ადამიანთა მზად ყელს და ვნების კორიანტელში ხვევდა საალერსოდ გახელებულ სულს...

– ახლოს მოდი!.. უფრო ახლოს!.. კიდევ!..

– რა გქვია?

– ჟანი...

– ჟანი? ჟანი... შეიძლება სხვა სახელი დაგიძახო?

– კი.

– კარგი, მაშინ პიერო იქნები!

რამდენი წლის ხარ პიერო?

– ცხრამეტის.

– მეც. ტოლები ვყოფილვართ, პიერო! და რა გაცინებს, პიერო? სასაცილოა ეს სახელი?

– არა, უბრალოდ, პიერო... ჩემს ძალს ერქვა ეს სახელი... შენ რა გქვია?

– მე? მე... ანა...

ქალი მოწყვეტილი, გულშეღონებული დაენარცხა იატაკზე. შეშინებული ვეძგერე და სახეში გამეტებით ვურტყავდი გონზე რომ მომეყვანა... და ქალმაც, როგორც იქნა, თვალი გაახილა, გაიღიმა და მითხრა:

– ჟან, ბავშვობის სამაგიეროს მიხედი, სულელო?

– ანაბელ?!

– ჰო, ჟან, ჰო, შე სულელო, მე ვარ! შენი ანაბელი!

ემოცია ზღვად აღელდა, ყველა შეგრძნება ერთად ამიფეთქდა გულში, ანაბელს გაგიჟებით ვეცი, გულში ჩავიკარი და ისევ ბავშვურად ავქვითინდით...

– ჟან, შე სულელო ბიჭო.

– ანაბელ... ჩემო ანაბელ...

– მართლა პიერო ხარ, ჟან... ჩემო პიერო...

რამდენიმე წუთით ასე ერთ სხეულად შერწყმული ორი სული ვისხედით იატაკზე და შეციებულ სულს ჩვენი ბავშვობისდროინდელი მოგონებებით ვათბობდით. კოცონად აგიზგიზდა, ააღდა, აინთო ის სპეტაკი მოგონებები, რომლებიც იმ სანუკვარ წლებს სისპეტაკეს სძენდა...

– ანაბელ, ჩაიცვი და წამოდი.

– არა, ჟან...

– ნუ გეშინია, მე შენთან ვარ! ერთად ვიქნებით, ვისაც უნდა და რაც უნდა, ის თქვას! შენ ოღონდ წამოდი, ანაბელ!

– ვერ გაგნირავ, ჟან, არ მემეტები. საჯიჯგნად ვერ ჩაგაგდებ ხალხის გაუკულმართებულ ხელში, ვერ გავიმეტებ



შენს სახელს სატალახოდ... მაპატიე, ჟან, არ შემძლია. შენ ჩემი ბავშვობის ის კელეპტარი ხარ, რომელიც ჯერ ისევ ჩემს გულში ანთია. ვერ ჩავაქრობ, ვერ შევუბერავ ძალად სულს და ვერ დავასრულებ ჩემში ყველაზე დიდ სინდინდეს, შენს სახელს, ჟან, ჩემო პიერო... გთხოვ მაპატიე... ნადი... გთხოვ ნადი და აღარასდროს არ მოხვიდე, არ მომძებნო, არ იფიქრო, დაივიწყე, რომ მნახე, გესმის? ნადი, ჟან, ნუ მკლავ, გემუდარები...

– უშენოდ ვერსად წავალ, ანაბელ. აქ არ დაგტოვებ! დაივიწყე ყველაფერი, გთხოვ! ჩაიცვი და წამოდი... მე ეს მინდა! მინდა, რომ საუკუნოდ მხოლოდ შენ იყო ჩემ გვერდით, წამოდი ანაბელ!..

– ჟან, მაპატიე... შენ ჩემი ერთადერთი სინათლე ხარ ამ სამყაროში, სადაც სულშიც კი უკუნი გამეფებულა! ჟან... შემინდე და მაპატიე...

– არააა!!! ანაბეეეელ!!! ანაბეეეელ!!! ღმერთოოო!!!

ანაბელის მაჯებიდან სისხლადმდენი სინითლე ნაკადულად იღვრებოდა, მის სახეს კი სიამოვნებისგან მოგვრილი ღიმილი კვლავ ბავშვურად დასთამაშებდა... მკლავზე მინაბულ ჩვილს ჰგავდა, დედიშობილა რომ მკლავთა სავანეში გარინდულა და, ნეტარების ამარა დარჩენილს, თვალს რული უმძიმებდა... წამით უკანასკნელად ამომხედა და მითხრა:

– ჟან, პიერო ტყუოდა... სულელი არასოდეს ყოფილხარ, ჟან. მე მინდოდა, რომ ასეთი ყოფილიყავი, ჩემი სულელი, არ დამივიწყო, ჟან... გემუდარები.

თვალი მინაბა, დავკარგე ერთხელ უკვე დაკარგული ჩემი ბავშვობა, ჩემი ოცნება, ჩემი სისპეტაკე და ყველაფერი სისხლისფრად შემეღება... რა ვუყო ამ ხელებს, ბავშვობაში ანაბელისთვის აღუბლების დაკრეფით წითლად შეფერილს და ახლა ანაბელის სისხლით შე-

ფერებას?! რა ვუყო, რა?!

ანაბელთან ერთად დაიკრძალა ბავშვობა. ეხლა, როცა ვისხენებ, ხოლმე ვნანობ... ვნანობ, რომ მშობლებს არ ვთხოვე მოეძებნათ, ეპოვათ და ეშვილებინათ ჩემი ანაბელი. გეფიცებით, მე არ შევჭამდი იმ ღვეზელებს, ნახევარს სულ ანაბელს გაუფუოფდი, მაინც არ შეემჩნეოდა, ის ხომ მაინც გაჩხინკული და კაპარჩხანა ჟღალი იყო, არც იმ კისელს და არც იმ კომპოტს არ დავლეედი, ბავშვობაში რომ დედა მიკეთებდა... ოლონდ ყოფილიყო ჩემთან, ჩემი ბავშვობა და ჩემი სისპეტაკე – ანაბელი...

## წარსულთან ჰაეპანი

როგორც ყოველთვის, პირველმა მე უნდა დავიწყო...

დამღალე, ორიოლო, დამღალე.

რა? ისეთივე ჯუჯღუნა ვარ და არ ვიცვლები ხომ?

კარგი ბატონო! ხმას არ გაგცემ!

ვიცი... შენი ნაჩუქარია ეს სპილენძის სამაჯური, მადლობა... კი მიხდება. მე ხომ ამქვეყნად ყველაზე ლამაზი დედაბერი ვარ ორიოლო.

რა გაციინებს? რა? არ ვარ?

დიახაც! ვარ! საუკეთესო მატრიარქი! ვინც შენს ხასიათს და შენს ღალატს გაუძლო ორიოლო.

არა... არა ორიოლო... ეგ არ მიგულისხმია, ღმერთო ჩემო, რა სულელი ხარ, მკვდარიც კი ცდილობ ისე გამოითაყვანო თავი, რომ რომალ ბატებსაც შენი გადარჩენა დაეზაროთ.

გახსოვს ორიოლო? სან პოტიტოში, პადრეს უარის მიუხედავად, ჩუმად რომ შევიპარეთ ტაძარში, საკუთარ თავს ჯვარი დავწერეთ, ღმერთო ორიოლო...

კარგი. კარგი არ ვტირი... ნუ ჯუჯღუნებ!

შენი ფიცი? ჯვრისწერის სასრულს წმინდა პეტრეს ხატის წინ, მუხლზე დამდგარმა რომ დაიფიცე... ორიოლო.

ვიცი, გახსოვს ან რა დაგავინწყებდა? შენ ხომ მთელი დედამიწის უმშვენიერესი ქალის წინ მუხლმოდრეკლი იდექ! ორიოლო...!

ნუ იცინი, თორემ გაგებუტები, მერე რა, რომ გაისად 96 წელი სრულდება, რაც დედამიწა ჩემს ბებრულ, უშენობით განამებულ სიცოცხლეს იტანს ორიოლო... მაინც ავდგები და ტუჩებ-მოპრუნული სახით გაგებუტები!

მაპატიე ორიოლო... სულ დავჩაჩანაკდი, ვერ მოვახერხე შენი საყვარელი პიცის მომზადება, ამიტომ ჭიქა ღვინოს და წარსულად ნაქცევ იმ მოგონებებს დავჯერდეთ, რომელიც ანმყოს მიდიდებულებს.

აა ლალატი? ჰო... ის ფიცი... შენ ხომ დაიფიცე, რომ მარტო არასოდეს დამტოვდი ორიოლო! სად ან რატომ წახვედი? რატომ დამტოვე? რატომ გატეხე ხატის წინაშე ფიცი ორიოლო? იცი რა ძნელია უშენობა? ყოველი დილა უშენოდ ნათებები და ღამე! ღამე ორიოლო! ყოველ წუთს, როცა სანთელს გინთებ სურათთან, ღმერთს ვთხოვ, რომ მალე წამომიყვანოს შენთან, ჩემო ბუზღუნა ბებერო. დასრულდეს ეს სამარადჟამოდ ნაქცევი ყოველდღიური სიმწარე, რომელიც შენი ფიცის გატეხვით მომანიჭე ორიოლო...

მეც მიყვარხარ...

ისევ ყალიონი, კარგი რა ორიოლო! ახლა მაინც შეეშვი ამ კვამლში ცხოვრებას!

ვიცი... ვიცი... სული ხარ და როგორ მოწვევ? მადლობა, რომ შემახსენე, ვიცი! ვიცი, მაგრამ ვიოცნებე ორიოლო, ჩვეულად, ქალურად შემოგიტიე და წარმოვიდგინე, რომ ისევ ცოცხალი ხარ! გესმის?! ისევ ცოცხალი ხარ ორიოლო!!!

ნუ მამშვიდებ, მიძნელდება ცხოვრება... სისულელე ყოფილა, რომ ამბობენ: დრო ყველაფერს მიგაჩვენებს! დრო ყველაფრის მკურნალიაო! არა ორიოლო არ დაიჯერო. გემუდარები, არ დაი-

ჯერო! ვერ მივეჩვიე უშენობას! ვერც დრო გამიხდა მკურნალად ორიოლო! მენატრები და ეს მონატრება სატანჯველად მიქციე ჩემო ტკივილო...

რა? მოგწონს? ხო... შენთვის წავისვი ბორდოსფერი ბაგეზე... გახსოვს ლექსი რომ მომიძღვენი: „ბაგეს? ბორდოსფერი ღვინო გისველებდა...“

ჯანდაბა, ამ სიბერემ სულ გამომათაყვანა. ზეპირად მახსოვდა, მაგრამ ეხ... დაუძღურებულ სხეულს უგონობაც შეემატა.

ხოო? მართლა გახსოვს? კარგი... მაშინ რა მეცვა? ჰო... ის ჩითის კაბა... გვირილებით მორთული... მაშინ 25 ლირად ძლივს დავათმობინე სან პოტიტოს მკერავ ჯაკობოს.

იცი? როგორ მრცხვენოდა შენთვის თვალებში შემომეხედა, ღმერთო, ასე მეგონა, თვით მზე ამოსულიყო სულში და და ჩემი გულის დანაცვრას უმონყალოდ ლამობდა, როცა ხელი ჩამჭიდე ორიოლო, მუხლები მომეკეცა, მოგატყუე, რომ უბრალოდ ფეხი მეტკინა, მაგრამ შენს შეხებას ვერ გავუძელი, ვერ გავუძელი იმ ალთა აგიზგიზებას სხეულში, რომელიც ვნებად ამიჩქეფდა. შენ წინაშე უცეცხლოდ ვიღვენებოდი, მერე... მერე ის კოცნა ორიოლო... პირველი კოცნა... აცახცახცახებული, კრთომით გეხებოდი ბაგეზე და საოცარ სიმსუბუქეში ვიძირებოდი, სულ ერთიანად მიკანკალებდა სხეული და მკერდზე კერტებიც შენი სხეულის სითბოს ლამობდა, ორიოლო...

ნუ იცინი! ხო, ვიცი, მოგატყუე, რომ შეუძლოდ ვიყავი, მაგრამ რა მექნა, შე სულელო? პირდაპირ ჩაგსვენებოდი მკლავებში და ჩემი ქალური სიმორცხვე არარად ჩამეგდო? ამიტომაც მოგატყუე.

უკვე დროა?

ცოტა ხანს დარჩი ორიოლო...

კარგი... ნუ ნერვიულობ, დავლევ, არ დამავინწყდება... ან რა დამავინწყებს, იმ აბის გარეშე მთელი დღე რეგდას-

ხმული დავდივარ... ღმერთმა დასწყევლოს ეს სიბერე...

ორიოლო, კვლავაც მოხვალ?

იცი? კვლავაც ვიშოვნი ერთ ბოკალ ღვინოს და ჩვენი გაცნობის დღის აღსანიშნავად, ალბათ, ისევ შენი საყვარელი პიცის გარეშე, კვლავ მივუჯდები სუფრას და უწინდებურად მოგიაღერებ, ჩემო ბიჭო...

მიყვარხარ ორიოლო...

მშვიდობით... ორიოლო....

## საქურა და ჰანამის ღედოფალი ანუ „მა ჯო“

იმ ხანად, როცა კედლის კალენდარზე ფურცელს ფურცელი მიჯნით აკლდებოდა, ჩემში მოუთმენელი ალტკინება დღითიდღე მიმძაფრებდა შეგრძნებებს. თითქოსდა ხიბლი სარბიელს ლამობდა და სურდა, რომ სხეულს შერჩენილი, ყოველი მისხალი გრძნობისა, ცის კაბადონზე მოკაშკაშე ვარსკვლავებად აეკიაფებინა, ამ დიდებულებით ტკბობას კი განსაკუთრებულ ელფერს სძენდა აპრილის მოლოდინი.

და აი, ისიც! კალენდარზე მაისის თვის უკანასკნელი დღეც მიიღია და მთელ იაპონიაში ტრადიციად ნაქცევი ყვავილთ ტკბობის, „ჰანამის“ წარმოუდგენელი ჟამი გამიპრილდა.

მყისვე შევაკონინე ყველა ის ნივთი, რომლებიც მხოლოდ აუცილებელ საჭიროებას წარმოადგენდა და ჩემი არცთუ ისე დიდი ცისფერი „ჩემოდნის“ ამარა იაპონიას გავემურე...

სიმართლე გითხრათ, მსგავსი ბედნიერება ჯერ არ განმიცდია. ფიქრი იმაზე, რომ იაპონური საკურის ყვავილობა ჩემ თვალწინ ედემად წარმოჩინდებოდა, უფრო და უფრო მიჩქარებდა პულსს. ფიქრი გულის კედლამდე მწვდებოდა და ურჩად მიედინებოდა ვენებში. გზადაგზა ჩქარი დინებით, ენდოფრინებად გარდაიქმნებოდა და

გულთან ერთად ზაფხულობდა.

ალბათ, ეს ყოველივე იმდენად ხილვადი იყო, რომ გამოცდილ ბორტგამცილებელს ყურადღების მიღმა არ დარჩენია... ამ ფიქრებიდან მხოლოდ მაშინ გამოვერკვიე, როდესაც უნიფორმაში გამონყობილი ასული მომღიმარი სახით მეკითხებოდა:

– სერ, წყალს ხომ არ ინებებ?

– არა გმადლობთ!

– დარწმუნებული ხართ, სერ?

აშკარა იყო, რომ არ სჯეროდა ჩემი და დაჟინებული მზერით ცდილობდა, ამოეხსნა ჩემში ღრმად ჩამარხული მიზეზი ალტკინებისა. მეც ჯიუტად, ქართული გაუტეხელობით, ფარხმალდაუყრელად ვიბრძოდი ჩემი სიტყვის დასაცავად.

– კი!

– კარგით, სერ, თუ რამე დაგჭირდეთ, თქვენს სამსახურში მიგულეთ.

თანხმობის ნიშნად მოკრძალებულად გავუღიმე და ისევ ჩემს ნავსაყუდელზე, ფიქრად ქცეულ ოცნების სანაპიროზე ლუზა ჩავკვიდე... რატომღაც ჩემმა გონებამ ბავშვობის სანუკვარ წლებში დამაბრუნა. გამახსენდა ის დღე, როცა გეოგრაფიის მასწავლებელი იაპონიაზე გვესაუბრებოდა. არ ვიცი რატომ, მაგრამ განსაკუთრებულად იხსენებდა ისტორიებს და დროდადრო ბაგის კუთხეში ღიმილი ებადებოდა. ახლაც კი მახსოვს მისი მონათხრობიდან თითოეული სიტყვა, რამაც გულის ფიცარზე ამომიტივიფრა ჩემი „ჰანამა“.

თურმე ეს ტრადიცია წარას ეპოქიდან იღებდა სათავეს (710-784 წ.) და არათუ ალუბლის ყვავილობას, არამედ ქლიავის ხის ყვავილობას ნიშნავდა, თუმცა უკვე ჰანის ეპოქიდან საკურას მიმართ გაჩენილმა ინტერესმა, იაპონელების და მათ შორის ჩემს გულშიც სამარადწამო ბინა დაიდო. ყოველი ჰანამის დამდეგს, ტრადიციის თანახმად, საკურას ყვავილობისას ხის ძირში შეკრებილი იაპონელი წყვილები ამ საო-

ცარი სიდიადით ტკბებოდნენ და მუხლმოდრეკილი კაცები მიჯნურებს სასიყვარულო ლექსებს უკითხავდნენ... ღმერთო ჩემო!.. რამდენჯერ! ირეალურ ცნობიერებაში, ჰანამის დამდეგს, ტრადიციის თანახმად, საკურას ყვავილობისას, ხის ძირში მუხლმოდრეკილს ნამიკითხავს ლექსი ჩემი დედოფლისთვის... რამდენჯერ, ბედნიერებით აღვსილს, ოცნებით გართულს, ფიქრის სასათუმალზე ჩამძინებია. ახლა კი? ახლა კი! სულ რამდენიმე საათი მაშორებდა ჩემი ოცნების რეალობად ახდენას და ჰანამით ტკბობას.

კარგით! ვიცი, ვიცი, ვიცი... იტყვით, რომ უდედოფლოდ საკურა ვერ იყვავილებს, მაგრამ, იცით რა? მე ჩემი ბავშვობა არ დამითმია! არ დამითმია ოცნება! და ვერ დამითმია ლანდად ქცეული სილუეტი იმ დედოფლისა, რომლისთვისაც არაერთხელ მუხლმოდრეკილს ლექსის თქმაც კი შემიბედავს!..

როგორც იქნ ჩემი ოცნებისკენ მფრინავი რკინის ფრთოსანი მინას შეეხო და გახარებულმა სირბილით ჩავიბინე ტრაპი, სასწრაფო წესით დავბინავდი და გეზი, რალა თქმა უნდა, ჩემი ოცნების ახდენისკენ ავიღე.

უამრავი ხალხი შეკრებილიყო ამ დიდებული დღესასწაულის აღსანიშნავად. წყვილები ალუბლის აყვავებული ხის ქვეშ თვალეებში ნეტარებით შესციცინებდნენ ერთურთს. კომონოთი მოსილი ქალები საოცარ კლდეებს ჰფენდნენ არემარეს და თითქოს ეს უტყვ გეიშათა ჯარი სამყაროს საუკუნეების წინ ტრადიციად ქცეულ დღესასწაულს, სხეულის ენით, აწმყოში მთელი დიდებულიებით აცოცხლებდნენ.

იქვე, შორი-ახლოს, საკურას ხის ქვეშ, თვალი მოგკარი ასულს, რომელიც მოწყენილი, დარდით აღვსილი შესცქეროდა აყვავებულ ყვავილებს და, მათთან უსიტყვო საუბრით გართული, სულს იგაზაფხულებდა. უნებურად მის-

კენ გავეშურე, რაც უფრო ვუახლოვდებოდი, მით უფრო ემსგავსებოდა მისი სილუეტი ჩემს ოცნებებში ნაწრთობ ლანდს. ღმერთო!.. ნარმოუდგენლად ლამაზი და სათნო სახით მომზირალი შესცქეროდა საკურას და მოხდენილად, ნატიფი თითებით ეფერებოდა ხეზე აფეთქებულ ყვავილებს და ჩემში „ჰანამის“ ნეტარებით განცდილ შეგრძნებებს ადიდებულებდა.

ვერ მოვითმინე და მისვლა გავბედე... ანდა როგორ უნდა მომეთმინა? როცა ჩემი ოცნების დედოფალი თვალწინ მედგა და ჩემს სამყაროს მისი სილამაზე ატუსაღებდა.

– ნამასტე.

– ნამასტე.

– რა გქვიათ?

– მა კო. თქვენ?

– არ ვიცი, არ მახსოვს... შეიძლება, უბრალოდ ლექსი წაგიკითხოთ?

სულ ავირიე, ღმერთო ჩემო! ჩემში მარტმა იამინდა, მისი სილამაზით დაბნეულს, ჩემი სახელიც კი დამავიწყდა. ქალმა მორცხვად გამიღიმა და ეს ღიმილი თანხმობად მივიჩინე, ამიტომ, ყოყმანის გარეშე, მის წინ მუხლი მოვიყარე და თხრობა დავიწყე:

ჰანამის დამდეგს

შემომისახლდა შენზე ფიქრები,  
კვლავ ისევ ჰყვავის ტიკანოუში  
ჩემი საკურა.

ისევ ვარდისფრად გამითოვდა  
გრძნობა ფარულად,  
ჰანამის დამდეგს გული მევესება  
დარდის ალებით,

თითქოს იმ ბაღში მელოდები  
ცოდვის დავთრებით,  
მე კი – სულელი,  
კვლავ საკურას ყვავილობისას  
საკით დავთვრები,

შევხსნი კიმონოს  
ულერლილოდ მოჭერილ ქამარს

და მოგიყვები ჩემ შესახებ  
ყველაზე მთავარს!

გამითოვდება ვარდისფერთა  
ყვავილთ ნაფიფქი  
და გაიშლება ირგვლივ  
აზრი, შენზე ნაფიქრი.

ჩემ წინ იდგები –  
ვარდისფერ ფიფქთ უტყვი გეიშა,  
მე კი, ეს ღამე  
უბინობის სიძვად მენიშნა.

ჰანამის დამდეგს  
შენზე ფიქრმა სევდა მაპკურა,  
და ისევ ჰყვავის ტიკანოუში  
ჩემი საკურა,


ისევ ვარდისფრად შეგემოსა  
სახე ფარულად,  
მინდა შენს ფიქრებს მევ ავენთო  
ცეცხლის აღმურად!

დავასრულე თუ არა თბრობა, უნე-  
ბურად ქალს ავხედე. ის... ის ტირო-  
და. მინას ნაპკურები მისი ცრემლები  
ალუბლის ხის ფესვებს სევდით ასაზ-  
რდოვებდა. მონუსხული იდგა ჩემ წინა-  
შე და თრთოდა ისე, როგორც ზამთრის  
სუსხში მერცხლის ბუდეში მობუზული  
ციცქნა ბელურა ჩიტი...


აკანკალებულმა უპიდან ცრემლი ნა-  
ტიფი თითებით შეიმშრალა, გამიღიმა,  
მიბრუნდა და ჩემდან წავიდა...

ასულს მეგზურად ჩემი გრძნობები  
მისდევდა და, მის ნაბიჯებს, ქედმოხ-  
რილი, ფიანდაზად ეგებოდა. მე კი –  
სულელი... შევცქეროდი უძალოდ, თუ  
როგორ სრულდებოდა ნანატრი „ჰანა-  
მა“, როგორ მშორდებოდა ჩემი ოცნე-  
ბის დედოფალი და ახდენილი სიზმა-  
რი...

სახელად: მა კო



## ბესიკ ლაგვილავა



### მეხვედრა პიტერ პენთან

რომ გითხრათ, დღეს პიტერ პენს შევხვდი-მეთქი დაიჯერებთ?!

რა თქმა უნდა, არა! არ დაიჯერებთ, მაგრამ რა ვქნა. თქვენი უნდობლობის მიუხედავად, თუკი მაინც გეტყვით, რომ შევხვდი?!

თუმცა არა, თავიდან მკვდრეთით აღმდგარი ჯენის ჯოპლინი მეგონა!

სულ თავიდან კი, როცა საიდანღაც ფლეიტის ხმა მომესმა, ვიფიქრე, რომ რომელიღაც გაჩერებული მანქანიდან მოდიოდა. და უცებ... ჯენის ჯოპლინი!

მე კი არა, ჩემი კოკერსპანიელი ჩარლიც კი, რომელიც ვერცხლისწყალივით არის და რომელსაც ვერ გააჩერებ, გაოცებული შედგა!

ერთი შეხედვით, ჩვეულებრივი ქუჩაა ბუხაიდის ქუჩა, სადაც დილით დავრბივარ ან ძაღლს ვასეირნებ ხოლმე, თუმცა, აქედან თბილისის ყველაზე ლამაზი ხედები მოჩანს და ხშირად აქ ხდება უცნაური ისტორიები, რომლებზეც ხანდახან ვწერ. აქ მითვლიდა გუგული დარჩენილ წლებს, აქედან ვაკვირდებოდი ქალაქის სიკვდილს, როცა კომენდანტის საათი გამოცხადდა, ამ ქუჩის სიახლოვეს შემხვდა, შუაგზაზე გაჩერებულ მანქანაში მჯდომი იდუმალი ქალი, რომელიც დილის 09:00-

ზე, ამ შუა გზაზე გაჩერებულ მანქანაში, კავარადოსის არიას უსმენდა... დილის 9 საათზე კავარადოსის არიას, შუა გზაზე გაჩერებულ მანქანაში... აქ ტრენაჟორებზე ვარჯიშისას ვაკვირდებოდი ნარკორეალიზატორის წარმატებულ კარიერას, რომელმაც „შპაკლით“ აჭრელებული MINI ერთ წელიწადში შავ სპორტულ BMW M5-ში გაცვალა... და ვინ იცის, ამისთვის რამდენი ოჯახი დაღუპა... აქ ვნახე ტროტუარზე ცარციტ დაწერილი შეყვარებულთა ჩხუბის და შერიგების Love story, რომელზეც ჰოლივუდში ოსკარის ნომინანტ ფილმს გადაიღებდნენ და აქ შემხვდა ნაგვის ურნებიდან ნაკვები პოეტი, რომელიც საკუთარი საფლავის ქვისთვის ეპიტაფიას წერდა... ის გათავებული კაციც, რომელმაც ხარების მილოცვისას მიპასუხა: რა უნდა მიხაროდესო! აქ მხვდებოდა ყოფილი „დინამოელი“, მუდამ ნაღვლიანი და ოდნავ ეშმაკური სახის მქონე კაცი, რომელმაც სამთარობო ინტრიგების შესახებ საიდანღაც ყოველთვის ყველაფერი იცოდა და ამაზე საუბრისას მუდამ ირონიულად იღიმებოდა და ამიტომაც ჩემს მეფისტოფელს ვეძახდი! ის მოკვდა და დაწერე კიდეც – ჩემი მეფისტოფელი მოკვდა!

გარნმუნებთ, საინტერესო ადგილია! თუ მწერალი ხართ და თქვენი ნოველებითვის ვერაფერ საინტერესოს იპოვით, ქალაქის ულამაზესი ხედებით მაინც დატკბებით!

დღეს აქ მოულოდნელად ჯენის ჯოპლინი გამოემცხადა!

ბუხაიდის ქუჩაზე, რკინიგზის ლიანდაგების გვერდით, ფიჭვების კორომში, შურდულის ჯოხივით ორადგაყოფილი ფიჭვის შუაგულში, როგორც ტახტზე, ისე იჯდა ჯენის ჯოპლინი. წელს ზემოთ ტანით ორადგაყოფილი ხის ერთ ვარჯს ეყრდნობოდა, ფეხები მეორეზე ჰქონდა შემონწყობილი და ფლეიტაზე რაღაც ნაღვლიან მელოდიას აწვალებდა!

ზუსტად ისეთი განწილი თმები, როგორც ჯენის ჯოპლინს ჰქონდა, მისი ერთ-ერთი ყველაზე გიჟური სიმღერის – Cry Baby-ს შესრულებისას ან ვუდსტოკის ფესტივალზე.

Cry baby-yyy (იტირე ბავშვო...) – იმეორებს ჯენისი, მუხლებზე დგას, მართლა ალალი ცრემლებით ტირის და თითქოს სიმღერას ეხვეწება... ეხვეწება, არ დამთავრდო... არა, არ უნდა დამთავრება... არც შენ გინდა დამთავრდეს და ამიტომ ისევ ისევ – Cry babyyyy...

ენით აუნერელი, განუმეორებელი პერფორმანსი.

გოგონას ჰიპივით ეცვა... ხაკისფერი ბლუზა და მოხაკისფრო ჯინსები, განწილი გრძელი თმები.

გაჩერდი. ჩარლიც გაჩერდა და ინტერესით მიაჩერდა ხის ტახტზე მჯდომ ასე 17-18 წლის გოგონას.

ეტყობოდა, ქართველი არ იყო და საიდან ხარ-მეთქი, – ვკითხე ინგლისურად. ამ უცნაური სანახაობის შთაბეჭდილების ქვეშ მყოფს, არ მინდოდა, რომ რუსი ყოფილიყო, მაგრამ რუსი აღმოჩნდა.

მკითხავთ, ლამაზი იყო?!

რა სულელური კითხვაა! ლამაზი შესაძლოა იყოს მთა, ცა, ზღვა, ყვავილი... ჯენის ჯოპლინი?! ღმერთო ჩემო, ჯენისი ქუჩაში რომ შეგხვედროდა, შესაძლოა,

ყველაზე უშნო ქალადაც მოგჩვენებოდა, მაგრამ სცენაზე?! სცენაზე ჯენისი იყო დედოფალთა დედოფალი... გამომწვევად ეროტიკული, სექსის მანქანა... მას შეეძლო, თავისი ენერჯით, თავისი ტემპერამენტით, სექსუალურობით უბრალოდ დაეჩრდილა, შეუმჩნეველ, გამხმარ, ულამაზო ბუჩქად, არარაობად ექცია ნებისმიერი „მის მსოფლიო“... თუნდაც ასევე დიდი მომღერლის, თბილისში ნამყოფი კრის დე ბურგის ულამაზესი ქალიშვილი, „მის მსოფლიო“ როზანა დევისონი ან თუნდაც შეუდარებელი შავი დედოფალი – აგბანო დარეგო...

მე სცენაზე ოცდახუთი ათას ადამიანთან მაქვს სექსი და როცა კონცერტი მორჩება შემდეგ... სახლში მარტო მივდივარ, – მგონი, ასე თქვა ერთხელ ჯენისმა.

სამწუხაროა, რომ ის მაშინ შეინირა ნარკოტიკებმა, როცა მხოლოდ და მხოლოდ შვიდი წლის ვიყავი!

ლამაზი? ახლა ყურსასმენებში ჯენის ჯოპლინს ვუსმენ, როცა კომპიუტერის ეკრანიდან თავს ავწევ და ფანჯარაში გავიხედავ, მთანმინდას შევცქერი... ლამაზია...

ქალი?! გააჩნია ვინ და სად არის ლამაზი... ზოგი – სანოლში, ზოგიც – პლაჟზე, ზოგი – სამსხურში, ზოგი – შვილებთან, ზოგი – სცენაზე...

ის პლაჟზე ლამაზი გოგო ხშირად უკიდურესად სასაცილო და საწყალია სამსახურში, ხოლო სანოლში სექსის დედოფალი სცენაზე სამღერლად რომ აუშვა, იქ სტვენა ატყდება... მაგრამ, რადგან ასე დაინტერესდით, მაინც გეტყვით, ეს გოგონა ამ ხეზე უცნაურად ლამაზი იყო! უბრალოდ, ულამაზესი.

– Ты хиппи?(ჰიპი ხარ?) – ვკითხე და მან იდუმალი ღიმილით გაიღიმა და უარის ნიშნად თავი გაიქნია.

– Дженис была хиппи. Впрочем, скорее битник (ჯენისი ჰიპი იყო, თუმცა, ალბათ, უფრო ბიტნიკი), – ვუთხარი და მივხვდი, რომ მან არაფერი იცოდა ჯე-

ნის ჯოპლინის შესახებ და ავუსხენი, რომ ჯენისი მომღერალი იყო, რომლის მსგავსიც იშვიათად გამოსულა სცენაზე.

ჰიპოტიკი გამიგია და ბიტნიკებიც, მაგრამ არ ვიცი, რა განსხვავებაა მათ შორისო და პასუხში მომინდა, თან ისიც გამომეხატა, რომ იმის გამო, რასაც უკრაინაში სჩადიან, რუსების მიმართ დიდი სიმპათიით არ ვიყავი განწყობილი, თან თავიც მომეწონებინა ცოდნით და ვუთხარი, რომ ჰიპებს სჯეროდათ, რომ სამყარო შესაძლოა, უკეთესი გახდეს, ხოლო ბიტნიკებმა იცოდნენ, რომ სამყარო არასდროს გახდება უკეთესი და ამიტომ იქ გააგზავნეს სამყარო, სადაც უკრაინელებმა რუსული სამხედრო ხომალდი და დაუოკებელი დროისტარება, ორგია, ნარკოტიკები და სასმელი გაიხადეს გასართობად-მეთქი!

გამომადგა კერუაკი – ბიტნიკი მწერალი, რომლის ორი რომანიც ორიოდ წლის წინ წავიკითხე!

გოგონამ ყურადღებით შემომხედა, „რუსული გემის“ ამბავი, ეტყობა, მაინცდამაინც არ ესიამოვნა და ფლეიტაზე ნაღვლიანი მელოდის წვალემა განაგრძო.

შემდეგ, ნარკომანი არ ვარო... მითხრა მოკლედ! დიახ, ასე თქვა – я не наркоманка! თუმცა რუსულ ხომალდზე არაფერი უთქვამს. მივხვდი, რომ „რუსი კარაბლის“ თემით ვაწყენინე, ჩარლისაც მობეზრდა ეს დიალოგი და მექაჩებოდა. ამიტომ გადავწყვიტე, გზა გამეგრძელებინა. ამ დროს უცებ ფლეიტა მოიშორა და მითხრა!

– Я никогда не слушала песни Дженис Джоплин. Но я согласна - мир страшен. Вот почему я не хочу взрослеть! Я хочу остаться ребенком! Я Питер Пэн (მე არასდროს მისმენია ჯენის ჯოპლინის სიმღერებისთვის, თუმცა ვეთანხმები – მსოფლიო საშინელია. ამიტომაც, მე არ მინდა გავიზარდო! ბავშვად დარჩენა მინდა! მე პიტერ პენი ვარ.), – თქვა და ფლეიტაზე იმ ნაღვლიანი მელოდის წვა-

ლება განაგრძო.

შევხედე მის განწეილ თმებს, სადაც რაღაც მიძევებივით ჰქონდა ჩაბნეული, ფლეიტას, რომელიც ხელში ეჭირა და გამახსენდა ფილმი პიტერ პენსა და ბოროტ კაპიტან კაუჭაზე, რომელსაც ალბათ თხუთმეტი წლის ან კიდევ უფრო მეტი წლის წინათ ჩემს უფროს შვილებთან ერთად ვუყურე.

გამახსენდა პიტერ პენი, რომელსაც ბავშვად დარჩენა სურდა... ვიფიქრე, რომ საუბარს უკან დაბრუნებისას გავაგრძელებდი და ამიტომ პასუხად მხოლოდ გავუღიმე, თუმცა, ეს მას არ შეუმჩნევია. ისევ ფლეიტას აწვალედა!

მე და ჩარლიმ გზა გავაგრძელებით და ასი მეტრის გავლის შემდეგ რკინიგზის ქვეშ გამავალ გვირაბთან მივედით, სადაც გუშინ რაღაც კლიპს თუ ფილმს იღებდნენ საქართველოს საფეხბურთო ნაკრების ფანკლუბზე, შემდეგ უკან მოვტრიალდით და ვაპირებდი, რაღაც მეთქვა ამ გოგონასთვის, რომელსაც ბავშვობაში დარჩენა სურდა, მაგრამ ის უკვე აღარ იჯდა ხეზე. მე მას თვალებით ბუჩქებში დავუნყე ძებნა, შემდეგ ბუხაიძის პერპენდიკულარული, ქვევით ჩამავალი ქუჩა შევათვალიერე, მაგრამ არც იქ ჩანდა...

პიტერ პენი გაქრა. გაფრინდა..

მე და ჩარლი ჯერ ტრენაჟორებთან მივედით, შემდეგ სახლში დავბრუნდით და მე ამ ისტორიის წერა დავიწყე უცნაური გოგონას შესახებ, რომელსაც პატარად დარჩენა სურდა!

P.S. ვილაცას შესაძლოა, მაინც მოეჩვენოს, რომ რაღაცას ვიგონებ, თუმცა ჰკითხეთ მათ, ვინც ბუხაიძის და ელენე ახვლედიანის ხევის, სამრეკლოს და კუმისის ქუჩების გადაკვეთაზე ცხოვრობს, მათაც ხომ არ შეუმჩნევიათ, „პიტერ პენი“, რომელიც თავიდან ჯენის ჯოპლინის ფანი მეგონა, რომელიც შურდულის ჯოხივით ორად გაყოფილ ხეზე იჯდა და რომელსაც ამ საშინელ სამყაროში, სადაც ბავშვების ხოცვა ყოველდღიურობად იქცა, ბავშვად დარჩენა სურდა.





## ნინია კაპანაძე

### ცრუპენტალა ხოლო

შემპირდა და მომატყუა,  
კოლომ, ცრუპენტელამ.  
ასე მითხრა, ვიმეგობროთ  
ამ ეზოში ყველამ.

მაგრამ თვითონ დაივინყა,  
და გატეხა ფიცი,  
დამკბინა და სადღაც გაქრა,  
სად, არავინ იცის.

კოლოვ, ასე რად დამკბინე  
ცხვირზე, ხელზე, ფეხზე?  
თუკი ვინმემ გაგაბრაზა,  
ჯავრს ნუ იყრი ჩემზე.

ერთხელაც თუ მოკალათდი  
ჩემს კულულა თმებზე,  
ალარასდროს დაგპატიუებ,  
დაბადების დღეზე.

### ციყვი

– ამდენ კაკალს რომ აგროვებ,  
ვისთვის გინდა ან რისთვის?  
თურმე ციყვი ემზადება,  
სუსხიანი ზამთრისთვის.  
ვიცი, რომ არ შეგცივდება  
ჩაგიცვია ეგ ქურქი,  
რას დაგაკლებს თოში, ყინვა  
ან ძლიერი ქარბუქი?

სანოვაგით გამოავსე  
შენი თბილი ფულურო,  
ვიცი, გინდა თოვლის ფიფქებს  
უდარდელად უყურო.

გპირდები, რომ გესტუმრები,  
დამდეგ შობა-ახალ წელს,  
აი, ნახე, არ მოგაკლებ,  
ქეიფსა და თამაშებს.

## თუშეთი

მთაში მიდის ბიჭი ლუკა,  
ხელში მოიმარჯვა რუკა.  
ყურადღება! მე ვარ გიდი,  
წინ გზა გველის გრძელი, დიდი.

მზის ჩასვლამდე უნდა ვნახოთ,  
დართლო, შენაქო და დიკლო,  
არ შეშინდეთ, ზაფხულია,  
დღე გრძელია, ღამემ იკლო.

მთის ბილიკზე წინ მიუძღვის,  
ალპინისტებს ჩვენი გიდი,  
მთის და ბარის სიყვარული  
გულში უდევს დიდზე დიდი.

## ჯოსმონავტები

ზურიკელამ უთხრა ლუკას,  
უქმად ჯდომას არ აქვს ფასი,  
მოდი, ვნახოთ პლანეტები,  
იუპიტერი და მარსი.

მოაგორეს ძველი კასრი,  
ხერხი, დანა – ორთავ ბასრი,  
კასრში კარი ამოაჭრეს,  
დაახურეს თავზე თასი.

რაკეტაა მზადყოფნაში,  
აიჭრება მალე ცაში.  
მიესალმეთ კოსმონავტებს,  
ყველამ დაუკარით ტაში!

## სიზმარი

დედიკო და მამიკო,  
ეს სიზმარი არ იყო,  
ღამით ცაში გავფრინდით,  
მე, ლუკა და მათიკო.

ვითამაშეთ მთვარეზე,  
ვარსკვლავებთან ვიფრინეთ,  
და ცის ყველა კუთხეში,  
ვიხტუნეთ და ვიცინეთ.

თურმე, ჩვენი ლოგინი,  
შეკაზმული რაშია,  
დღე მინაზე დავქრივართ,  
ღამით – მაღლა ცაშია.

## საქართველო

ბაბუა და ბებია,  
ეს რამხელა მთებია?!  
გაოცებით ვუყურებ,  
მწვერვალს თოვლიც სდებია.

ეს ამდენი ჩუხჩუხა  
მდინარეც კი დავთვალე,  
ბებოც შემომეშველა,  
გაიკეთა სათვალე.

ხან მთაში ვარ, ხან ბარში,  
ყველაფერი მახარებს.  
ლამაზო საქართველოვ,  
გულს უნათებ პატარებს.

## მოვალ ჩაგხეუბები


ძლიერ მიყვარს შემოდგომა  
წითელ-ყვითელ ფერებით,  
სკოლის მერე შენთან მოვალ,  
ბებო, მოგეფერები.

გაზაფხულიც როგორ მიყვარს  
თვალს რომ ახელს ბუნება,  
სახლში რომ გაგაზარმაცებს,  
გარეთ ყოფნის ცდუნება.

ცივ ზამთარში თოვლი მიყვარს,  
ბებოს ტკბილი ქადეები,  
ცეცხლისპირთან ნაამბობი  
ბაბუს ძველი ზღაპრები.

ზაფხული რომ იგვიანებს,  
ბებო ნუ მებუტები,  
ქარიშხალზე სწრაფად მოვალ,  
მოვალ ჩაგეხუტები.





## ფრენკ ო'კონორი

### ჩემი ოიდიკოსის ჯომავლქსი

მამა ომის დროს (რასაკვირველია, პირველ ომს ვგულისხმობ) სულ არმიაში იყო და სანამ ხუთი წლის შევსრულდებოდი, ხშირად ვერ ვხედავდი, ხოლო, რასაც ვხედავდი, ალელვების საბაბს არ მაძლევდა. ზოგჯერ, გაღვიძებისას, დიდ, ხაკისფერ სამოსში გამოწყობილი ფიგურა სანთლით ხელში დამცქეროდა. მესმოდა ხოლმე, კარს რომ გაიჯახუნებდა და ქვაფენილზე სამხედრო ჩექმებს აბაკუნებდა. აი, ასე, სანტა კლაუსივით შეუმჩნევლად მიდი-მოდიოდა მამა.

სიმართლე რომ ითქვას, მიხაროდა, როცა გვსტუმრობდა, მაგრამ დილით, როცა დიდ სანოლში შევგორდებოდი, ძალიან ვიჭყლიტებოდი. ენეოდა, რის გამოც სასიამოვნოდ მძაფრი სუნი სდევდა თან; ნვერის პარსვის ოპერაცია ჩემში გასაოცარ ინტერესს აღძრავდა. ყოველი სტუმრობისას სუვენირთა მთელ წყებას ტოვებდა: სათამაშო ტანკებს, ვაზნისტარიან დანებს, გერმანულ ჩაფხუტებსა თუ კეპებს, მარკებს, სამკერდე ნიშნებსა და ყველა სახის დანარჩენ აღჭურვილობას, რომელსაც კარადის თავზე, დიდ ყუთში ინახავდა, ვინ იცის,

იქნებ ოდესმე რამეში გამოგვადგესო. მამაჩემი ათასნაირ ხარახურას აგროვებდა იმის იმედად, რომ ოდესმე ყველაფერი დასჭირდებოდა, ხოლო, როცა მის ყურადღებას სხვა რამე მიიქცევდა, დედა უფლებას მაძლევდა, კარადასთან სკამი მიმედგა და მისი ძვირფასეულობა გამეჩხრიკა. როგორც ჩანს, დედას დიდად არ ადარდებდა მამას ნივთები.

ომის დროს ჩემს ცხოვრებაში მშვიდობა სუფევდა. სხვენის ფანჯარა სამხრეთ-აღმოსავლეთს უმზერდა. დედაჩემს ფარდები კი ჩამოეფარებინა, მაგრამ მზის პირველივე სხივები მაინც მაღვიძებდა. წინა დღის სადარდებელი იფანტებოდა და მეც თითქოს მზესავით ვანათებდი და ვხარობდი. სხვა დროს ცხოვრება არასდროს იყო ასეთი მარტივი, ნათელი და შესაძლებლობებით სავსე, როგორც ახლა. პიჟამოდან ფეხებს გამოვყოფდი, რომელთაც მისის მარცხენასა და მისის მარჯვენას ვეძახდი და მათთვის ვდგამდი დრამატულ სცენებს, სადაც ისინი დღის მოსალოდნელ სირთულეებზე მსჯელობდნენ, ყოველ შემთხვევაში, მისის მარჯვენა მაინც იწუხებდა თავს; ძალიან ბოზოქარი

გახლდათ. აი, მისის მარცხენასთან კი უფრო რთულად იყო საქმე. იგი, როგორც წესი, მხოლოდ თავის დაკვრით შემოიფარგლებოდა ხოლმე.

მსჯელობდნენ იმაზე, თუ რა უნდა გვეკეთებინა მე და დედას დღის განმავლობაში, თუ რა იქნებოდა ბიჭისთვის შესაფერისი საჩუქარი სანტა კლაუსისგან და როგორ უნდა გაგველამაზებინა სახლი. ბავშვთან დაკავშირებით ერთი პატარა საკითხი გვანუხებდა, რომელზეც მე და დედა ვერასდროს ვთანხმდებოდით. ჩვენს ქუჩაზე ერთადერთი ოჯახი ვიყავით ახალშობილი ბავშვის გარეშე. დედა ამბობდა, სანამ მამა არ დაბრუნდება, ამას ვერ გავწვდებით, რადგან ახალი ბავშვი ჩვიდმეტი შილინგი და ექვსი პენსი ღირსო. ეს იმაზე მიაჩნებოდა, თუ როგორი მიაშიტი იყო დედა. თითქოს არ იცოდა, ჯინების ოჯახს, ქუჩის თავში, ახალდაბადებული ბავშვი მოეყვანათ, მაგრამ ყველას კარგად მოეხსენებოდა, რომ მათ თექვსმეტი შილინგი და ექვსი პენსი არ გააჩნდათ. ალბათ, იაფფასიანი ბავშვი იყო, დედას კი რალაც ძვირფასი სურდა. მე კი ვფიქრობდი, რომ ის ზედმეტ პრეტენზიულობას იჩენდა. ჩვენ ხომ იაფი ბავშვიც კარგად დაგვხატავდა.

დღის გეგმები რომ დავანწყვე, ნამოვდექი, სხვენის ფანჯარასთან სკამი მივიდგი და ჩარჩო იმ სიმაღლეზე ავნიე, შიგ თავი რომ გამტეოდა. ფანჯარა ჩვენს უკანა ქუჩაზე ეზოებსა და ბალებს გადაჰყურებდა, მათ მიღმა ვრცელი ველი მოჩანდა, იმის იქით კი, ბორცვებზე, მაღალი, წითელი აგურით ნაშენები სახლები ჩამწკრივებულიყო, რომლებიც ჯერ კიდევ ბინდს მოეცვა მაშინ, როცა ჩვენი ქუჩა უკვე კარგად განათებულიყო, თუმცა უცნაური ლანდები მას უცხოს, მკაცრსა და ფერადს აჩენდა.

მერე დედას ოთახში შევედი და სანოლში შევგორდი. მან გაიღვიძა, მე კი ჩემი მზაკვრული გეგმების მოყოლა დავიწყე. ვერ ვამჩნევდი, მაგრამ ჩემსავე

ლამის პერანგში ვიყინებოდი და გაუჩერებლად ვლაპარაკობდი, სანამ ყინული არ გადნებოდა და დედაჩემის გვერდზე არ ჩამეძინებოდა, რის შემდეგაც სამზარეულოდან მისი ფუსფუსის ხმა თულა გამაღვიძებდა.

საუზმის შემდეგ ქალაქში მივდიოდით; წმინდა ავგუსტინეს ტაძარში წირვას ვესწრებოდით, მამასთვის ვლოცულობდით და მერე კი საყიდლებზე გავივლიდით ხოლმე. თუ შუადღეს კარგი ამინდი იყო, ქალაქგარეთ მივდიოდით სასეირნოდ ან დედას საუკეთესო მეგობარს, წმინდა დომინიკას მონასტერს ვაკითხავდით. ყველა მონაზონს სთხოვდა, მამისთვის ელოცა და მეც ყოველ ღამე, ძილის წინ, ღმერთს ვევედრებოდი, მამა ომიდან სალსალამათი დაებრუნებინა. ჯერ კიდევ წარმოდგენა არა მქონდა, რას ვითხოვდი!

ერთ დილას, როცა ჩვეულებისამებრ დიდ სანოლში შევგორდი, იქ მამა დამხვდა. მოგვიანებით, უნიფორმის ნაცვლად, ლურჯი პიჯაკი მოირგო, რამაც დედა მეტად გააბედნიერა, თუმცა მე ამაში სასიხარულოს ვერაფერს ვხედავდი, რადგან უნიფორმის გარეშე მამა უინტერესო პერსონაჟი იყო. დედამ გაბადრული სახით ამიხსნა, რომ ღმერთს ჩვენი ლოცვები შეესმინა. იმ დღეს კვლავ წირვაზე გავეშურეთ და ღმერთს მამას მშვიდობით დაბრუნებისთვის მაძლობა მივაგეთ.

რა ირონიულია! ზუსტად იმავე დღეს, როცა მამა სადილად სახლში შემოვიდა, ჩექმები გაიძრო, ჩუსტები ჩაიცივა, თავისი ძველი ბინძური ბერეტი დაიხურა, რომელსაც მხოლოდ სახლში ატარებდა, რათა გაციებისგან თავი დაცვა, ფეხი ფეხზე გადაიდო და დედას სერიოზული საუბარი გაუბა, რამაც დედა ფრიად ააღელვა. ბუნებრივია, მისი აღელვება არ მახარებდა, რადგან ამ დროს საშინლად ეცვლებოდა გამომეტყველება, ხოდა, მეც ავდექი და სიტყვა შევანწყვიტინე.

– ერთი წამით, ლარი! – თქვა თავაზიანად.

ამას მხოლოდ მაშინ ამბობდა, როცა მოსაწყენი სტუმრები გვყავდა, ამიტომაც ამას არანაირი მნიშვნელობა არ მივანიჭე და ლაპარაკი განვაგრძე.

– ცოტა ხნით მაცალე, ლარი! – მეუბნებოდა მოთმინებადკარგული. – ვერ ხედავ, მამას რომ ველაპარაკები?!

დედას ჩემთვის მსგავსი ავისმომასწავებელი სიტყვები აქამდე არასდროს ეთქვა – მამას ველაპარაკებო, მე კი ვფიქრობდი, რომ თუკი ასე პასუხობდა ღმერთი ლოცვებს, ესე იგი არც ისე ყურადღებით უსმენდა მათ.

– მამიკოს რატომ ველაპარაკები?! – ვეკითხებოდი და ვცდილობდი, გულგრილი გამოვჩენილიყავი.

– იმიტომ რომ საქმე გვაქვს. მეტჯერ აღარ გაგვანყვეტინო!

შუაღღეზე, დედის თხოვნით, მამამ სასეირნოდ წამიყვანა. ამჯერად ქალაქში გავლა გადავწყვიტეთ. მე ჩემებურად, ოპტიმისტურად ვფიქრობდი, რომ ეს შეიძლება უკეთესიც კი ყოფილიყო.

მსგავსი არაფერი. ქალაქში სეირნობაზე ერთმანეთისგან სრულიად განსხვავებული წარმოდგენები აღმოგვაჩნდა. მას არ აინტერესებდა არც ტრამვაი, არც გემები, არც ცხენები და საერთოდ ერთადერთი რამ, რაც ართობდა, თავისი ასაკის ხალხთან საუბარი იყო. როცა მე დასვენება მინდოდა, ის გზას აგრძელებდა და ხელით მიმართევდა, ხოლო, როცა მას მოუნდოებოდა დასვენება, სხვა გზა არ მრჩებოდა და ვთანხმდებოდი. შევამჩნიე, რომ თუ კედელს მიეყრდნობოდა, ეს იმის ნიშანი იყო, რომ კაი ხანი არ აპირებდა ფეხის მოცვლას. როცა მეორედ შევნიშნე, ამას აკეთებდა, ლამის ჭკუიდან გადავედი. თითქოს მთელი ცხოვრების იქ გატარება გადაენწყვიტა. ქურთუკსა და შარვალზე ვექაჩებოდი, მაგრამ ის, დედასგან განსხვავებით, არ ამბობდა: გაჩერდი, თორემ მოგცხებო. მა-

მას მშვენივრად შეეძლო მეგობრული უყურადღებობა გამოევილინა. ვუყურებდი და ვფიქრობდი, ტირილი ხომ არ დავინყო-მეთქი, მაგრამ ცივ გამომეტყველებაზე ემჩნეოდა, რომ ამითაც ვერ მოვულობოდი გულს. მართლაც აულებელ ციხე-სიმაგრესთან მქონდა საქმე. ქურთუკის დაქაჩვასა და მუშტების რტყმასაც კი არაფრად აგდებდა, მეტიც, ნასიამოვნები სახით ილიმოდა. აქამდე საკუთარ თავში ასე ჩაფლული არავინ მენახა.

ჩაიზე დედამ ისევ მამასთან საუბარი დაიწყო. ამჯერად სიტუაციას ისიც ართულებდა, რომ მამას ხელში საღამოს გაზეთი ეჭირა, რომელსაც დროდადრო დადებდა და დედას რაიმე სიახლეს ამცნობდა. ეს უსამართლობად მიმაჩნდა და მზად ვიყავი, როგორც კაცი კაცს, ნებისმიერ დროს შევჯიბრებოდი დედის ყურადღების მოსაპოვებლად, მაგრამ, როცა მას სხვების შეთხზული ამბები უმაგრებდა ზურგს, მაშინ ვერაფერს ვანყობდი. რამდენჯერმე ამაოდ ვცადე საუბრის თემა შემეცვალა.

– ჩუმად იყავი, როცა მამა კითხულობს! – მეუბნებოდა გაბრაზებული დედა.

ამკარა იყო, რომ ან მართლაც ძალიან უყვარდა მამასთან ლაპარაკი, ან რალაც დამაბრკოლებელი გარემოების წყალობით, სიმართლის აღიარების ეშინოდა.

– დედა, – ვუთხარი ერთხელ, როცა სანოლში მანვენდა. – თუ უფრო მეტს ვილოცებ, ღმერთი მამას ომში არ დაბრუნებს?

ერთი წამით ჩაფიქრდა.

– არა. – მითხრა და გამიღიმა. – არა მგონია, ასე მოხდეს.

– რატომ?

– იმიტომ. ძვირფასო, რომ ომი დასრულდა.

– მაგრამ ღმერთს ხომ შეუძლია კიდევ ერთი ომი მოაწყოს, თუ მოუნდება?

– არა მგონია, ეს მოუნდეს. ძვირფასო, ომს ღმერთი კი არა, ცუდი ადამიანები იწყებენ.

– ოჰ! – ჩავილაპარაკე.

იმედგაცრუებული დავრჩი. ამ მონენტში ვიფიქრე, რომ ღმერთი ისეთი ყოვლისშემძლე ვერ იყო, როგორც მას ხალხი წარმოაჩენდა.

მომდევნო დილას ჩვეულ დროს გავიღვიძე. თავს შამპანურის ბოთლივით ვგრძნობდი. ფეხები გამოვყავი. მისის მარჯვენამ დიდი დიალოგი გამიბამის შესახებ, თუ როგორ უმწარებდა ცხოვრებას მამა, სანამ იგი თავშესაფარში არ მიაბარა. არ ვიცოდი, თავშესაფარი რას ნიშნავდა, თუმცა ისეთ ადგილს ჰგავდა, მამას რომ მოუხდებოდა. მერე ფანჯარასთან სკამი მივიდგი და გარეთ გავიხედე. ის-ის იყო, თენდებოდა. ვგრძნობდი, ზუსტ დროს მივასწარი განთიადს. გამოგონილ ამბებსა და მზაკვრულ გეგმებზე ფიქრით უკვე თავი მისკდებოდა. შევბარბაცდი გვერდით ოთახში, რომელიც ჯერ კიდევ ბნელს მოეცვა და სანოლში შევცოცდი. დედას მხარეს ადგილი აღარ დარჩენილიყო, ამიტომაც, იძულებული გავხდი, მასა და მამას შორის ჩავკვეხებულყავი. ერთხანს დამავინწყდა კიდეც მისი არსებობის შესახებ; რამდენიმე წუთი წამომჯდარი იმაზე ფიქრით ვიმტვრევდი თავს, თუ რა მომეხერხებინა მისთვის. კუთვნილზე მეტ ადგილს იკავებდა, მე კი ვერ ვისვენებდი. ერთი ორჯერ ნიხლიც ვუთავაზე. ის შეიშმუშნა და აბუტბუტდა, თუმცა სივრცე კი გამითავისუფლა. დედამ გაიღვიძა და ხელი მომავლო. მოსახერხებლად ჩავწექი, სანოლის სითბო შევიგრძენი და ცერა თითის ლოკვას შევუდექი.

– დედიკო! – ვთქვი ხმამაღლა და კმაყოფილებით აღსავსემ.

– შუ! – ჩურჩულებდა დედა. – მამიკოს გააღვიძებ!

ეს ახალ სირთულეს წარმოადგენდა, რომელიც იმას გვიქადა, რომ საქმე

ახლა გაცილებით უფრო რთულად იქნებოდა, ვიდრე „მამასთან საუბრისას“.

დედაჩემთან დილის თათბირების გარეშე ცხოვრება წარმოუდგენელი მეჩვენებოდა.

– რატომ? – ვიკითხე სერიოზულად.

– ცოდვაა. დალლილია.

ეს შეუფერებელ მიზეზად მეჩვენებოდა. ზიზღს აღმიძრავდა ის სენტიმენტალურობა, რომლითაც იგი ამ სიტყვებს წარმოთქვამდა. ემოციების ასე ჭარბად გამოსატყა არასდროს მიზიდავდა და ყოველთვის ხელოვნურად მეჩვენებოდა.

– ოჰ! – ვთქვი მხიარულად. შემდეგ კი ყველაზე დამყოლი ტონით... – იცი, დღეს სად მინდა რომ წამიყვანო?

– არა, ძვირფასო! – ამოიხვნეშა დედამ.

– მინდა, მდინარეზე წავიდე, ჩემი ახალი ბადით მახათა თევზები დავიჭიროთ, დაჭერობანა ვითამაშოთ და...

– მამა არ გააღვიძო! – ჩაისისინა დედამ და პირზე ხელი ამაფარა.

უკვე გვიან იყო. მამას თითქმის უკვე გამოღვიძებოდა. ჩაიბუზღუნა და ასანთს წასწვდა. აილო და გამოფხიზლების მოლოდინში დიდხანს უმზერდა.

– ყავას მიირთმევ? – ეკითხებოდა დედა ისეთი მორიდებული ხმით, მისგან აქამდე არასდროს რომ არ მსმენოდა. თითქოს რალაცის ეშინოდა.

– ჩაი? – წამოიძახა გაბრაზებულმა – იცი რა დროა?!

– მერე კი რეჩკუნის ქუჩაზე წავიდე! – წამოვიყვირე იმის შიშით, რომ მათ დიალოგში ჩემი სათქმელი უკან დამრჩებოდა.

– სწრაფად დაიძინე, ლარი. – მკაცრად ამბობდა დედა.

ავსლუკუნდი. ისე იქცეოდნენ, ყურადღების მოკრება მიჭირდა. ჩემს მზაკვრულ გეგმებს ჩანასხშივე სპობდნენ.

მამა გაიტრუნა. ჩიბუხს მოუკიდა და გააბოლა. ჩრდილებს გასცქეროდა



და ყურადღებას არ გვაქცევდა, თითქოს იქ არც ვყოფილიყავით. ვიცოდი, რაღაც ვერ ჰქონდა წესრიგში. რამდენჯერაც არ უნდა აღმენიშნა რამე, დედა გალიზიანებული მაჩუმებდა. თავს დამცირებულად ვგრძნობდი. ვფიქრობდი, დიდ უსამართლობას ჰქონდა ადგილი. იყო მასში რაღაც ავისმომასწავებელი. ყოველ ჯერზე, როცა მივანიშნებდი, რა საჭიროა ორი სანოლის გაშლა, როცა ერთ სანოლშიც მშვენივრად დავეტევით-მეთქი, მეუბნებოდა, ასე უფრო უსაფრთხოაო; რა გამოდიოდა, ჩემთან ძილი საფრთხისშემცველი, ვილაც სრულიად უცხო კაცთან ძილი კი უსაფრთხო იყო?!

მამა დილით ადრე ადგა და ჩაი აადულა. დედას ერთი ფინჯანი ამოუტანა, ჩემთვის კი ვერაფერი გაიმეტა.

– დედიკო! – ვყვიროდი, – მეც მიინდა ჩაი!

– ჰო, ძვირფასო! – მითხრა დედამ აუღელვებლად, – ჩემი ლამბაქიდან დალიე.

საკითხი რთულად იდგა: ან მე დავტოვებდი სახლს, ან მამა. სულაც არ მინდოდა, ჩაი ლამბაქიდან დამელია. მინდოდა, ჩემსავე სახლში ისე მომპყრობოდნენ, როგორც ზრდასრულს. ჯიბრზე, ბოლომდე დავეულიე ჩაი. ესეც მშვიდად მიიღო.

მაგრამ ერთ ღამეს, როცა მაძინებდა, მორიდებით მითხრა:

– ლარი, რაღაცას უნდა დამპირდე.

– რას?

– იმას, რომ დილით საძინებელში არ შემოვარდები და საბრალო მამას არ შეაწუხებ. მპირდები?

ისევ ეს „საბრალო მამა“. უკვე ყველაფერზე ვეჭვიანობდი, რაც კი ამ აუტანელ კაცს ეხებოდა.

– რატომ? – ვიკითხე.

– იმიტომ, რომ მამა დაღლილი და ანერვიულებულია, თანაც ძალიან ცუდად სძინავს.

– და რატომ ვერ იძინებს, დედიკო?!

– გახსოვს, როცა მამა ომში იყო, ფოსტაში რომ მივდიოდით და ფულს ვიღებდით ხოლმე?

– მისის მაკარტნისგან?

– ჰო. მისის მაკარტნი მეტს ველარ გვეხმარება და ამიტომ მამიკო ვალდებულია, წავიდეს და ფული იშოვოს. იცი, რა მოხდება, თუ ვერ იშოვოს?

– არა, მითხარი.

– მაშინ მოგვინევს, გარეთ გავიდეთ და იმ მოხუცივით ვიმათხოვროთ, პარასკევობით რომ ვხედავთ ხოლმე. ეს ხომ არც ისე კარგი იქნება?!

– არა. არ იქნება, – დავეთანხმე.

– ესე იგი, მპირდები, რომ დილით აღარ შემოვარდები და აღარ გააღვიძებ?

– გპირდები.

მართლაც გულრწფელად დავპირდი. ვიცოდი, ფული მეტად მნიშვნელოვანი იყო და დიდად არც მოხუცი ქალივით მათხოვრობა მხიბლავდა. დედამ სანოლის ირგვლივ სათამაშოები ისე დამილაგა, როგორც არ უნდა მეცადა, წამოდგომისას ერთ-ერთს მაინც წამოვედებოდი.

დილით, როცა გავიღვიძე, ჯერ სულაც არ ვაპირებდი სიტყვა გამეტეხა. ავდექი, იატაკზე მოვკალათდი და კარგა ხანს ვთამაშობდი. მერე ფანჯარასთან სკამი მივიდგი და სხვენის ფანჯრიდან კიდე უფრო დიდხანს ვიყურებოდი. ვნატრობდი, მამას მალე გაეღვიძა; იმასაც ვნატრობდი, ვინმეს ფინჯანი ჩაით გავენებოვებინე. ამჯერად სულაც არ ვგრძნობდი თავს მზესავით. ძალიან მონყენილი გახლდით და საშინლად მცოდნა. ბუმბულის ბალიშის სითბო და მხურვალეობა მენატრებოდა.

მეტის ატანა აღარ შემეძლო. გვერდზე ოთახში გავედი. დედას გვერდით კვლავ არ იყო ადგილი, ამიტომ სანოლზე ავძვერი. დედას გაეღვიძა და ელდა ეცა.

– ლარი! – ხელი ძლიერად ჩამავლო და ჩამჩურჩულა. – რას შემპირდი?!

– შევასრულე კიდეც! – ამოვიოხრე დანაშაულის გრძნობით შეპყრობილმა.

– სულ ჩუმად არ ვიყავი?

– ო, ძვირფასო, სულ გათოშილხარ!

– მითხრა დამნუხრებულმა, – თუ დაგტოვებ, მპირდება, რომ ჩუმად იქნები?

– ლაპარაკი რომ მინდა?! – ამოვიღნავლე.

– მაგის დრო არაა, – ისეთი სიმტკიცით მითხრა, ჩემთვის აქამდე უცხო რომ იყო. – მამას ძილი სჭირდება. არ გესმის?!

ყველაფერი ძალიან კარგად მესმოდა. მე ლაპარაკი მინდოდა, მას – ძილი. ბოლოს და ბოლოს ვისი სახლი იყო?!

– დედიკო, – ვუთხარი იგივე სიმკაცრით. – უფრო უსაფრთხო არ იქნებოდა, მამას თავის საწოლში რომ დაეძინა?

თითქოს გაოცდაო, ერთხანს ხმა არ გაუღია.

– ერთხელ და სამუდამოდ, – განაგრძო მან. – ან დარჩები და ჩუმად იქნები, ან შენს ოთახში გაბრძანდები. აბა, აიჩიე!

ასეთმა უსამართლობამ საბოლოოდ გამტეხა. ცხადი იყო, შეუსაბამოდ და არაადეკვატურად იქცეოდა, ჩემს შეკითხვაზე პასუხის გაცემაც კი არ უცდიდა. გამწარებულმა მამას ფეხი მივარტყი, ისე, რომ დედას არ შეუნიშნავს. მამა შეიშმუნა და შეცბუნებულმა თვალები დააჭყიტა.

– რა დროა? – იკითხა თავზარდაცემულმა, ისე, რომ დედასთვის არც შეუხედავს, კარს უყურებდა, თითქოს იქ ვილაც მდგარიყო.

– ჯერ ადრეა, – უთხრა დამამშვიდებლად. – არაფერი ისეთი, ბავშვი ვერ ისვენებს. ლარი, რადგან მამა უკვე გააღვიძე, შენს ოთახში უნდა დაბრუნდე.

ახლა, თუმცა სახეზე აუღელვებელი იერი ეფინა, ვხვდებოდი, რომ საქმე სერიოზულად იყო და თუ ჩემს უფლებებსა და პრივილეგიებს არ დავიცავდი, მშობლებისგან უკვე ველარაფერ სარ-

გებელს მივიღებდი. დედამ ხელში რომ ამიყვანა, ისე ვიკვილე, ეს ხმა მამაჩემს კი არა, მკვდარსაც კი გააღვიძებდა. ამოიოხრა.

– ეს ოხერი ბავშვი! ნეტავ ოდესმე თუ სძინავს?!

– ასეა შეჩვეული, ძვირფასო, – თქვა დედამ წყნარად, თუმცა მე ხომ ვხედავდი, შენუხებული იყო.

– დროა, გადაეჩვიოს! – დაიყვირა მამამ და გაჭირვებით წამოიწია. უეცრად თეთრეულს ხელი დაავლო, კედლისკენ შებრუნდა და იქედან პატარა, ბრაზიანი შავი თვალებით დაგვიწყოყურება. მართლაც შიშისმომგვრელად გამოიყურებოდა.

დედამ საძინებლის კარის გაღება რომ დააპირა, ჩამომსვა, მე კი დრო ვიხელთე და შორეული კვილით კუთხისკენ გავიქეცი. მამა საწოლში წამომჯდარიყო.

– მოკეტე, შე პატარა მაიმუნო! – დაიღრიალა.

ამან იმდენად განმაცვიფრა, რომ კვილი შევწყვიტე. აქამდე არასდროს არავის მოემართა ჩემთვის ასეთი ტონით! უნდობლად შევხედე. მრისხანებისგან სახე დამანჭვოდა. მაშინლა მივხვდი, ღმერთმა როგორ გამაცურა, როცა ჩემი ლოცვები შეისმინა და ეს ურჩხული დააბრუნა.

– შენ თვითონ მოკეტე! – ვღრიალებდი თავდაკარგული.

– რა თქვი?! – დამიყვირა და სწოლიდან წამოფრინდა.

– მიკ, მიკ! – ყვიროდა დედა, – ვერ ხედავ, რომ ბავშვი ჯერ კიდეც ვერ შეგეჩვია?!

– ისე, ეტყობა, კაი კვებაზეა, მაგრამ აღზრდა აკლია! – იღრინებოდა მამა და ხელებს აქეთ-იქეთ იქნევდა. – ერთი კაი წამორტყმა უნდა.

აქამდე მოსმენილი ყვირილი არაფერი იყო ამ უხამს სიტყვებთან შედარებით, მე რომ მეხებოდა. სისხლი მიდუღდა.

– შენ თვითონ წამოირტყი! – ვყვიროდი გაშმაგებული. – შენ თვითონ წამოირტყი! ხმა ჩაიგდე! ჩაიგდე-მეთქი!

ეს უკვე ბოლო წვეთი იყო. მოთმინება დაკარგა და გავეშებული მეძგერა. თავდაჯერების გარეშე მოქმედებდა, რაც მოსალოდნელიც იყო, რადგან იქვე გაფითრებული დედაჩემი იდგა და ზუსტად ამის გამო მხოლოდ ერთი სუსტი წამორტყმით შემოიფარგლა, თუმცა თავი მაინც დამცირებულად ვიგრძენი, რადგან ვილაც უცხო მირტყამდა, უცხო, რომელსაც ჩემი ლოცვების ნყალობით ჩვენს საყვარელ საძინებელში ადგილი მიესაკუთრებინა. გაშმაგებით ვყვიროდი და ფეხშიშველა დავტანტალვდი, ის კი, უშნო და ბანჯგვლიანი, მხოლოდ ნაცრისფერი სამხედრო მაისურის ამარა, თავზე მთასავით დამდგომოდა, თითქოს სიკვდილს მიქადისო. სწორედ მაშინ მივხვდი, რომ ისიც ეჭვიანობდა. დედა იქვე იდგა, ღამის პერანგში. თითქოს ვერ გაეგო, ჩვენგან რომელი აერჩია. ვიმედოვნებდი, რომ თავს ისევე გრძნობდა, როგორც ეს ერთი შეხედვით ჩანდა. მაშინ ვფიქრობდი, ახია მაგაზე, ასე მოუხდება-მეთქი.

იმ დღიდან მოყოლებული ცხოვრება ჯოჯოხეთად მექცა. მამაჩემთან სამკვდრო-სასიცოცხლო ბრძოლაში ჩაგები. პატარ-პატარა ბრძოლები გვექონდა: ის დედას მართმევდა, მე კი საყვარელ ქალს ვეშურებოდი. როცა დედა სანოლთან მეჯდა და ზღაპარს მიყვებოდა, მამა შემოვიდოდა ხოლმე და სანოლის ქვეშ იმ ჩექმებს ეძებდა, ვითომ იქ ომის დაწყებამდე რომ დაეტოვებინა. როცა დედას ელაპარაკებოდა, ხმაურთანად ვთამაშობდი, რათა მეჩვენებინა, რომ მის იქ ყოფნას აინუნშიაც არ ვაგდებდი. ერთ დღეს საშინელი სცენა მოაწყო, როცა სამსახურიდან დაბრუნდა და მისი ყუთით ხელში, ინდური მარტებით მოთამაშე დამინახა. დედა წამოდგა და ყუთი გამომიტაცა.

– უნებართვოდ მამიკოს სათამაშო-

ებს ხელი არ უნდა ახლო, ლარი. – მითხრა მკაცრად, – მამიკო ხომ არ თამაშობს შენი სათამაშოებით?!

რატომღაც მამამ დედას ისე შეხედა, თითქოს სილა გაენნა მისთვის და წარბშეკრული გატრიალდა.

– სათამაშოებია ეს?! – იღრიალა მამამ, ყუთი აიღო და კარგად დაათვალიერა. ამონებდა, ბიჭმა რამე ხომ არ ამირიაო.

– ისე, რომ იცოდეთ, ზოგიერთი მათგანი ძალიან იშვიათი და ძვირფასია.

დრო გადიოდა, მე კი ვხედავდი, დედასთვის როგორ ვუცხოვდებოდი. უარესი ის იყო, რომ ვერ ვხვდებოდი, რა ლოგიკით მოქმედებდა ან რა იზიდავდა დედისადმი. ის ჩემთან შედარებით ყველანაირად არასახარბიელო ვითარებაში იყო. არაფრით გამორჩეული აქცენტი ჰქონდა, ჩაის ხვრეპდა და არასასიამოვნო ხმებს გამოსცემდა. ერთხანს ვფიქრობდი, რომ დედას ამ კაცში რაც მოსწონდა, იყო მისი ინტერესი ჟურნალ-გაზეთების მიმართ, ამიტომაც თვითონვე დავიწყე სიახლეების შეთხზვა და დედისთვის მოყოლა. მერე ვიფიქრე, რომ მონევა იყო ის ჩვევა, დედას ასე რომ იზიდავდა მასში და მეც ერთ დღეს მამას ჩიბუხებს დავავლე ხელი. „ბოლთას ვცემდი“, სანამ არ გამომიჭირეს. ჩაის ხვრეპაც ვცაღე, მაგრამ დედამ მითხრა, რა არის, რა ჯანდაბას აკეთებო. ჩანდა, ყველაფერი ერთ ლოგინში ძილის არაჯანსაღ ჩვევაზე იყო დამოკიდებული. ჰოდა, მეც გადავწყვიტე, მათ საძინებელში შევპარულიყავი და იქაურობა დამეთვალეირებინა. ჩემთვის ვლაპარაკობდი, ისე, რომ მათ ვერ შევემჩნიე, თუმცა არასდროს მომხდარა რამე ისეთი, რაც დამამახსოვრდებოდა. საბოლოოდ მაინც გავტყდი. აშკარა იყო, რადგან სრულწონობამდე ბევრი მაკლდა და ბეჭდების გაცვლის რიტუალს ჯერ ვერ ჩავატარებდი, ლოდინის გარდა, სხვა გზა აღარ დამრჩენოდა.

ამავე დროს, მინდოდა, მოწინააღმდეგეს სცოდნოდა, რომ კი არ ვნებდებოდი, არამედ შესაფერის დროს ველოდი შეტევის განსახორციელებლად. ერთ საღამოს, როცა განსაკუთრებით გამაღიზიანებლად იქცეოდა, გადაწყვიტე შეტევაზე გადავსულიყავი.

– დედიკო, იცი რა უნდა ვქნა, როცა გავიზრდები?!

– არა, ძვირფასო!

– ცოლად უნდა მოგიყვანო, – ვუთხარი აუღელვებლად.

მამამ გადაიხარხარა. ჩანდა, სერიოზულად არ აღიქვამდა ჩემს ნათქვამს. მე კი ვხვდებოდი, რომ თვალთმაქცობდა. დედა, ყველაფრის მიუხედავად, ნასიამოვნები დარჩა. მეგონა, შვება მოჰგვარა იმის გაგებამ, რომ ერთ დღესაც მამაჩემის კლანჭებიდან გამოვიხსნიდი.

– რა კარგი იქნება! – მითხრა და გამიღიმა.

– მართლაც შესანიშნავი იქნება, – ვუთხარი თავდაჯერებულად. – ჩვენ ბევრი, ბევრი ბავშვი გვეყოლება.

– მართალია, ძვირფასო, – მითხრა მშვიდად. – მგონი, ერთი უკვე მალე გვეყოლება და აღარ მოიწყენ.

ამან ძალიან გამახარა, რადგან ეს იმას ნიშნავდა, რომ, თუმცა დედა ასე ნებდებოდა მამას, ჩემს სურვილებზე საფიქრალად დრო მაინც რჩებოდა. ამას გარდა, ჯინის ოჯახსაც თავის ადგილს მივუჩინე.

თუმცა ასე არ გამოვიდა. პირველ რიგში, ვერ ვხვდებოდი, საიდან უნდა მოეტანა ჩვიდმეტი შილინგი და ექვსი პენსი. მამა გვიანობამდე კი მუშაობდა, მაგრამ ეს დიდად მაინც ვერ გვშველოდა. დედა ძალიან ბრაზიანი ხდებოდა, აღარც სასაიროდ დავყავი და უმიზეზოდაც ხშირად წამომარტყამდა ხოლმე. ზოგჯერ ვნატრობდი, ნეტავ საერთოდ არ მეხსენებინა ეს ოხერი ბავშვი-მეთქი. საკუთარი თავის საფრთხეში ჩაგდების განსაკუთრებული ნიჭი მქონდა.

მართლაც, რა დიდი უბედურება იყო! სანი ყველაზე არეულ პერიოდში მოველინა ქვეყანას, რამაც დიდი აურზაური გამოიწვია. დანახვისთანავე ავითვალწუნე. რთული ბავშვი იყო – ზედმეტად რთულიც კი. ყოველთვის განსაკუთრებულ ყურადღებას მოითხოვდა. დედა მასზე ისე გიჟდებოდა, ვერც კი ხვდებოდა, რომ ეს პატარა ონავარი მუდამ ბაქიბუქობდა. მასთან ურთიერთობა მოსაწყენზე მოსაწყენი იყო. მთელი დღე ეძინა, მე კი ფეხის წვერებზე მიწევდა სიარული, რათა მისთვის ძილი არ დამეფრთხო. მამის გაღვიძება ვილას ახსოვდა; ახალი სლოგანი ასეთი იყო – „სანი არ გააღვიძოთ!“ ვერ ვიგებდი, დადგენილ დროს რატომ არ ეძინა და, როცა დედა ზურგს შემაქცევდა, მივიდოდი და ვაღვიძებდი ხოლმე. ხანდახან ვჩქმეტიდი კიდეც, ძილი რომ არ მეცლია. ერთხელაც დედამ გამომიჭირა და კარგადაც მომხვდა.

ერთ საღამოს მამა სამსახურიდან სახლში ბრუნდებოდა, მე კი ეზოში მატარებლებით ვთამაშობდი. თავი მოვიკატუნე, თითქოს ვერ ვამჩნევდი. ვითომ ჩემთვის ვლაპარაკობდი, ამ სახლში კიდეც თუ გაჩნდა ბავშვი, მე აქ გამჩერებელი აღარა ვარ-მეთქი.

მამა გაშეშდა და შემომხედა.

– რა თქვი? – მითხრა მკაცრად.

– არაფერი, ჩემთვის ვამბობდი რა-ღაცას... – ვცდილობდი აღელვება არ შემჩნეოდა. – პირადულია.

შეტრიალდა და უსიტყვოდა გამერიდა. ისე კი, სიმართლე რომ ვთქვა, ამით მისი მკაცრად გაფრთხილება მსურდა, მაგრამ საქმე სულ სხვაგვარად წარიმართა. იგი უკვე კარგად მექცეოდა, რაც უკვე მარტივად დასანახი იყო. აი, დედა კი საშინლად მაღიზიანებდა. ჭამის დროსაც კი წამოდებოდა ხოლმე, რათა აკვანში მწოლიარე ჩემს ძამიკოს სულელურად მიმტერებოდა და მამასაც იმავეს გაკეთებას სთხოვდა. მამა ამ დროს ყოველთვის ზრდილობიანი იყო,

თუმცა ჩანდა, იმდენად იბნეოდა, რომ არ ესმოდა, დედა რაზე ლაპარაკობდა. ბავშვის ტირილი ძილს არ აცლიდა, რაზეც წუნუნებდა, რაც დედას სწყინდა. ამბობდა, არ იტირებდა, რამე რომ არ ანუხებდესო, რაც მტკნარი სიცრუე იყო, რადგან სანის არასდროს არაფერი ანუხებდა და მხოლოდ ყურადღების მისაქცევად ტიროდა. მტკივნეული იყო იმის გააზრება, თუ რაოდენ გულუბრყვილო გახლდათ დედაჩემი. მამა გარეგნობით არ გამოირჩეოდა, მაგრამ ჭკუა კი უჭრიდა. კარგად ხვდებოდა სანის ოინებს და ისიც იცოდა, რომ მეც ვხვდებოდი.

ერთ ღამეს უეცრად გამომეღვიძა. გვერდით ვილაც მენვა. თავიდან ვიფიქრე, ალბათ, დედა გონს მოეგო და დამიბრუნდა-მეთქი, მაგრამ შემდეგ სანის ჩხავილი და დედაჩემის ხმა მომესმა: „აბა, აბა, აბა!“ გვერდით მამა მენვა. თვალები დაეჭყიტა, მიძიმედ სუნთქავდა და გაშმაგება ემჩნეოდა.

ცოტა ხნის მერე მივხვდი, რაზეც ბრაზობდა. ახლა მისი ჯერი იყო: დიდი სანოლიდან ჩემი გამოძევების შემდეგ, უკვე თავადაც გამოძევებინათ. დედას, ამ პატარა ონავარის გარდა, აღარაფერი აღელვებდა. მამა ძალიან მეცოდებოდა. მსგავსი რამ მაშინაც ხომ გამოველო, როცა მე ახალდაბადებული ვიყავი, მაგრამ დარწმუნებული ვარ, მე მაშინაც კი დიდსულოვნებას ვიჩენდი და მეტისმეტად არავის ვანუხებდი. მამას მოვეფერე და ვუთხარი: „აბა! აბა!“ მაგრამ პასუხი ვერ მივიღე.

– კიდეც არ გძინავს?! – დამიღრინა მან.

– ო, მოდი ხელი მომხვიე. – ვუთხარი მე და ასეც მოიქცა, თავისებურად, ცოტა უხერხულად, იქნებ ფრთხილადაც. გაძვალტყავებული იყო, მაგრამ სულ არაფერს ხომ მაინც სჯობდა.

შობისთვის გაიჭირვა და სათამაშო მატარებელი მიყიდა.

ინგლისურიდან თარგმნა  
როსტომ წერეთელმა



## ვახტანგ გურული



### არჩილ ჯორჯაძის ეროვნული თანხმობის იდეა

XX საუკუნის დამდეგს დიდი ეროვნული საფრთხით შეძრული არჩილ ჯორჯაძე წერდა: მეოცე საუკუნე კოსმოპოლიტიზმის საუკუნე იქნებაო. ევროპაში დრომოჭმული იდეების საქართველოში შემოტანა მას დამლუპველად მიაჩნდა. 1901 წელს, დასავლურ სამყაროში მიმდინარე პროცესის შეფასების შემდეგ, არჩილ ჯორჯაძე საქართველოსა და ქართველი ერის პერსპექტივაზე მეტად საინტერესო დაკვირვებებს გვთავაზობს: „ჩვენში კი (...) ერთნი, დაძაბუნებულნი და გულგატეხილნი აწინდელ მდგომარეობით, ოცნებითაც კი ვერ ჰბედავენ ჩვენს ეროვნულ ცხოვრების გაუმჯობესებას; მეორენი, განსჭვალულნი ცრუ ეროვნულ აზრებით, ძველ წესწილობილების დარღვევაში ჰხედავენ დაკარგვას იმ აუცილებელ ცხოვრების პირობათა, ურომლოდაც ვითომც შეუძლებელი იყოს ხალხის წარმატება; მესამენი კი, გატაცებულნი ევროპიდან გადმოტანილ დოქტრინულ თეორიებით და გახარებულნი იმით, რომ ჩვენ ცხოვრებაშია იჩინეს თავი ევროპისათვის საზოგადო კანონად გადაქცეულ მოვლენათა, მიჰყვებიან ხელი იდე-

ოლოგიურ მცნების გავრცელებას იმ ხალხში, რომლისაგან შესაძლებელია, ამ მოკლე ხანში მართო ეთნოგრაფიული მოგონება-ლა დარჩეს“. არჩილ ჯორჯაძე ამ სავალალო პერსპექტივასთან მიმართებაში განიხილავდა ქართულ ეროვნულ მოძრაობაში შექმნილ ვითარებას, საერთო ეროვნული იდეის გარშემო სხვადასხვა პოლიტიკურ მიმდინარეობათა გაერთიანების საკითხს.

\*\*\*

XX საუკუნის დამდეგს არჩილ ჯორჯაძემ ჩამოაყალიბა „საერთო მოქმედების ნიადაგის“ პრინციპები, რაც ახალ პოლიტიკურ, ეკონომიკურ და სოციალურ ვითარებაში ილია ჭავჭავაძის „წოდებათა შერიგების“ იდეის გაგრძელებას და განვითარებას წარმოადგენდა.

წერილს „ჩვენი საჭირ-ბოროტო კითხვები“ (1901 წ.) არჩილ ჯორჯაძე ეროვნული საკითხის მნიშვნელობის გარკვევით იწყებს: „იმ მრავალ საკითხთა შორის, რომელნიც აღძრა ჩვენმა ცხოვრებამ, ყველაზე მეტად ღირსშესანიშნავი ეროვნული საკითხია, რადგან მისი სისწორით განმარტება და

აღსნა ამავე დროს აღსნაა სოციალურ საკითხისა, იმ საკითხისა, რომელმაც ასე თვალსაჩინოდ დაჰყო, დაანანი-ლა ჩვენი ინტელიგენცია ერთმანეთის მოპირდაპირე დასებათ“.

XX საუკუნის დამდეგისათვის ეკონომიკური და სოციალური განვითარების შედეგად საქართველოში საკმაოდ რთული, არაერთგვაროვანი ვითარება შეიქმნა. არჩილ ჯორჯაძე წერს: „ჩვენმა ბურჟუაზიულ-ეროვნულმა ჯგუფმა სახეში უნდა იქონიოს ის გარემოება (ჩვენ ვამბობთ იმ პირთა შესახებ, რომელთა იდეალი ძველი ფეოდალური საქართველოა), რომ საქართველო ადრე თუ გვიან ვეღარ ასცდება კაპიტალისტურ პროცესს და აგრეთვე ამ პროცესის შედეგს, ესე იგი შრომის განსაზოგადოებრივობას და მით შრომის და კაპიტალს შორის წინააღმდეგობის მოსპობას. ის გარემოება, რომ ჩვენში ჯერ კიდევ არ არიან მკაფიოდ განკერძოებული კლასები (პროლეტარიატი და ბურჟუაზია), რომ ჩვენი მრეწველობა ჯერ განუვითარებელია, რომ საქართველოს ზოგიერთ კუთხეში ჯერ კიდევ ნატურალური მეურნეობაა, – ყოველი ეს შეუძლებელია ჩაითვალოს იმის საბუთად, რომ საქართველო, ერთხელაც არის, მრეწველობის გზას არ დაადგეს. ეს ფაქტები მხოლოდ იმას ჰმონებენ, რომ ჩვენ ცოტა გვიან დავადგებით ამ გზას. მიუხედავად ამისა, ჩვენს ცხოვრებაში უკვე ისეთი პირობებია, რომელთა გავლენით ჩვენი ქვეყანა ვერ ასცდება კაპიტალისტურ პროცესს. ქართველი მწარმოებელი, უმეტესს შემთხვევაში მეურნე, დიდი ხანია მსოფლიო ბაზრისათვის მუშაობს, და ჩვენის სოფლის ნატურალური წარმოება თანდათან ადგილს უთმობს ფულით წარმოებულ მეურნეობას“. როგორც ვხედავთ, არჩილ ჯორჯაძემ საზოგადოებას არსებული სოციალური და ეკონომიკური ვითარების ღრმა და სერიოზული ანალიზი მიაწოდა, ზუს-

ტად იწინასწარმეტყველა ჩვენი ქვეყნის განვითარების პერსპექტივა.

არჩილ ჯორჯაძე სამართლიანად მიიჩნევდა, რომ ძირეული სოციალური და ეკონომიკური ცვლილების მიმართ ქართველი ერი არაერთგვაროვნად რეაგირებდა: „ჩვენს ბურჟუაზიულ ნაციონალისტებს, რომელნიც ხალხის კეთილდღეობისათვის ჰფიქრობენ, მიუხედავად მათის მიმართულებისა (ლიბერალი იქნება, თუ კონსერვატორი), არ შეუძლიანთ უარჰყონ ის მოვლენანი, რომელნიც წინ გადაელობებიან ამ კეთილდღეობის განხორციელების საქმეში, რადგან განვითარება **ეროვნულ** ცხოვრების ფორმათა ყოველთვის არ არის ხოლმე თავმდეები ამ ერის კეთილდღეობისა და წარმატებისა“. სხვაგვარად ფიქრობდნენ სოციალ-დემოკრატები: „მეორეს მხრით, ჩვენს „მარქსისტებს“ არ შეუძლიათ არ დაინახონ, რომ რთული და საშიში საკითხი ქართველთა ცხოვრებისა ის კი არ არის, რომ ჩვენს ეკონომიურ დამოკიდებულებაში უთანხმოებაა – ის უთანხმოება, რომელიც ყველა თანამედროვე საზოგადოებათა ცხოვრებაშიცაა (არ უნდა დავივიწყოთ, რომ ეს უთანხმოება ჩვენში ნაკლებ მწვავეა), არამედ ის, რომ მთელი ჩვენი ერი და ქვეყანა განსაცდელშია, რომ ჩვენს ერს თანდათან გადაგვარება მოეღის. ჯერ ერი უნდა დავიცვათ და მერე ის ვიზრუნოთ, თუ რა გზაზე დავაყენოთ იგი. როდესაც მოწამე ხარ ერის გადაგვარებისა, როდესაც ხედავ, რომ ეს გადაგვარება ერთნაირად ემოქრება ხალხის ყველა კლასთა, პირველი აზრი, რომელიც უნდა დაიბადოს ამ ხალხის გულის სიღრმეში – თუ ჯერ კიდევ სრულად არ არის ღონე-მიხდილი – არის აზრი საერთო აღორძინებისა და საერთო მოქმედებისა თავისი ვინაობის დასაცავად და შესარჩენად“. ამ შემთხვევაშიც არჩილ ჯორჯაძემ სრულიად გარკვევით აღნიშნა, რომ „სოციალიზ-

მის სამოთხის” მიღწევამდე ქართველი ერის წინაშე იდგა უპირველესი ამოცანა: **ეროვნული საკითხის იმგვარად და იმ დონეზე გადაჭრა, რომ დაუყოვნებლივ შეჩერებულიყო ქართველთა გადაგვარების პროცესი და დაწყებულიყო შელახული ეროვნული ღირსების აღდგენა – ქართული ეროვნული ცნობიერების აღორძინება-გაძლიერება.**

შექმნილ ვითარებაში არჩილ ჯორჯაძეს მოვლენათა განვითარება ასე წარმოედგინა: „ჩვენ ვამბობდით, რომ კანონიერად განმარტებული ეროვნული საკითხი, საკითხია ადამიანთა სიცოცხლისა და თავისუფლებისა, თანახმად წინამდებარე დროისა და ადგილისა, და ამისათვის ჩვენებურ დასთა შორის ატეხილ კამათს მხოლოდ მაშინ მოელება ბოლო, როდესაც თვალსაჩინოდ განმარტებული იქნება თავისუფლება ადამიანთა ცხოვრებისა, თანახმად დროისა და ადგილისა“. ამ დასკვნით არჩილ ჯორჯაძე ქართველ საზოგადოებას განუმარტავდა: **ეროვნული საკითხის გადაჭრა მხოლოდ თავისუფალ საზოგადოებაშია შესაძლებელი, იმ საზოგადოებაში, სადაც ადამიანის უფლება, პირველ რიგში, ადამიანის სიცოცხლე დაცული იქნება.**

არჩილ ჯორჯაძე ყურადღებით აკვირდებოდა დასავლეთ ევროპაში მიმდინარე პროცესებს. ამ პროცესების გაანალიზების შემდეგ იგი საქართველოსა და ქართველი ერის პერსპექტივაზე მეტად საინტერესო დაკვირვებებს გვთავაზობს: „ჩვენში კი (...) ერთნი, დაძაბუნებულნი და გულგატეხილნი აწინდელ მდგომარეობით, ოცნებითაც კი ვერ ჰპოვებენ ჩვენს ეროვნულ ცხოვრების გაუმჯობესებას; მეორენი, განსჭვალულნი ცრუ ეროვნულ აზრებით, ძველ წესწყობილების დარღვევაში ჰპოვებენ დაკარგვას იმ აუცილებელ ცხოვრების პირობათა, ურომლოდაც ვითომც შეუძლებელი იყოს ხალხის წარმატება; მესამენი კი, გატაცებულნი

ევროპიდან გადმოტანილ დოქტრინულ თეორიებით და გახარებულნი იმით, რომ ჩვენ ცხოვრებაშიაც იჩინეს თავი ევროპისათვის საზოგადო კანონად გადაქცეულ მოვლენათა, მიჰყვეს ხელი იდეოლოგიურ მცნების გავრცელებას იმ ხალხში, რომლისაგან შესაძლებელია, ამ მოკლე ხანში მარტო ეთნოგრაფიული მოგონება-ლა დარჩეს“. ამ მეტად საშიში მდგომარეობიდან გამოსავალს არჩილ ჯორჯაძე შემდეგში ხედავს: „ამჟამად კი ორი რამა გვაქვს საზრუნავი: ა) შესწავლა და განმარტება იმ ცხოვრების ეკონომიურ და სულიერ პროცესისა, რომელიც, თანამედროვე პირობების შეფარდებით ქართულ ეროვნულ ხასიათში გამოისახება და ბ) ამ ეროვნულ ფორმების საშუალებით მომზადდება ქართველ ხალხის შესათვისებლად და შესაფერებლად მსოფლიო კულტურისა“. ცხადია, არჩილ ჯორჯაძეს კარგად ესმოდა მის მიერვე დასახული პროგრამის განხორციელების მთელი სირთულე, მაგრამ 1901 წელს იგი ოპტიმიზმით აღსავსეაგაბჰყურებდა ქვეყნის მომავალს.

1901 წელსვე არჩილ ჯორჯაძე აქვეყნებს უმნიშვნელოვანეს სტატიას „**საერთო მოქმედების ნიადაგი**“, რომელიც ლოგიკური გაგრძელებაა სტატიისა „ჩვენი საჭირ-ბოროტო კითხვები“ და ამდენად, გარსმოჯარულ პრობლემათა არსში გარკვევის ცდაა. XX საუკუნის დამდეგის ქართველ საზოგადოებას ავტორი ასე ახასიათებს: „ჩვენი საზოგადოება ჯგუფებად დაიყო. რასაკვირველია, ამ ჯგუფების დაბადებას თავისი საძირკველი თვით საზოგადოებაში, ხალხის მატერიალურ ცხოვრებაშივე აქვს. მინის მფლობელი და მინის მომქმედი, მრეწველი, ვაჭარი და დღიური მუშა ერთი ერთმანეთის ეკონომიურ წინააღმდეგობაში სცხოვრობენ. ამას ვერ უარ-ვყოფთ“. ამ სამწუხარო მოვლენის გვერდით არჩილ ჯორჯაძე სხვა პროცესსაც ხედავს: „... ჩვენსავე



საზოგადოებაში იმგვარი მოვლენანიც არსებობენ, რომელნიც არამცთუ ასუსტებენ ამ წინააღმდეგობას, არამედ ჰბადავენ ნიადაგს მოკამათე ჯგუფების საერთო პრაქტიკულ მოქმედებისათვის. ეს მოვლენანი გვასწავლიან, რომ საქართველო იმ ისტორიულ ხანაში ჩადგა, როდესაც საზოგადოების და ხალხის დაყოფა და დაქუცმაცება კი არ გვესაჭიროება, არამედ იმისი გამთელება და გაერთება“. ამ დასკვნით არჩილ ჯორჯაძე ახალ ეპოქაში ილია ჭავჭავაძის წოდებათა თანამშრომლობის, კლასთა შერიგების, „ჩატეხილი ხიდის“ აღდგენის დიდი იდეის გამგრძელებლად და განმავითარებლად გვევლინება.

არჩილ ჯორჯაძემ ილია ჭავჭავაძის იდეა დააკონკრეტა და გამოყო ის საკითხები, რომელთა გარშემო მთელი ქართველი ერის, ყველა წოდებისა და კლასის გაერთიანება შეიძლებოდა: „ჩვენ გვსურს დავასახელოთ სამი უმთავრესი საკითხი ჩვენი ცხოვრებისა, რომლის გარკვევაში ჩვენს მოპირდაპირე დასებს საერთო მოქმედება შეუძლიანთ. ჩვენ სახეში გვაქვს: ა) ქართული ენის დაცვა, ბ) ქართულ ვაჭრობა-მრეწველობის შექმნა და გ) ქართულ მეურნეობის ქართველთა ხელში შერჩენა“.

გაერთიანების საფუძვლად დასახელებული სამი საკითხის არსს არჩილ ჯორჯაძე დანვრილებით განმარტავს:

**1. ქართული ენის დაცვა:** „ჩვენ აქ ბანალური აზრების განვითარებას არ შეუდგებით იმის შესახებ, რომ სამშობლო ენა გონების წარმატების აუცილებელი პირობაა და რომ სამშობლო ენის დაკარგვასთან ხალხს ეკარგება საჭირო ორგანო გრძნობების და იდეების გამოთქმისათვის. არც იმას ვიტყვით, რომ სამშობლო ენის დაკარგვასთან ხალხს სიცოცხლე აკლდება, ცხოვრება ფერს და სიხარულს კარგავს და რომ ამგვარ საზოგადოებაში მეცნიერებას და ხელოვნებას ადგილი არა

აქვთ, რადგან მეცნიერება მოითხოვს აზროვნების მოძრაობას, ხელოვნება კი გრძნობების და საზოგადოთ შინაგან ცხოვრების განვითარებას, უნოთ კი ყველა ეს იხუთება. ჩვენ მხოლოდ იმის თქმა გვინდა, რომ დროა რაიმე პრაქტიკული ღონისძიება შევიმუშაოთ, რათა გადავარჩინოთ სიკვდილს სამშობლო ენა და ამასთან ერთად, მთელი ჩვენი ეროვნული ხასიათი“. ამ საკითხზე არჩილ ჯორჯაძეს ოპონენტები, შეიძლება ითქვას, არ ეყოლებოდა, თუმცა ქართველი ინტელიგენციის ნაწილი გულის სიღრმეში ავტორს არ დაეთანხმებოდა. რუსული ენა ამ ადამიანებს, სამწუხაროდ, კეთილდღეობის მიღწევის აუცილებელ პირობად მიაჩნდათ, ხოლო ქართული ენის გაბატონება – დრომოჭმულ მოთხოვნად.

**2. ქართული ვაჭრობა-მრეწველობის შექმნა:** „მეორე საკითხი, არანაკლებად რთული და მნიშვნელოვანი, ქართულ ვაჭრობა-მრეწველობის შექმნის, წარმატების საკითხია. ბევრსა ჰქონია ჩვენში, რომ აი, სწორედ ეს საკითხია ის, რომელმაც აუცილებლად ჩვენი საზოგადოება მოპირდაპირე ჯგუფებად უნდა დაჰყო. და ეს დასკვნა უფრო იქედან გამოჰყავთ, რომ სხვა ქვეყნებში სწორედ ამ ნიადაგზე იჩენს თავს კლასთა ბრძოლა. ჩვენის აზრით კი, კაპიტალის ზრდა-განვითარებამ საქართველოში, თანამედროვე პირობებში, **ნაციონალური** მიმართულება უნდა მიიღოს. საქართველოს ეკონომიური წარმატება – ქართველ ვაჭარ-მრეწველთა გამრავლება და მუშათა რიცხვის ზრდა ქალაქებში – კლასთა ბრძოლის ნიადაგად კი არ უნდა ჩაითვალოს, არამედ აუცილებელ პირობად ჩვენის ხალხის ნაციონალურ აღორძინებისა. ქართველი კაპიტალისტი, ესე იგი ვაჭარი და მრეწველი, ქართველ მუშას კი არ უნდა დაუპირდაპიროთ, არამედ იმ უცხო ტომის (სომხების – ვ. გ.) ელემენტს, რომელსაც ხელში უჭირავს ალებ-მიც-

ემობის მონოპოლია. ქართველი მუშა, ასოთ-ამწყობია იგი, თერძი, მეჩექმე თუ კარის დარაჯი, ამავე ეროვნული აზრით უნდა იყოს განმსჭვალული. მართალია, ამ სახით შესანიშნავად ვერ გაუმჯობესდება რამდენიმე ხნის განმავლობაში იმისი მატერიალური მდგომარეობა, რადგან ნაციონალურის იარაღით შრომისა და კაპიტალის წინააღმდეგობა ვერ აღმოიფხვრება, ხოლო ქართველი მშრომელი ხალხი იძულებულია, თავისი კერძო კლასიური ინტერესები საერთო ინტერესებზე დაბლა დააყენოს და მით დაამტკიცოს თავისი ეროვნული თვით-ცნობიერების სიმნიფე. ჩვენთვის ფულიანი კაცები საჭირონი არიან, რადგანაც უფულოდ ჩვენ ვერ ვანარმოვებთ ჩვენი ქვეყნის სიმდიდრეს, რადგან უფულოდ ჩვენ ვერ ვახეირებთ ვერავითარს ქართულს საზოგადო საქმეს – თეატრია იგი, წერა-კითხვის საზოგადოება თუ გამომცემელი საზოგადოება. ჩვენთვის საჭირო არის ქალაქებში შეგროვილი და გამრავლებული ქართველი მუშახალხი, რომელიც შეჰქმნის ნიადაგს ჩვენის ერის ეკონომიურ ევოლუციისათვის”. ამ დასკვნით არჩილ ჯორჯაძემ XIX საუკუნის 80-90-იან წლებში ილია ჭავჭავაძეს, ნიკო ნიკოლაძესა და გიორგი წერეთელს შორის არსებული აზრთა სხვადასხვაობა შეაჯამა, თუმცა არცერთის მხარე არ დაუჭერია. ავტორის ანალიზი უნიკალურია. მიუხედავად ამისა, ოპონენტები ამჯერადაც თავს დაესხნენ არჩილ ჯორჯაძეს.

**3. ქართული მეურნეობის ქართველთა ხელში შერჩენა:** „მესამე საკითხი ამავე ხასიათისაა. ქართული მიწის მფლობელობა ამ ჟამად დიდ განსაცდელშია. ჩვენი თავად-აზნაურობა, რომელიც მიწად-მფლობელი წოდება იყო ჩვენში, თანდათან თავის მამულებს ჰკარგავს. ჩვენი ბანკები, მიწად-მფლობელობის სასარგებლოდ დაარსებულნი, იმის მტრად გადაიქცნენ, რადგან

მამულების გაყიდვის პროცესი დააჩქარეს. ფული, გამოღებული მამულის გირაოთი და არა მოხმარებული მამულის საჭიროებისათვის სწორედ ის ულმობელი, დამარღვეველი ძალაა, რომელმაც წოდებრივ მიწად-მფლობელობას საქართველოში ბოლო მოუღო. მხოლოდ ვის უნდა ჩაუვარდეს ხელში ის მამულები, რომელნიც ჩვენს თავად-აზნაურობას ეკარგება? იქნება ჩვენ იმის ცდაში უნდა ვიყოთ, რომ დავემართოთ თავად-აზნაურობას და რაიმე ღონისძიება ვიხმაროთ, რომ შევინარჩუნოთ მამული და თავისი წოდებრივი ხასიათი? ჩვენი აზრით, ძალიანაც რომ გვდომოდა თავად-აზნაურობის აღდგენა, იგი უკვე წარსულს ეკუთვნის და მისი წოდებრივი აღორძინება შეუძლებელია. მიწათ-მფლობელობა მხოლოდ იმათ შერჩებათ, ვინც მამულს ფულით ახეირებს, ე. ი. ვინც მრეწველობის გზას შეუდგება. და რადგან ჩვენს თავად-აზნაურობაში ამ იარაღთა შეიარაღებულნი პირნი ძალიან ცოტანი არიან, ამიტომ იმ საკითხმა, თუ ვის ხელში დარჩება ამოდენა ქართული მამული, ღრმად უნდა ჩავგვაფიქროს და აგვაცილოს ის შეცდომა, რომელშიაც ადვილად გავებმევიოთ, თუ ამ მოვლენას დოკტრინის თვალთ შევხედავთ. ჩვენის აზრით, ჩვენ ყოველი ღონისძიება უნდა მოვნახოთ, რომ გასაყიდი მამულები ან ქართველმა გლეხკაცობამ შეისყიდოს, ან კიდევ ქართველმა ვაჭარმა, მრეწველმა და საზოგადოთ იმათ, ვისაც მეტი ღონე აქვს გარეშე პირობებთან ეკონომიურ ბრძოლისათვის. ასე რომ, მესამე პრაკტიკული საგანი, ჩვენ ცხოვრებაში წამოყენებული საგანია, რომლის განმარტებაშიაც ჩვენი შეერთებული ძალაა საჭირო, საგანი ქართულ მიწათმფლობელობის და ქართულ მიწად-მოქმედების დაცვისა“. ამ შემთხვევაშიც არჩილ ჯორჯაძეს ილია ჭავჭავაძის, ნიკო ნიკოლაძისა და გიორგი წერეთლის ნაზრების შეფასე-

ბა უწევს. მთლიანობაში ავტორი მაინც ილია ჭავჭავაძის შეხედულებას იზიარებს. ქართველი თავადაზნაურობის გადარჩენის იდეა რომ წამოაყენა, ილია ჭავჭავაძე ლამის ჯვარს აცვეს, თუმცა იდეა ჩველი სოციალური და ეკონომიკური წყობილების (ბატონყმობის) აღდგენას სულაც არ ითვალისწინებდა. ამ შემთხვევაში თავადისა და აზნაურის მამული ილიას მომავალში ფერმერული მეურნეობის საფუძვლად მიაჩნდა. თუ ეს არ მოხდებოდა და თავადაზნაურობა მიწას ვერ შეინარჩუნებდა, ქართული მიწა უცხოტომელთა ხელში აღმოჩნდებოდა. არჩილ ჯორჯაძეს თავადაზნაურობის გადარჩენა ქართული მიწის ქართველთა ხელში შენარჩუნების პირობად მიაჩნდა.

არჩილ ჯორჯაძე კარგად ხვდებოდა, რომ ზემოთ ხსენებული სამი კარდინალური საკითხის გადაჭრა ადვილი საქმე არ იყო, ამიტომაც, რომ ავტორი მის მიერ დასმულ სამ საკითხს „საერთო მოქმედების ნიადაგის“ გაფართოების მიზნით კიდევ ორს უმატებს: „1) ჩვენმა ინტელიგენციამ სახალხო კულტურული მოღვაწეობა უნდა იკისროს და 2) ჩვენივე ინტელიგენცია უნდა ენერგიულად ჩაერთოს ქალაქების თვით-მართველობის არჩევნებში“. ინტელიგენციის როლის ამგვარი გაგება პრინციპულად ეწინააღმდეგებოდა სოციალისტური ორიენტაციის პარტიათა შეხედულებას. სოციალისტები ინტელიგენციას რეაქციულ ძალად მიიჩნევდნენ, რომლიც თითქოს ეროვნული იდეოლოგიის ქაადაგებით სოციალურ პროგრესს აფერხებდა.

არჩილ ჯორჯაძე ეკონომიკის არსებით საკითხებს „საერთო მოქმედების ნიადაგის“ იდეასთან მიმართებაში იხილავდა. ასეთივე შეხედულებას ავითარებდა იგი სტატიის „ჩვენი ეკონომიკური პროგრამის გამო“ (1901 წ.), ხოლო ამავე წელს გამოქვეყნებულ წერილში „ჩვენი მოქმედების სახელმძღვანელო

დედა-აზრი“ ცოტა ხნით ადრე გამოქვეყნებულ სტატიებში წამოჭრილი პრობლემების სხვადასხვა კუთხით განხილვას აგრძელებს. მოქმედების სახელმძღვანელო დედააზრი, ანუ ეროვნული პროგრამის უმნიშვნელოვანესი ნაწილები, არჩილ ჯორჯაძეს ასე წარმოედგინა: „ჩვენ აღვნიშნეთ ოთხი უმთავრესი მოვლენა ჩვენის ცხოვრებისა და ვსთქვით, რომ მათი ჯეროვანი განმარტება ჩვენი ეროვნული პროგრამის განმარტებად ჩაითვლება; ასე რომ, ჩვენი ეროვნული პროგრამის შინაარსს შემდეგი კითხვები შეიცავენ: 1) საჭიროება ენის დაცვისა, 2) ლიტერატურის და ხელოვნების საშუალებით ეროვნულ იდეალების შემუშავება და ეროვნული გრძნობების ხალხში გაღვივება, 3) ქართულ ეკკლესიის დაცვით ძველ ტრადიციების განმტკიცება ხალხში (მამულისათვის თავდადება) და 4) ეროვნულ ნიადაგზე, არსებულ საზოგადოებრივ და ეკონომიურ ბრძოლის მიხედვით, ეროვნული პრინციპებით ხელმძღვანელობა თვით-მართველობის საარჩევნოებში და მრენველობა-მეურნეობის კითხვებში“. ოთხივე საკითხს არჩილ ჯორჯაძე ცალ-ცალკე დანვრილებით განმარტავს:

**1. საჭიროება ენის დაცვისა:** „ერთხელ და საბოლოოდ უნდა გადავწყვიტოთ, გვინდა თუ არა ჩვენი სამშობლო ენა, თუ უმისოდაც იოლად წავალთ? (...) ბევრ ფრაზებს ლაპარაკობენ ჩვენში ქართული ენის შესახებ. ყველანი იმას სჩივიან: ენა გვეკარგება, სკოლებიდან და საზოგადო დანესებულებებიდან განდევნილიაო იგი; საჭიროა მთავრობის ყურადღება მივაქციოთ ამ საგანზე, იქნებ გვეშველოს რაიმეო და სხვა. საკვირველია, კაცის ბუნება იმ გვარადაა მონყობილი, რომ თავისი შეცდომა და დანაშაულობა სხვას თუ არ დააბრალა, ვერ მოისვენებს. ჩვენც სწორედ ასე გვემართება. რასაკვირველია, სკოლებში რომ ქართულს არ გვასწავლიან და

საზოგადო დანესებულებაში რომ არ ხმარობენ ჩვენ ენას, ყველა ამას დიდი ზიანი მოაქვს ჩვენთვის, ცოტა არ იყოს, გვაზინყებინებს დედა-ენას. მხოლოდ, თუ ჩვენ მართლა გვესმის სამშობლო ენის საჭიროება, რატომ არ ვხმარობთ მას შინ, ოჯახში, გარედ, სხვადასხვა ქართულ დანესებულებაში, **სადაც ქართული ენის ხმარება კანონით არ არის აკრძალული?** ეს იყო მწარე სიმართლე და, ცხადია, მისი აღიარება უკვე კარგი დასაწყისი იყო. არჩილ ჯორჯაძის ზოგიერთი ოპონენტი შეიძლება ასეთ მსჯელობას პესიმიზმის გამოვლინებადაც კი მიიჩნევდა. სწორედ მათ საყურადღებოდ წერდა ავტორი: “ქართული ენა იკარგებაო. დილადაც, დაიკარგება. რომელი ენა გაუძლებდა ამგვარ ძალმომრეობას? რატომ არ ვსარგებლობთ ჩვენ იმ კანონის შეღავათით, რომლის ძალითაც ჩვენ გვაქვს ნება ჩვენი საქმეები ჩვენს კრებაზე ქართულად ვანარმოოთ?” შემდეგ არჩილ ჯორჯაძე ნათქვამის დასადასტურებლად კონკრეტულ მაგალითებს უხმობს: “განა თავად-აზნაურობის (ნარსულ) საგანგებო კრებაზე წამლად ერთი ქართული სიტყვა წარმოითქვა? ქართული ენა არ ვიცითო. მაშ, რომელი ენა ვიცით? იქნება ჩვენი ორატორების რუსული მჭერმეტყველება მართლა რუსული ენის ცოდნად ჩაითვლება? მე დარწმუნებული ვარ, რომ ბევრს იმ ..საგანგებო” კრებაზე დამსწრეთ ქართული უფრო ეხერხებათ. რატომ არ ხმარობენ ისინი ამ ენას? ან იქნება ქართული ენის ხმარება იმ დანესებულებაში, სადაც **კანონი** ხელს არ გვიშლის, რაღაც უკანონო „ბუნტად” მიგვაჩნია? რით უნდა დავასაბუთოთ მთავრობის წინაშე თხოვნა სკოლებში ქართული ენის შემოღების შესახებ? განა არ ექნება საბუთი მთავრობას გვითხრას, რომ ქართული ენის შემოღება თქვენი, ქართველების ტანჯვა-ვაებად შეიქმნება, რადგან თქვენს ცხოვრებაში, სოფელში

თუ ქალაქში, ოჯახში თუ საზოგადო კრებაზე რუსულსაც კარგად ხმარობთ? და ვაძლევთ რა ამ მოსაზრებას საფუძველს, ჩვენი დაუდევრობით და უზრუნველობით, ქართული ენის ბედობა ჩვენვე ვსწყვეტთ“. დაბოლოს, არჩილ ჯორჯაძე მეტად საყურადღებო დასკვნას გვთავაზობს: “ხალხის დაქვეითება ნივთიერ მოუწყობლობის გარდა, გაუნათლებლობითაც არის გამოწვეული. განათლება და ცოდნის შეძენა კი დედა-ენის საშუალებით უნდა იყოს შეძენილი“.

არჩილ ჯორჯაძე იოტის ოდენადაც არ აჭარბებს, მან საზოგადოების სამსჯავროზე გამოიტანა დიდი ეროვნული პრობლემა: **ქართულ ენას რუსეთის იმპერიის ხელისუფლება დევნიდა, მაგრამ ოჯახებიდან, სკოლებიდან და სხვა დანესებულებებიდან, სადაც ქართული ენის ხმარება კანონით არ იკრძალებოდა, ქართული ენის განდევნა თვით ქართველთა უმწეობის, უდარდებლობისა და დაუდევრობის შედეგიც იყო.**

2. **ლიტერატურის და ხელოვნების საშუალებით ეროვნული იდეალების შემუშავება და ეროვნული გრძნობების ხალხში გაღვიძება:** „ენასთან ვინროდაა დაკავშირებული ლიტერატურა და ლიტერატურასთან, საზოგადოდ, ხელოვნება – მხატვრობა, ქანდაკება და მუსიკა. ხელოვნებას მეცნიერებასთან აქვს ის უპირატესობა, რომ იგი უფრო მისანვლომია ხალხისათვის, რადგან იმის მოქმედების ასპარეზი ადამიანის გრძნობაა. პოეზია, მხატვრობა, ქანდაკება, მუსიკა – სიტყვების, ფერადების, მარმარილოს და სხვების საშუალებით ადამიანის გრძნობა-გონებას აღვიძებენ. ამისათვის ნამდვილ ხელოვნებას ყოველთვის აქვს საზოგადოებრივი მნიშვნელობა (...). ლიტერატურა და ხელოვნება საუკეთესო იარაღია იმ გრძნობათა და აზრთა გაღვიძებისათვის, რაზედაც უნდა იყოს მიქცეული ჩვენი ყურადღება. ჩვენი აზ-

რით, ეროვნულ პროგრამის გარკვევასთან ერთად უნდა გაირკვეს ჩვენი ხელოვნების მიმართულებაც, ის, თუ რა კითხვები, ერის დამახასიათებელი ნიშნებია წამოყენებული მის წინაშე. ან იქნება ჩვენი ეროვნული ცხოვრება ვერ მისცემს შინაარსს ჩვენს ლიტერატურას, მხატვრობას, ქანდაკებას და მუსიკას? ჩვენი აზრით კი, უნდა მისცეს, რადგან ჩვენს ცხოვრებაში ყველაფერია, რაც კი საჭიროა ნამდვილ ხელოვნებისათვის". ამ შემთხვევაშიც არჩილ ჯორჯაძე აგრძელებს და ავითარებს ილია ჭავჭავაძისა და მისი თანამოაზრეების შეხედულებას მწერლობასა და ხელოვნებაზე.

**3. ქართულ ეკლესიის დაცვით ძველ ტრადიციების განმტკიცება ხალხში (მამულისათვის თავდადება):** „ჩვენს მდგომარეობაში, როდესაც ჩვენი პიროვნება, ყოველი ჩვენი განსაკუთრებული თვისება და ხასიათი დიდ განსაცდელშია, არ შეიძლება არ მივმართოთ ყოველგვარ საშუალებას, რომელიც კი ცოტად თუ ბევრად ჩვენთვის სასარგებლო გამოდგება და დაგვიფარავს გადაგვარებისაგან. ჩვენა გვაქვს სახეში ქართული ეკლესია და ეროვნების დაცვაში მისი მნიშვნელობა“. ამ დასკვნის შემდეგ არჩილ ჯორჯაძე ეხება ქართული ეკლესიისათვის მეტად მტკივნეულ თემას, რომელიც იმხანად და მომდევნო ეპოქებშიც გარკვეული პოლიტიკური ძალების მიერ საგანგებოდ იყო ინსპირირებული: „თავდაპირველად კი საჭიროა ვიცოდეთ, აქვს ნიადაგი ჩვენს მდგომარეობაში იმას, რასაც ევროპაში „კლერიკალიზმს“ და „ანტიკლერიკალიზმს“ უწოდებენ? თავისუფალი მოაზროვნე იქ, ევროპაში, უარ-ჰყოფენ ეკლესიას და მის დოგმატურ მოძღვრებას, რადგანაც ეკლესიას (კათოლიკეთა) ჰქონდა იქ დიდი პოლიტიკური ძალა, მას ყოველთვის ჰქონდა სურვილი მფლობელობისა და იგი ყოველთვის გონების და მსჯელო-

ბის დამოუკიდებლობის წინააღმდეგი იყო. ანტიკლერიკალიზმი ძალაა, რომელიც ებრძვის ეკლესიის მიწიერ პრეტენზიებს“. ამ ზოგადი განმარტების შემდეგ არჩილ ჯორჯაძე სვამს კითხვას: აქვს თუ არა ანტიკლერიკალიზმს საფუძველი საქართველოში? ავტორის ღრმა რწმენით, ასეთი საფუძველი არ არსებობდა: „ჩვენს ეკლესიას უფრო ეროვნული ხასიათი ჰქონდა, ვიდრე ქრისტიანული, ვინაიდან ქრისტეს მიძღვრება არღვევს საზღვრებს ეროვნულ ცხოვრებისას, და ქართული ეკლესია კი ამ საზღვრების დაცვაში იყო. ისტორიულ მსვლელობაში მარტო ქართულ ეკლესიას არა ჰქონდა ამნაირი ხასიათი. ებრაელთა ცხოვრება შესამჩნევ ნიმუშებს წარმოგვიდგენს ამგვარ ზეციერ და მიწიერ ელემენტების ერთი ერთმანეთთან შერევისა და გადაბმისა. იუდაიზმი – შერევაა რელიგიურ აზრისა მამულის სიყვარულში, დაცვაა მამულისა, რჩეულ ხალხისა, ღვთის ხვედრისა. ჩვენი ისტორიული ქრისტიანიზმიც ამ ხასიათისაა(...). ჩვენს დროშიაც ქართულ ეკლესიას შეუძლია ჰქონდეს იგივე საერო ხასიათი ქართულ წირვა-ლოცვით, გალობის ისტორიის და ეროვნულ ტრადიციების დაცვით. ამისათვის ქართულ ეკლესიის საკითხის გარკვევასაც უნდა ჰქონდეს ადგილი ჩვენს მოქმედების გეგმის შემუშავებაში“. არჩილ ჯორჯაძის ნაშრომის დაწერის დროს, 1901 წელს, ავტოკეფალისტური მოძრაობა საქართველოში მხოლოდ ჩანასახოვან პროცესში იყო, არჩილ ჯორჯაძე კი, ფაქტობრივად, უკვე საქართველოს ეკლესიის ავტოკეფალიის აღდგენის საკითხს თამამდ აყენებდა.

**4. ეროვნულ ნიადაგზე, არსებულ საზოგადოებრივ და ეკონომიურ ბრძოლის მიხედვით, ეროვნული პრინციპებით ხელმძღვანელობა თვითმართველობის საარჩევნოებში და მრეწველობა-მეურნეობის კითხვებში:**

„მხოლოდ უპირატესი საკითხი ჩვენის ცხოვრებისა, რაზედაც უმთავრესი ყურადღების მიქცევაა საჭირო, საკითხი, რომლის ჯეროვან გარკვევიდამ გამომდინარეობს სხვა კითხვების გარკვევაც, ეროვნულ ნიადაგზე პრაქტიკულ მოქმედების კითხვაა. უწინარეს ყოვლისა, იმის გადანყვება და განმარტებაა საჭირო, არის თუ არა ჩვენში ერთა შორის ბრძოლა? ჩვენი საერთო ინტერესები ეწინააღმდეგებიან თუ არა უცხოტომელების ინტერესებს? თუ ეს ბრძოლა მართლა არსებობს, მაშინ ადვილია პასუხის მიცემა იმ კითხვაზე, თუ როგორ უნდა მოვიქცეთ ჩვენს პრაქტიკულ მოქმედებაში, ვინაიდან ამ მოქმედების ხასიათი სულ სხვა უნდა იყოს. თუ აღმოვაჩინეთ, რომ ჩვენი დროის პირველი კითხვა ერთა შორის ბრძოლის კითხვაა და არა ეკონომიური, წოდებრივი ან კლასიური ბრძოლა, თუ ჩვენთვის ცხადად გამოირკვა ეროვნული და არა ეკონომიური ხასიათი ჩვენი ბრძოლის ნიადაგისა, მაშინ საჭიროა შევიმუშაოთ ერთ პრინციპზედ დამყარებული რთული ეროვნული პროგრამა, საჭიროა გავიგოთ, ან როგორ უნდა მოვიქცეთ საზოგადოებრივ ასპარეზზედ (თვით-მართველობის კითხვაში), ან ძველ ქართულ ნაშთების დაცვის საქმეში და ან სხვა ტომებთან ეკონომიურ ურთიერთობაში“. ასეთი ღრმა და საფუძვლიანი ანალიზი იმაზე მეტყველებდა, რომ არჩილ ჯორჯაძეს კარგად ჰქონდა გააზრებული ზემოთ ხსენებულ სასიცოცხლოდ მნიშვნელოვან პრობლემასთან დაკავშირებით ილია ჭავჭავაძისა და გიორგი წერეთლის დაპირისპირება ნიკო ნიკოლაძესთან. ეს პოლემიკა XIX საუკუნის 80-90-იან წლებში არ დასრულებულა.

არჩილ ჯორჯაძე ამ საკითხთან დაკავშირებით კიდევ რამდენიმე მწვავე კითხვას სვამს: „ჩვენ ამ წერილში დაწვრილებით ვერ გამოვარკვევთ ამ

საგანს, მხოლოდ მკითხველს დავეკითხებით, რას ნიშნავს ის გარემოება, რომ ბაქოში, მაგალითად, მრეწველები იმერელ მუშებს აღარ იღებენ და, აქ, ტფილისშიაც, ქართველ მუშებს ისტუმრებენ ზოგიერთ ქარხნიდან და მათ ადგილებზედ გადმოსულებს აყენებენ? ან რა არის, თუ არა გამწვავებული ეროვნული ბრძოლა ტფილისის ხმოსანთა არჩევნების საკითხი, რა არის, თუ არა თავგასული ეროვნული ჯიუტობა (სომეხთა ჯიუტობა – ვ. გ.) ეხლანდელ ქალაქის საბჭოს გადანყვებილება არჩევნების რიგის შეუცვლელობისა? ნუ თუ ყოველივე ამაზე ზრუნვა მხოლოდ ბურჟუაზიის საქმეა და არა საერო საქმე? ან იქნება ქართველ მუშების აქაურ ქარხნიდან გამორიცხვაც ბურჟუაზიულ და არა ქართველ მუშის, ჩვენი საერო საქმე არ იყოს? მაშ, სხვა ერის ბურჟუაზიის გამეფება მუშათა კეთილდღეობის კითხვათ ჩაითვლება? თუ ქალაქის არჩევნების წესის შეცვლა იმ რიგად, რომ დამყარდეს თანაბრივი წარმომადგენლობა, ბურჟუაზიული კითხვაა და არა – საერო, მაშ, აწინდელი საარჩევნო წესი, რომლის საშუალებით ქართველები ყოველთვის დამარცხებული იქნებიან, რადგან ერთ საარჩევნო ნაწილში სხვებს ყოველთვის ექნებათ უპირატესობა, ჩვენი, ქართველების, საერთო კეთილდღეობის წესად ჩაითვლება? თუ ქართულ წარწერების ნაშლა, ქართულ ისტორიის გადაკეთება და ქართულ ნაშთების სხვათაგან მითვისება მარტო ბურჟუაზიის საქმეა? რატომ ერთი სინდისიერი „დემოკრატი“ არ გამოუჩნდათ სხვა ერებს სიმართლის აღსადგენად და ქართველების სამართლიან წყრომის დასაშოშმინებლად?“ ცხადია, დიდი მიხვედრა არ უნდა, რომ „ქართულ წარწერების ნაშლა, ქართულ ისტორიის გადაკეთება, ქართულ ნაშთების სხვათაგან მითვისება“

სომხების საქმე იყო და ეს ანტიქართული პოლიტიკა მთელი ქართველი ერის სასტიკი წინააღმდეგობის შედეგად უნდა აღკვეთილიყო. არჩილ ჯორჯაძე სავსებით სამართლიანად მიუთითებს, რომ **სომეხი „დემოკრატები“ მხარში ედგნენ ყოველგვარი ანტიქართული საქმის წამოწყებას და არც კი ფიქრობდნენ, რომ ქართველთა სამართლიანი ინტერესებისთვის ანგარიში გაენიათ. ამის საპირისპიროდ ქართველი „დემოკრატები“ საერთოდ არაფრად აგდებდნენ ქართველი ერის ინტერესების შელახვას და მხოლოდ „საკაცობრიო იდეალების“ გამო წუხდნენ.** ნაშრომში ვკითხულობთ: „უცხოელ სიტყვიერებას (საკაცობრიო იდეალებს – ვ. გ.) ნუ გამოუდგებით – იგი ჩვენ არას გვეუბნება, არაფერს გვიხსნის“. ასეთ ვითარებაში რა უნდა მოიმოქმედოს ქართველობამ? ნაშრომში ავტორი სრულიად ნათლად გვამცნობს ამ საკითხის მიმართ თავის პოზიციას: **„ჩვენ ჩვენი წყლული გვანუხებს, ეს წყლული ჩვენი ეროვნების დაჩაგვრანუ დავაჩაგვრინებთ ჩვენ თავს. სხვის მაყურებელნი ნუ შევიქნებით, თუ თვითონ არ უშველეთ ჩვენ თავს, სხვები, თუ მეტსაც არ გვიზამენ, არას გვიშველიან!“** არჩილ ჯორჯაძის ეს მოწოდება მეტად აქტუალური რომ იყო, იქიდანაც ჩანს, რომ მას არათუ მაშინ, დღესაც არ დაუკარგავს სიმწვავე.

„საერთო მოქმედების ნიადაგის“ იდეას უკავშირდება არჩილ ჯორჯაძის წერილი **„ვის უნდა დარჩეს ჩვენი მიწა?“** (1901 წ.). იმ ქაოტურ ეპოქაში ვის, რომელ სოციალურ ფენას თუ კლასს უნდა დარჩენოდა ქართული მიწა, ძალზე რთული სათქმელი იყო. სწორედ ამ სირთულის აღნიშვნით იწყებს არჩილ ჯორჯაძე ნაშრომს: „ერთ ჩვენ წერილში შევეხეთ ქართულ მიწა-წყლის ბედობას და, სხვათა შორის, ის აზრი გამოვსთქვით, რომ უნდა ვეცადოთ, რომ ჩვენი მიწა **ქართველებს** შევარჩი-

ნოთ. ამის შესახებ ორნაირი საყვედური მოგვივიდა. ერთის მხრივ, გვისაყვედურებენ, რომ ჩვენი დასკვნა მკაფიოდ გამოსახული არ არის, წერილიდან არა სჩანსო, საჭიროა თუ არა, რომ ჩვენი მიწა გლექკაცობის ხელში გადავიდესო; მეორეს მხრით, გვისაყვედურებენ, რომ ჩვენ თავად-აზნაურობის ინტერესების წინააღმდეგი აზრები გამოვსთქვით და იმის ცდაში ვართ, რომ მას ეხლავე უსათუოდ მიწა ჩამოერთვასო“. სწორედ ამ ბუნდოვანების ცხადყოფისათვის არჩილ ჯორჯაძე უბრუნდება მტკივნეულ თემას და აცხადებს: „რათა ამ ორ საყვედურს საფუძველი ავაცალოთ, ჩვენ ვამბობთ – **პრინციპიალურად** იმ აზრისა ვართ, რომ მიწა, ეს საწარმოვო იარაღი, მწარმოებლის, ე. ი. გლეხის ხელში უნდა გადავიდეს, მხოლოდ, რადგან ეს პრაქტიკულად არ მოხერხდება ამ უამად, ამისათვის უნდა ვეცადოთ, რამდენადაც შეიძლება, გლექკაცობას ვაყიდვინოთ გასაყიდი მიწა და, რასაც იგი ვერ შეისყიდის უფულობის თუ სხვა მიზეზების გამო, ყოველი ღონისძიება უნდა ვიხმაროთ, რომ იგი ჩვენს თავად-აზნაურობას შევუნარჩუნოთ. ასე რომ, ჩვენი მიწა გარემოების და დროის მოთხოვნილებით, **ქართველობას** უნდა დარჩეს, ე. ი. ყოველ იმ ქართველს, **განურჩევლად წოდებისა**, ვინც კი შეძლებს გასაყიდ მიწის შეძენას... ქართველი ხალხის ინტერესია – ჰქონდეს მას საცხოვრებელი მიწა-წყალი“. როგორც ვხედავთ, არჩილ ჯორჯაძე დიდი ეროვნული საფრთხის შესახებ მიგვანიშნებს: “მხოლოდ თუ ჩვენ მიწას უცხოელები დაეპატრონებიან, ქართველ გლეხის ხელში იგი ვეღარ ჩავარდება. ასე რომ, ჩვენ წინ ამგვარი დილემაა: ჩვენს აზნაურს მამული ეყიდება, გლეხს იმისი ყიდვა არსებულ პირობებში არ შეუძლია; დავეხმაროთ თუ არა აზნაურს, რომ მან დროებით მაინც არ დაჰკარგოს მამული, თუ გულგრილად უყუროთ ქარ-

თულ მიწის სხვის ხელში გადასვლას? ჩვენ იმ აზრისა ვართ, რომ **საზოგადო ინტერესის მიხედვით, საჭიროა ამ აზნაურს დავებმართო. თავად-აზნაურობის მიწის-მფლობელობის დაცვის საჭიროება გამომდინარეობს ჩვენი გლეხკაცობის ინტერესიდან, რადგან ჩვენი აზნაურობის მამულ-დედული გლეხ-კაცობის და ქართველ მრეწველების (განურჩევლად ნოდებისა) მემკვიდრეობაა და რადგან სხვის ხელში გადასვლასთან ამათ ეს მემკვიდრეობა სამუდამოთ დაეკარგებათ**“. მწერლის ამ მოსაზრებას ბევრი საერთო აქვს ილია ჭავჭავაძის პოზიციასთან, რომელიც ბატონყმობის გაუქმების დროს და შემდგომ ათწლეულებში როგორც თავადაზნაურობის, ისე გლეხობის ინტერესებს იცავდა.

ეკონომიკური უთანასწორობა და ამის საფუძველზე კლასთა დაპირისპირება ყველასათვის საცნაური იყო და მას ვერავინ ვერ უარყოფდა. არჩილ ჯორჯაძე სვამს კითხვას: „თუ ეს ასეა, რანაირად გვსურს დავიცვათ ეროვნული მთლიანობა და ერთობა? თუ ეროვნება კავშირია, ეკონომიური ბრძოლა ხომ განხეთქილებაა, კავშირის განწყვეტაა, ერთობის დარღვევაა“. ავტორმა თავს იდო ეპასუხა კითხვისათვის: **„რა საფუძველზე შეთანხმდება და შეზავდება ეს წინააღმდეგობა?“**

1901 წელს არჩილ ჯორჯაძის პუბლიცისტური წერილები ყოველგვარი შეფარვის გარეშე, ღიად მიმართულია ქართველი სოციალისტების წინააღმდეგ. სოციალისტებს და მათ აღიარებულ ლიდერს, ნოე ყორღანიას, ძალზე აღიზიანებდა ის, რომ არჩილ ჯორჯაძე თითქმის მთლიანად ეთანხმებოდა ილია ჭავჭავაძის ნოდებათა შერიგების, ნოდებათა თანამშრომლო-

ბის იდეას. დაიწყო ლაშქრობა საერთო მოქმედების ნიადაგის წინააღმდეგ. და ეს ხდებოდა 1905 წლის რევოლუციის წინა ხანებში, რევოლუციისა, რომელმაც კიდევ უფრო მკვეთრი ზღვარი გაავლო სოციალურ კლასებსა და ნოდებებს შორის. საერთო მოქმედების ნიადაგის იდეას დიდი სოციალური კატასტროფის ატმოსფეროში ადგილი აღარ დარჩა.

საერთო მოქმედების ნიადაგის არჩილ ჯორჯაძისეულ იდეაში ქართველმა სოციალისტებმა დიდი საფრთხე დაინახეს. დაიწყო ხანგრძლივი პოლემიკა. **არჩილ ჯორჯაძის დაპირისპირებამ ნოე ყორღანიასა და გაზეთ „კვალთან“ აჩვენა, რომ ამ ორი მოღვაწის შეთანხმება შეუძლებელი იყო. ეს მოულოდნელი სულაც არ გახლდათ და არც ტრაგედიად შეიძლებოდა შეფასებულიყო. ტრაგედია იყო ის, რომ ვერ მოხერხდა ილია ჭავჭავაძესა და არჩილ ჯორჯაძეს შორის საერთო ენის გამოხსნა მაშინ, როდესაც ძველი და ახალი თაობის ამ ორ გამოჩენილ მოღვაწეს ბევრი რამ საერთო ჰქონდა. მათი შეუთანხმებლობის ახსნა შეიძლება, ზოგიერთი არჩილ ჯორჯაძეს გაამტყუნებს, ზოგიც – ილია ჭავჭავაძეს, მაგრამ ამ შეუთანხმებლობის გამართლება, ობიექტური და სუბიექტური მიზეზების ძიება არაფრის მომტანია. შედეგი სავალალო იყო: საქართველოს უგვირგვინო მეფისა და ახალგაზრდა თაობის აღიარებული წინამძღოლის შეუთანხმებლობამ ქართულ საზოგადოებრივ-პოლიტიკურ მოძრაობაში სოციალ-დემოკრატიების გავლენის გაძლიერება გამოიწვია. ეს კი არც ილია ჭავჭავაძის სურვილი იყო და არც – არჩილ ჯორჯაძისა.**